

Dungthluntu Sinak Tlawng

Zirlai 1	Thuhmaihruai
Zirlai 2	Karbak Pakhatnak
Zirlai 3	Fiangfel Nun
Zirlai 4	Thlarau Thianghlim
Zirlai 5	Thlacamnak
Zirlai 6	Pathian Thu
Zirlai 7	Ngaihtuah
Zirlai 8	Pathian Aw Ngaithla
Zirlai 9	Biaknak
Zirlai 10	Rinnak Nun
Zirlai 11	Larnak
Zirlai 12	Nuntam Nun
Zirlai 13	Jesuh vekih Nun
Zirlai 14	Thianhlimnak
Zirlai 15	Tuarnak
Zirlai 16	Kohhran Sungih Thuneihnak
Zirlai 17	Duhdawtnak
Zirlai 18	Jesuh Vawihnih Ralsalnak

A tawpna*k* ih thil pawimawh bet mi

Ziangtin Nangmai Tlawng na phuan ding?

Zo ka si?

Thusuh ding

Tlawngta, Hruaitu le Pastor pawl hrangih kaihhruainak cabu

**HIPAWL HI ZOH~HIM DING LAWNG A SI TI THEI RINGRING AW
NANGMAI DINHMUN THAWI MIL AW MI TEHKHIN THU LE BUNG CANG,
BULPAK HMUHTAWN MI LE HRILHFIAHNAK PAWL BET AW.**

BUNGCANG TININ MINUTE 45 IHSIN NAHZI 1 KARLAK SIAR AW.

© 1985-2007 The DCI Trust, England

Global Support for the world of mission

Web site: <http://www.dci.org.uk>

E-mail: <http://www.dci.org.uk/main/writetodci.htm>

1. Thuhmaihruai

Kum zabi 21nak ih kohhran le mission hruaitupawl hrangih khawvel huap kan training ihsin kan lo hmuak. Hi training tlawng hi rikham nei lo le ramri um lo le fee `ul lo in le politic le biaknak, hman le kohhran (pawl) tivekpawl luan ih Jesuh hminih zirh awknak hmun a si.

Hi zirnakpawl hin nangmah vekih thinlung neitu Jesuh hrangih duhdawtnak hmaisai ih ceng le nungpawl hrangah lo ti nung in le malza lo sawm dingin kan beisei.

A ngaingai in tui ni ih hi zirnak na zir thawknak san cu `ha sawn ih Lalpa theih na duh ruangah le na thinlung ah mipipawl hi na hnampi le na innsang vekih hmuh na duh ruangah a si ih hlei ah khawvel ih Pathian thu thei hrih lopawl le farahpawl cu Jesuh Khrih ah rinnak ruangih Pathian kilvennak le duhdawtnak ah felfai le thianghlim nun nei dingih na duh ruangah a si. Hi zirnak hin cuvek si dingah a lo bawm ding.

Zirnak pakhatnak cu fiangfel tak le a hram thawknak lawng a si. A dang zirnakpawl hin tuah dingah le zir dingah thil `ha thawn hi ai ih `ha le famkim sawn in a lo zirh ding. Cupawl cu keimah khalin ka rak tuah suah ve dah ih, tlawng khalah ka zirh, mi tamtak kut sungah cupawl cu zemuak a si hnu ah tu khalah na hnenah zemuak ve a si. Ka rak tuah rero vekin nang khalin Lalpai hrangah le A lamzinpawl ah cangvai in le ral`ha in malsawm na si ding hi ka thlacamnak le ka beisei mi cu a si.

Dr. Les

1. A hmaisai bikah kan thlacamnak le Thlarau Thianghlim bawmna thawn kum tamtak kan rak zir mi thu le hla cu na hnenah rak lo hlawm ve kan duh ih thinlung sangka ong in a si dan na rak hmu fiang thei ko ding.

Hi Zirnak hi `hangso lo ram ih kohhranpawl hrangah `ul emem le `angkai a si theinak dingah thupi taktak thawn kan fehpi:

Zum pekpawl hrangah Evangelism, Mission, Dungthluntu sinak hram thawknak, Sumpai hrangah Pathian rinsannak, Pathian ih Kawhnak Dungthluntu sinak pitling, Hruaitu Zirh awknak, le Kohhran Tundinnak tla an si.

2. A pahnihnak ah, a cang thei asile na kiangkap ih minungpawl hnenah na zir mi hmuahhmuah na semdarh vivo kan beisei, culawngah Pathian thu a karhzai ding. Paisa cementam `ul lo in ziangtin na tuah ding ti kan lo hmuh ding. Ziangti tuah ding ti thei dingah siar vivo aw:

A tawp ahcun FAQs section ah ziangtin Mission Tlawng in a `ha bikin a tuah. Ziangtin Nangmai Tlawng na Ong ding ti cu FAQs section le zirnak neta bikah le zirnak 66 ah a um.

Dugthluntu Kohhran lamzin ah Bible tlawng kan ti mi cu innpi sak ding le mifim, mithiam zirhtu neih lam a si lo. Kan tlawngtapawl cu biakinn sungah, inn ah, dawr ah, thingkung hnuai tiang

hmanah kan zirh ding a si. Na `ul mi cu zir duhtu minung le Bible a si, hi thilpawl le Pathian umpinak cu thlacamnak in a si. Na tuah thawk dan ding le na feh dan dingpawl ah kan lo zirh ding.

Cutikah, kan duh mi cu hi zirhtirnak thotho hmangin le Pathian thu hmangin na hnen ihsin mipipawl in an zir ih, annihpawl khalin an theih midang hnenah an sim vivo ding hi a si.

Suhnak: Hi zirnak hin ziangha a tuah `hat bik?

Sannak: Hi zirnak hin Jesuh ih dungthluntupawl a zirh vekin le lehnnu ah Paul in Timothy a zirtir bangin hmual nei zet nunpinak thotho zirhtu in a thlun tikah hi zirhnak tin hin a `ha bik ringring.

“Cun theihpitu tampi lakih ka hnen ihsi na theih mi thu, khai thupawl kha mi rinum, midang khal zirh theitu ding pawl hnenah hlan aw.” Paul in Timote a zirh, 2 Timothy 2.2.

A hramthawk ihsin `hatei na hmuhfiang kan beisei. Kum hra sungah member 8 ihsin 120,000 tiangih `hanglian kohhran neitu Bogota Colombia ih Pastor Cesar Castellanos in ziangtin a sim ti zoh hnik,

“Jesuh rawngbawlnak fiangzetih hmuhnak thawn ka thawk. Mitam takin an thlun nan, mitam tak a zirh lo. Mi 12 lawng a zirh ih mipi tamtak thawi a tuah mi hmuahhmuah hi mi 12 zirhnak ih a hman mi a si. Cutikah Lalpan thu dang i sut mi cu: “Jesuh in mi 12 lawng a zirh asile Jesuh zirh mi 12 ai ih tam maw mal saw na zirh ding? tiin. Jesuh in mipi hnen thleng dingah mi 12 lawng a zirh. Zirh pitling an si hlan, le thlah an si hlan le hnamtin dungthluntu si dingih thuneihnak le huham a pek hlan loh cu dungthluntu 12 thawn Jesuh cu tlaitluan in a um.”

Pastor, hruaitu, tlawngta hrangih tuah ding `ha bik cu hi zirnakpawl zir tlang duh rualpi 12 asilole cuvek zir duhtu zumtupawl hmuh ding hi a si. Pathian Thu le Pathian Thlarau in mi tinih rinnak, nunhlan awknak cu a kawmkhawm dingih Jesuh dungthlunnak ihsin Jesuh ih nuntlan dan cu na thlun thei ding, cutin a hmaisa bikih rualpi 12 pawlkomnak ah cupawl in pakhat cio an rak hruai sal tikah a dang minung 12 an pung bet.

2 Timothy 2:2 cu a `uat ih na `uat tikah

Nangmahte na zir asile - mi pakhat in Lalpai thu a thei ding.

Mi 12 thawn na zir asile - mi 13 in Lalpai thu an thei ding.

Mi 12 in a dang mi 12 hnenih an sim asile - 157 in Lalpai thu an thei ding.

Mi 157 in a dang 12 hnenih an sim asile - 1,884 in Lalpai thu an thei ding.

Mi 1,884 in mi a dang 12 hnenih an sim asile - 22,608 ih Lalpai thu an thei ding.

A tlunih ta vek hi Training by Multiplication zirnak hmun China le South America le Africa ahcun a `hanglian, ziangah tile Jesuh dungthlun dingah nunhlan awtu mi thawng tampi hnenih zirhnak `ha bik a si ruangah a si. Hihi na hrangah, na kohhran le na Mission Tlawng khalah thil cang thei a si.

Tawnkhawm awknak le biak awknak dingah inn 'ha'ha le thilri a 'ul ciamco lo. "Cun theihpitu tampi lakih ka hnen ihsi na theih mi thu, khai *thupawl* kha mi rinum, midang khal zirh theitu ding pawl hnenah hlan aw." 2 Timothy 2.2.

Mi tamtak zumtu pitling si dingah kan zirh tlang thei ih, anmah rori khal rawngbawlnak hna an `uan rori ding - thuthang`ha sim, dungthluntu sinak le farah kilven, rinnak pitling nun nei, hna dangdang le sumpai pawl tla hi thuthang darhzai dingih `ul mamawhpawl an si. Semtirnak bung khatnak ah Pathian Thu cu Pathian Thlarau thawm a ra thleng tlang tikah nun thar hmuh a si, Lalpa in cuvek thotho in a tuah ding cu si kan thlacam mi cu, tu ah na nunnak ah le na pawlkom nunnak ah cucu thleng hram seh.

Cawl hahdam aw. a `hang rero mi Mission Tlawng pawlkompi na hruai ih na tluang thei lo asilole pawlkom thawm hna na `uan rem thei lo a si ahcun hi program hi nangmah pulpak in asilole na kiangkap mi in an lo siang asile anmah thawm na zir a `ul lai tinak a si. A pahnihnak tlawngta kan nei lo ziangtik hmanah.

Hi zirnak hi a har tuk maw? Zirnakpawl cu Africa, India le Hispanic pawl in an rak zir zo ih, anmah local kaihhruainak ah an la lut zo. Cupawl ih an sim mi cu hi zirhtir dan cu Bible vek rori, a dik mi, a `hangso rero mi ram hrangih `angkai zet mi taimaknak suahtirtu, le Jesuh rat sal ih Thupek Ropi ti famkim dingah `angkai zet a si. ~hangso rero rampawl ah hi zirhtir dan tamtak cu hrinsuak a si zo, hnam rero a si, cucu Bible san- dungthluntupawl ih san lai thawm an dang lam vak lo.

Pathian bawmna thawm hi zirlaipawl cu cathiam lopawl hrangah har tuk a si zik lo. Zirhtir dan khal awlte a si ih `ongkampawl khal `ongleh na duh hmanah awlte lawnglawng an si. Zirlaipawl cu siar awlte an si ih, na rualpipawl khalin a thlawn in an copy thei ih an download thei. Zirlai tinin a hranhran tei download a theih ih, hmual nei zet zirlai bu khal a si. Midang khal an copy thei ih man khal a cem tam tuk lo ding. ~henkhat tla cun kut ngan in an copy.

Hi a hramthawknak zirlai pakhatnak tawpna khal a si, ziang na tuah ding ti fiangfel dingah Theihtirnak Cahmai ih section tinin thusuhnak thawm na siar a `ul. Zirlai 2nak ihsi thawkin na zir thawk taktak thlang ding.

2. A Hmaisai Bikah

Na Bible Ih Hihi Siar Aw

Tirhmi 2.22-47.

Zoh Lo Siar Ding

“Siraw uhla, soal ngaidamnak ding hrangah Jesuh Khrih hminin nan zaten baptisma co cio uh, cutin Thlarau Thianghlim ih thilpek nan co ding. Tirhmi 2.38.

Cuthluh in Hitin Suh aw

Nan zaten sualsir ih baptisma la in le Thlarau Thainghlim co in Pathian ih sungkuapawl nan zawm zo maw? Nan tuah hrih lo asile tu ah tuah thlang uh.

Tuah Hmaisat Ding Thil

Nanmah lak ih si na hmuh thei mi Bible zirlai bupawl la khawm aw, asilole zumtu dangpawl ih inn ih tapawl siseh, library ta khal la khawm aw. Cang lawrkhawmna, Bible dictionary, hrillfhiah bu, le lexiconpawl zoh khawm aw. Cumipawl in khuitawkah zirnak na nei ding ti an lo hmuh ding.

Deploma Hna`uan Ngan aw

Thuthlung Thar ah zianghmuah baptisma pek thu na hmu ti hawl awla, cupawl cu cahmai hmai hnih khat in ngan aw.

Hi Thuhla hi Ngaihtuah aw

Colossa 3.1-10.

Bible kan siarnak ah zumtu hmaisapawl Thlarau Thianghlim ih an khah tikah ziang a cang ti theih duh ih ra mipipawl hnenah Peter in ziangtin Jesuh thu a sim ti kan thei. Jesuh rat salnak, Pathian Fapa a sinak, le a nunnak, hruaitupawl kutih a thihnak le a thawhsalnak le Pathian kut vawrhlan ih to Lalnak thu cu mipi in an thei, cutikah annih in Peter hnenah thusuhnak thupi tak an sut -

1. Ziang Kan Tuah Ding?

Tirhmi 2:38 sungih Peter ih sannak ih in sim mi cu Pathian sungkua si dingah thil pathum a `ul thu in sim. Ziangpawl saw an si?

Sualsirnak

Thlarau Thianghlim ih kan thinlung ih in sim lawngah soal ka sir thei ih, a thianghlim Pathian hmai ah kan sualnakpawl raphlak zia kan hmu thei. Cutikah kan riah a se taktak ih kan si dan bangin kan sim, cun kan sir aw. Sualsirnak ih um zia cu kir sal nun le kan rak tuah mi ralsan zawngih feh a si. Hi khawvel soal lamzin ih kan rak feh tikah ka sir aw salih Pathian ih lamzin zawh ding kan hril sawn, cuvekih feh thei dingin kan dil.

Baptisma Co aw

Peter in a sim mi cu sualsir hnu ah, mi tinin an sualnakpawl hrangah ngaidamnak an co zo a si ti hmuh dingah Jesuh Khrih hminin baptisma co ding an si. Baptisma cu hlanlai mipawl ih nunphung a si ih, Judah rinnak an ra zawm tiki an tuah `heu mi a si, cutikah mipi cun Peter in ziang a sim ti an thei. Asinan Jesuh'i dungthluntu hrang ahcun nunphung dan ai in baptisma a thupi sawn deldel. Hihi Lalpai dungthlunnak a si ih nun thar le innsang thar sungih luhnak khal a si.

Thlarau Thianghlim ih Thilpek Cohlang aw

Kan sungih a umpinak le huham tel lo in Khristian nun hlawhtling neih a theih lo. Pathian thawi pehtlaih awknak nung sungih sakhua thil tinungtu cu Thlarau Thianghlim a si. Kan bulpak nun famkim dingah le zumtu dangpawl thawi um tlang thei dingah Thlarau Thianghlim kan `ul. Amah cu cohlang ih, kan nunnak sungih ceng dingah sawm ding hi a thupi tuk ruangah Peter cun a hmaisai bikih kan tuah ding mi a si a ti. Baptisma kan co hnu ah Thlarau Thianghlim kan in a `ul. 1 Corin 12-13 siar aw.

2. Jesuh Amah rori khal Baptisma a Co

Matthai 3.13-17 ah nuntu khawsak dan hrangih zoh`hiam `ha bik Jesuh thu kan siar thei. Baptisma a co hnu lawngah si lo maw rawng a bawl ve kha.

Baptisma in Jesuh hnenah Thungainak Nun a Hmuh

Matthew 28.19 ah Jesuh in mipipawl baptisma la dingin thu a pe ih John 15:14 ahcun cui a thupekpawl kan thlun asile a rualpi kan si in ti. Tirhmi 5:32 cuvek thotho in a sim.

Zosaw Baptisma Co Ding?

Bible sungah zumtupawl lawngin baptisma an co ti kan hmu. Jesuh thu ngai hi thu bawhcatnak pawimawh tak a si nan, nauhakte khalin a zum ve thei ruangah Bible sungah baptisma co dingah kum bitiam a um lo. ~henkhat kohhranpawl ah nulepapawl in an fatepawl baptisma an cotir, asinan hihi Pathian hnenih an fate hlannak ah nu le pai rinnak cangvainak a si.

Ziangtin Baptisma Na Co Ding?

Bible sungih baptisma a sim dan ah phim asilole hnim a si, cuiruangah `henkhatin a theh ih theh hmang hman hai sehla, Bible tikcu lai ih an tuah dan kan ruah tikah reilo te sung phim awk lawk a si.

Baptisma Co Tikah Ziang a Cang?

1) Baptisma ti cu Jesuh zarah Pathian ah na rinnak mipi theih ih phuansuaknak a si ih, Pathian, vancungmi, ramhuai le minung pawl hnenah Jesuh'i dung ka thlun ding tiih phuan awknak a si. Mark 8.38.

2) Baptisma timi cu Kross parih Jesuh a thih tikah na nunhlun cu amah thawn a thi ve a si ti theihtirnak a si. Na sualnakpawl na khawlh ih Jesuh a thih ih phum a si bangin na nunhlun cu thi le phum in a um. Tidai ih si na ra suah tikah rinnak in nun thar na co, thawhsalnak huham ah amah thawn pumkhat nan si ti na thei. Rom 6.3-6.

3) Baptisma timi cu Kohhran, Pathian ih innsang thawn nan pehzawm aw ti phuanlannak a si, 1 Cor 12.12-13.

Ziangtikah Baptisma Na Co Ding?

A rang thei bikin. Tirhmi 2:38 ah mipipawl Jesuh dungthlun dingih an hril ni lala ah baptisma a co. Baptisma cu Pathian zangfahnak co dingih lamzin a si ih zumtu thar hrangah a din thawk theinak dingah bawm dingin zangfahnak maksak a mamawh.

3. Pathian Innsang in Kan Lo Hmuak

Jesuh dungthlun dingin thu na thluk tikah innsang tum ngaingai ah na lut tinak a si. Nangmai hna lawng `uan in Jesuh dung na thlun thei lo. Kohhran, Pathian ih innsang ih tel hi a thupi

ngaingai. Kohhran ih umnak in na nun ah humhimnak le hngelhnghehnak maksak a run keng ding.

Ziang Kohhran ah Na Um Ding?

Tu lai ah zumtupawl pawlkom awknak ci dangdang a um, a `hen cu nunphung ngai thupi an um vekin santhar takih ih kohhran kaihruai khal an um, asinan kohhran `ha cu Thuthlung Thar sanih hmuh theih mi pawlkomnak kaihhruainak `ha vek nei ringring hi a si. Tirhmi 2.42-47 siar aw.

- Tui ni ih Bible ih kan hmuh mi tirhmipawl ih zirh mipawl kaihngget aw. A hmaisai ih kan hmuh mi cu sualsirnak, Pathian ah rinnak, baptisma, kut hngatnak, mithi thawhsalnak le catuan thu`hennak pawl an si, Hebrai 6.1-2.
- Rualpi tlaitlun sinak kaihngget aw.
- Sang phel tlangnak in Pathian ih zangfahnak co ding kaihngget aw.
- Thlacam ringring.
- Pathian biaknak dang khal a um, thilmakpawl, le minung puntirnak. Mipipawl in an thil neih mi an hlawm aw, farahpawl an bawm ih inn ah siseh temple ah siseh Pathian thang`hat ding in an tong khawm aw.

Asinan baptisma lak, Thlarau Thianghlim co le Pathian innsang pehzawmnak hi a hramthawk fang a si ti theihhngilh hlah. Culo thil dang tamtuk hmuhsuak ding a um.

A House of Prayer for All Nations

Pray for Saudi Arabia

Operation World page 477

The death penalty is the price

for following Jesus in Saudi Arabia

Nearly all 17,000,000 follow Islam.

3. Thei Fiang Aw

Na Bible Siar aw

Ephesa 2.

Zoh Lo Siar Ding

Hi thupawl hi Pathian Fapa hmin zumtu nanmai hnenah ka ngan a si; cuticun kumkhaw nunnak nan nei ti nan theih theinak dingah, le Pathian Fapa hmin nan zum theinak dingah., 1 John 5.13.

Cuthlukin Hih Sim aw

Nun thleng awknak le sawmnak cu na nun ah Pathian in a run keng ti rel khawm uhla, anih cu nanmah thawn hitawkah hna a `uan ti hmuh aw.

Tuah Hmaisat Ding Thil

Rawngbawlnak ih a takram ah rua-hman cia nak in na innsang malsawm dingah, na innhnen asilole mifarah malsawm dingah duhdawtnak thar cun amahte a phuang aw tiring aw (ziangahtile Pathian cu duhdawtnak a si). A cang zo mi thil sim in theihtir aw.

Deploma Hna`uan Ngan aw

Lalpa ah na nun hlun le nun thar `hanlen dan an danglam awk dan ngan aw. John ih simmi `ansan in ngan aw.

Hi Thu hi Ngaihtuah aw

John 5.24.

Thuthang`ha kan zum ih Jesuh cu Rundamtu le Lal ih kan zum tikah le kan nun sung a dungthlun dingih kan tiamkam aw ih, thim in tleu ah ka kir, cun Satan thuneihnak ihsin Pathian hnenah kan kir tikah Bible in thu in tiam. Cui thutiam cu kan sualnakpawl hrangah ngaidamnak kan co ih rinnak ih tithianghlim mipawl lakah hmun kan nei ti hi a si, Acts 26.18.

1. Ziangtin Kan Fiang Thei Ding?

Zumtu hrangah nunnak timi cu hmuhnak in si loin rinnak ih feh a si. Cuiruangah fiangzetih kan theih ringring mi cu Pathian in thim thuneihnak ihsin in hruaisuak taktakih a duhdawt mi a Fapa ih lalram sungah in hruai lut ti hi kan fiang zo a si lo maw?

Rinhleih Ding Um Lo ih Pathian ih a Ret mi Rinnak Famkim cu Ziangtin Kan Nei Thei Ding?

2 Cor 5.7; Col 1.13; Heb 10.22.

Pathian cu Mibum dingin Minung a si lo

Mipumsiarnak 23.19.

A tlun thu sannak cu a thu ah Pathian in ziang a sim timi zumnak ah a `hum aw. Cucu kumkhua in a hmun ding, zingahtile Pathian cu ziangtik hmanah a thleng aw dah lo.

Rundamnak Thu In Tiam

Zoh aw - Sam 91.16; Isaiah 45.17; Mark 16.16; Luke 19.9; Tirhmi 11.14; 16.31

Roco Fa ah In Co Zo in Ti

John 1.12; Rom 8.15; 2 Cor 6.18; Gal 3.26, 4.5,6; Ephesa 1.5.

2. Hitawkah Pathian hnen ih si Duhdawtnak Ca

Cucu a cangah duhdawttu tirhmi ti ih kawh `heu mi Jesuh ih rualpi `ha bik John ih ngan mi a si. Anih cu Pathian kan nun ah ra in kanmah ah hna a `uan ti fiangter dingah thusuhnakpawl sang dingin can ngan dingah Pathian ih thawtkhum mi a si.

John in “Hi thupawl hi Pathian Fapa hmin zumtu nanmai hnenah ka ngan a si; cuticun kumkhaw nunnak nan nei ti nan theih theinak dingah, le Pathian Fapa hmin nan zum theinak dingah,” a ti. 1 John 5.13.

Pathian ih Falepawl Kan Si Ti Kan Thei Thei

Ziangruangah? Ziangatile ziangtik hmanih cang dah lo thil thar kan kiangkap ah le kan sungih a rung cang mi hin kan nemhngat thei. Cucu Pathian ih hna `uan a si. Kan hlawhsam asilole ni dang hrangah a rak cang a si hmanah kanmah ah Pathian cu hna a `uan thawk zo ih famkim tiang a tuah ding., 1 John 3.2; 5.19; Phil 1.6.

3. Hna `uannak ah Pathian Na Hmu Thei Mawi?

Hna `uannak ah Nangmah ah Thlarau Thianghlim a Um maw?

Pathian fa na si ti fiangtei a lo theihtert, na thinlung ih tlaitluan ih hngamnak ih lo simtu cu Thlarau Thianghlim a si. Amai bawmna in Pathian cu “Pa” ti ah na ko. 1 John 3.24; 4.13; Rom 8.16; Galatia 4.6 siar aw.

Zumtu hmuahhmuah hnenih Thlarau Thianghlim ih a run ken mi thlarau thilpek tla na hmu suak zo tla a rak si thei.

Bible bungcang hmangin Thlarau Thianghlim in a lo zirh tikah thlacamnak in a lo kaihruai thawk ti na thei. Cun sual in thlem dingin a lo naih ih na thinlung a buai thawk tikah thianhlimnak lamzinpi cu hril dingah Thlarau Thianghlim in thazang a lo pe ti na fiang.

Jesuh Vekin Na Ra Cang Maw?

Kanmahten kan rak nung `heu, asinan tu ah rualpi le ralpawl hnenah siseh duhdawtnak le ngilneihnak thar in `an kan la a si lo maw? Cucu Thlarau Thianghlim ih rah a si; hna `uannak ah Pathian cu na sungah a um. 1 John 3:2 zoh aw.

Duhdawtnak cu na sungah siseh Nangmah ihsin siseh a luang a si lo maw?

Cucu a fiangfel mi hminsinnak a si, ziangatile Pathian cu duhdawtnak a si. Duhdawtnak a nei si lo in Amah hi duhdawtnak a si, cucu amai pianphung a si., 1 John 4.16.

Pathian duhdawtnak sungih na nun vekih amah na duhdawt zia khal na hmu aw ding. A rei hlanah a lo pek ding mi duhdawtnak thawn midang duhdawt dingih a lo kaihruai ding, va duhdawt dingih harsapawl hman duhdawt thei dingin a lo bawm ding. A hlanah an lo hmuhsuam asilole an lo ngaihsak lo hmanah na sungkhat le na nulepapawl malsawm dingin na innsang sungih luanglut ding duhdawtnak thar beisei aw. Na hnenih ra thleng mi thil tharin na pasal asilole na nupi mal a sawm dingih na hnenah ziang a cang ti khal an lo sut ding, 1 John 5.2-3.

Pathian Mipawl Na Duhdawt Maw?

A hlan ahcun Pathian mipawl cu na hmel theih dah lo mi asilole na hrangih se bik an rak si dah! Tu ahcun na thinlung ah na unaupawl hrangah duhdawtnak cu a `hanglian ti na hmu ih anmah

thawn um tlang hman na duh sawn ding. Na ai ih valse deuh unaupawl ziangtluk in na bawm thei ti mangbangza zetin na hmu aw ding. 1 John 3.10; 14; 16; 19.

Sual hnenah Ka lo Mamawh Lo Na ti thei kei maw?

A hlanah sual in a lo kai ih a lo fial mi pohpoh na tuah, asinan tu ahcun nangmai duhdan in na nung nawn lo ih Pathian duhdan na hril sawn. Tui si thawkin mi tinin an lo hlawhsam thlang. Suangtuahnak sualral, thil `ha lo zawngsangnak le `ongse `ongpawl na nehnak a `hang vivo ti na hmu. 1 John 3.10; 5.18 siar aw.

Pathian Thupek Na Thlun Maw?

Ziangtik hmanih kan rak zawngsang dah lo asilole kan rak zuam nan kan ngah thei dah lo mi cu tu ahcun kan tuah duh mi rori a si. Pathian thu kan thlun deuhdeuh tikah kan nun ah duhdawtnak tamsin a luang deuhdeuh ding. 1 John 2.3; 2.5; 5.3 siar aw.

4. Pathian Theihfiang Deuhdeuh cu - Amah thawi Feh a si

Amos 3.3 ih in simmi cu Pathian thawi lungrual cu amah thawi fehtlang theinak a si. Na tuah deuhdeuh ih catuan nunnak na neih thu na thei fiang deuhdeuh ih a duhdan vekih thil ziangkim dil dingah na Pa Pathian hnen panin rinsannak na nei deuhdeuh. Na hnenih phuanlang mi vekin thla na cam tikah na dil mi na hlawhtling ti na hmu mai ding. Na thlacam Pathian in a lo san mi cu Pathian lalram ah phunhngat na si zo ti nemhngatnak a si. Jesuh thei sinsin dingin zuam sinsin aw, 1 John 5.15; 5.20.

A House of Prayer for All Nations

Pray for Indonesia

Operation World page 292

195,000,000 Malay peoples

87% Muslim or Javanese mystics

Spectacular church growth for 30 years

Some recent persecution.

4. Thlarau Thianghlim

Ka inn ah ra in, ka nun cu run silhkhat in kan room tinin rung khat hram aw.

Na Bible Siar aw

Tirhmi 2.

Zoh lo Siar Ding

"...Kan zaten taksa pumkhatah Thlarau pakhat ih baptisma pek mi kan si ih; kan zaten Thlarau pakhat ah in tlang dingin tuah kan si zo," 1 Corinthians 12.13.

Cuthluh in hihhi Sim Aw

Na zum hmaisai bikah Thlarau Thianghlim na co maw? Asilole cu mi hnu ah saw? Thlarau Thianghlim thawn na khat dah maw?

Tuah Hmaisat Ding Thil

Thlacam dingin kawmkhawm aw uhla Thlarau Thianghlim ngah dingah le hmuah dingah tiarcia uh, Thlarau ih nan khah lai hlan lo thlacam uh.

Diploma Hna`uan Ngan aw

Hi `ongfang 'pletho' and 'peres' pawl hi ngaihtuah aw. Tu ni ah cucun ziang a sim duh mi cahmai hmai khat in ngan aw.

Hi Bungcang hi Fang khat hnu Fangkhat in Ruah aw

Galatia 5.5.

Pathian kawhna sang hlawhtling thei dingah mi tinin sunglam nun ih Pathian Thlarau huham ih khah kan `ul, Thlarau Thianghlim co dan ah ziangtikah, ziangtin ti thu ah Khristian in ngaihndan dangdang um hman sehla amah kan `ul ti cu zo hmanin an rinhlelh lo. El lo in Thlarau ih thu cu thlir dan dik dingah fimvar zetin ngai aw. Cutawkah cohlan tlak theihthiamnak a um.

1. A Dang Baptisma Thutiam

Tirhmi 1.4-8 ah, baptisma cu 'baptizo', ti a si ih a sim duh mi cu phim asilole hnim a si. Hihhi Ephesa 4.5 ih baptisma thu ih 'baptisma' a si lo, Ephesians 4.5, ihta cu Hebrai 6.2 ih tithianghlim timi 'baptismos' khal a si lo.

2. Thutiam cu Phuanlawk a si

- Isaiah 32.15 siar awla, a duhsan na hmu ding.
- Ezekiel 36.27-28 zoh awla, thil panga na hmu ding.
- Joel 2.28 siar awla, nasa takih thlun hngal na duh ding.
- Luke 3:16 ih John ih `ongkam zoh awla, a pian thu khal Luke 1:15 ah zoh aw.
- Elizabeth cu Thlarau ih a khah vekin Zechariah, Jesuh, le a dungthluntupawl khal an khat ve. Luke 1.41; 1.67; 4.1; Tirhmi 2.4.

~ong fangkhat "Khat" timi cu 'pletho' a si ih sim duh mi cu ciah, a zaten tawih ti a si. A dang Bible `ongkam 'peres' timi cun sang bawm khat thluh, luangliam le hmuntin ih `il tinak a si.

3. Thlarau Thianghlim cu Pai Thutiam a si

Thuthlung Hlun lai ah Thlarau cu Pathian mipawl hnenih a rat tikah 'sungah' ti si loin 'parah' tiin hman tlangpi a si `heu, Mipumsiarnak 11.25. Bazalel le Joshua tivek par ahcun a hleice ih umpinak a um. Suahlannak 31.3, Danpeksalnak 34.9 zoh aw.

4. Thlarau Thianghlim cu Jesuh'i Thutiam a si

Jesuh in Thlarau Thianghlim a ra ding a ti, John 7.37-39, 14.16, 16.7. Anih cu nan hnenah le nan sungah a ceng ding, John 14.17. Huham thawn a lo thuum ding, Luke 24.49.

Jesuh in Thlarau Thianghlim co dingah thu a pe, `ongdang ih kan sim asile lungawitei cohlang dingin a fial hai, John 20.22, Tirhmi 1.5-7.

5. Jesuh In Huham Pe Dingin Thu in Tiam

Tirhmi 1.8 'dunamis -huham', timi cu ziangkim tuah thei asilole thilmak tuah thei tinak a si, Mat 25.15, Gal 3.5, Tirhmi 8.13, Mark 6.5. A dang Bible `ongkam ih huham timi cu 'exousia', a si ih tiduh san cu thuneihnak ti a si, Luke 10.19.

'Exousia' in tuah theinak in pe, asinan 'exousia' hmangsuak dingah 'dunamis' huham kan `ul. Dan ahcun loram co theinak a nei nan cutawkih ceng ramsapawl dawi theinak huham a neih a `ul! Ramhuaeipawl parah thuneihnak na nei nan dawitlan dingin Pathian huham na `ul.

6. Thutiam cu A Ra Famkim Thawk

Tirhmi 2.1-11 ah, Thlarau Thianghlim cu huham thawn a ra ih zumtu 120 cun an zir dah lo mi `ong dangdangin an `ong 1 Cor 14.5,18. Ram tamtakh minungpawl cu ra tlan in anmai `ong rori ih Pathian thilmak cu an ra ngaithla. Cuciah cu si tu ni ih Pathian ih in silhkhattey duhmi tumtahnak cu. Thlarau a ratnak ih in hmuh mi cu ni neta bik hram a thawk thlang a si ti Peter in a sim hai, Joel 2.28-32, Tirhmi 2.16-21.

7. Thutiam cu Hmuh Theih in a Ra Lang

A rei hlanah Judah zumtupawl cun Thlarau Thianghlim ih khahnak nun an hmu leuhleuh. Cutikah an kiangih um Samari mipawl in Jesuh dungthlun dingin an pawk ih annih khal Thlarau Thianghlim an co ve, Tirhmi 8.4-8, 14-17.

Peter cu Europe mi le Rom mi ralkap Cornilius hnenah a va tlawng ih Jesuh thu a sim tikah a innsang le a rualpipawl hnenah Thlarau Thianghlim a khat, Tirhmi 10.44-46.

Lehnu ah Turkey ih mipipawl cu Thlarau Thianghlim in an khat, Tirhmi 13.52, 19.1-7.

Paul in "Thlarau ih khat in, khat ringring in, tlaitluan in" tiin a ngan. Ephesians 5.18, Tirhmi 4.31 ah khal zoh aw.

8. Thutiam cu Tui ni ah Nangmai hrangah a si

Tirhmi 2.38-39 cun tikcu cinri nei lo in kanmah tiang khal in sim mi a si. Luke 1:35 ih Mary ih hmuhtawn mi thu ah ziangtin thutiam a co timi na hmu thei. Pathian ih a dang falepawl ra piang dingin Thlarau Thianghlim cu na parah a ra thleng thei ih Pathian huham khalin a lo tuam thei.

Nan zum hmaysa bikah Thlarau Thianghlim nan co maw? Tirhmi 19.2.

Tu ah Thlarau Thianghlim in na khat maw?

Khau sungih sang luangliam bangin nunnak sang thawn luangliam in Pathian ih malsawm cu na luangter maw?

Na nun ah 'Dunamis - huham' na beisei maw?

Na sungih Thlarau Thianghlim um cu na duh taktak maw? Anih cu soal thu`hentu, nun thianghlim pitlingirtu le khawvel a tawp tiang lo kaihruai theitu a si.

9. Tu ah Thlarau Thianghlim Cohlang aw

- 1) Pathian hrangah tihal mi si aw John 7.37.
- 2) Na soal ngaidam dingih Pathian dilnak in na 'biakbuk' tithianghlim aw, 1 Cor 6.19, 2 Cor 6.14 to 7.1, 1 John 1.9.
- 3) Jesuh hminin thlarau dang hmuahhmuah cu dawi aw.
- 4) Na hrangah Thlarau Thianghlim ih thilpek ngah dingin Pa Pathian dil aw, Luke 11.9-13.
- 5) Rinnak ih thlacamnak in anih cu cohlang aw.
- 6) Na can a liam zo mi, na hman rero lai mi, le a ra thleng lai ding mi hmuahhmuahah na taksa, na nunnak, na ngaihtuahnak le na thlarau cu khuitawk hmun khalih feh thei dingin zalennak pe aw.
- 7) Tu ah cawlhadam awla, thilpek cohlang in, kaihngat aw, John 7.37, 1 Cor 12.13.

Hngalnak le thlaphannak cu neh a si zo, a rat sal ding ruangah lungawi thu sim aw, na nun hlan awla, daihnak, lungawinak, aipuannak, hnihnak asilole mitthli lole thuthang hmuahhmuah cohlang dingin beisei aw. A rei hlanah na nun ih peng`hen hmuahmuah ah a umpinak thu na phuansuak thei mai ding, Tirhmi 2.4,10.46, 19.6.

A House of Prayer for All Nations

Pray for Latvia

Operation World page 345

3,000,000 Baltic & Slav peoples

In Northern Europe, former USSR,

Ethnic tension, economic problems

20% Protestant, 20% RC, 15% Orthodox.

5. Thlacamnak

Na thlaphannak hmuahhmuah cu Jesuh parah `hum aw, ziangatile anih in a lo ngaihsak

Na Bible ah hihhi Siar aw

Luke 10.38 ihsin Luke 11.28.

Zoh Lo Siar Ding Mi

Jesuh in “Pathian in a hril mipawl a hnenih sun le zan ih au rerotupawl cu phulei sam sak lo in a um ding maw si? Ka lo sim, zamrang zetin phulei a sam sak ding a si..., a ti.” Luke 18.7,8.

Cuthluh in Hihhi Sim aw

Thlacam na thlennak cin cu rel khawm uh.

Dilnak thuk sinih nan luh theinak dingah ngaihtuah khawm uh.

Tuah Hmaisat Ding Thil

A cangah nunaupawl hi thlacam rawngbawlnak ah an cak ngaingai. Mipa ai in an thlaphan awl ruangah tla a si thei. Na zirpi tlawngtapawl hmuahhmuah hrangah thlacam sak dingin zarh tin mi pahnih pathum na hruai thei ding tiah na zum maw?

Diploma Hna`uan Ngan aw

Thuthang`ha bu 4 le Hebrai 5.7 pawl siarnak in ziangtin Jesuh in thla a cam ti hmuh tum aw.

Cuti na hawlsuak mi cu cahmai hmai khatah ngan aw.

Hi Thu Hi Ngaihtuah aw

Colossa 4.2-4.

Jesuh`i thlacam hi ziangtik hmanah a cem dah lo, thlacam zo khal kha cam sal rero a si. Jesuh`i thlacam ziangtlukin hmual a nei, a nung ih cohlan tlak a si zia dungthluntupawl in an phuang. Judah biaknak ih rak um dah lo cu an mit rori in an hmu. Asinan danglam zetin dungthluntu mi pakhat lawngin Luke 11:1 ah ziangtin thla kan cam ding ti a sut ngam.

“Thlacam Dan In Zirh aw “

Khawvel, tisa, le ramhuai pawl ih an lo bumnak hmuahhmuah le khawkhanpawl hlo dingih thlacam dingin na tum tikah hmuh mi na nei dah maw? Cawlh hahdamnak nei lo, asilole rilrawng, cau in asilole hna`uan ding tam lutuk nei in na thei aw `heu.

1. Thlacam timi cu Ziangsaw a si?

Thlacam hi mi tampi hrangah thil tampi a si. Taksa le thlarau lam hna`uan harsa hrangih biak awknak tinin a si. Luke 11:9-10 sungah thlacam dan ci thum a um

Level 1nak cu Awlte a si - Dil aw

Na duh mi pohpoh hrangah na dil thei, na sim hlanah ziang na `ul ti nan Pa in rak thei hman sehla. Hi vekih thiam zet mi nauhakte vek si aw! 2 Samuel 5.17-25 ah Pathian dilnak in ziang a tuah ding ti David in a hmu. Pathian duhdan theihnak in 1 John 3:21 ih himnak maksak pal tlang vivo dingin mi a kai hruai. A lehlam ah Joshua bung 9 hi siar awla, a hleice in cang 14nak ah Lalpa dil lonak ih athlak zia na hmu ding.

Level 2nak cu a Mawi Ngaingai - Hawl aw

Hihi Jesuh zo a si ti hawl a si. Amah thawi lawngih tikcu tamtak hmanralnak ah lungawi aw, ziangkim sim aw, a thu ngai aw.

Level 3 Khawvel Thleng aw - King aw

Kohhran lu ih sangka king aw. “Ra lut aw,” tiih Jesuh lo kawhna na thei ding. Thlacamnak ah nangmah le zumtu hmuahhmuah ra tel ve dingin anih cun in sawm, zianghatile thlarau hlopawl ih khawvel hrangah thlacam dingin “in dil sak dingah anih cu a um ringring,” A thlacamnak ih tel venak cu dilnak dik a siih, a cang ah nazi tamtak, ni tamtak tiang hman a rei `heu. Heb 7.24-25.

2. Ziangruangah Thla kan Cam?

Thuhla tamtak a um, na `hanlen dan vekin a fate nangmah le na Pa biak awknak lawng mai a si lo. Luke 11:21 ih Jesuh thinlung lam nun in zirh mi thawn thlacamnak hrangah thuhla ziangmawcan kan hmu thei.

- Micak pa in Satan a hmu.
- A innsang cu khawvel a si ih a kilkhawi `hat mi na thil neih mi cu minungpawl an si.
- Micak sawn cu Jesuh a si.
- Kannih cu amah ah kan um ih amah thawn kan to, Eph 1.23; 2.6.
- Siatsuah mi cu thlacamnak thawi tlen suak mi minung hmuahmuah an si. Na innsang, le na innhnen le a hlapi ih um minungpawl hrangih thla na cam mipawl khal an tel.

3. Zosaw Thlacam ding?

Luke 18.1 ah, Jesuh in a dungthluntupawl, mipa siseh, nunau siseh, fala le tlangval siseh a sim mi cu thlahthlam lo ih thla an cam ringring ding thu a si. Thlacamnak cu nauhak upa ti um loin zumtu hmuahhmuah hrangah hmualnei mi rawngbawlnak a si.

4. Khuitawkah Thla Kan Cam Ding?

Bible tikcu lai ah mipipawl cu thlacam dingin Temple ah asilole Judahpawl ih khawmnak hmunah an feh `heu. Bible in tui ni ah Thlarau Thianghlim ih temple cu na ruang-ampi a si in ti, cuiruangah khuitawk hmun khalah, ziangtik lai khalah, ziangtvek khalin thla na cam thei - khuh bil in, feh phah in, hna`uan phahin, thirleng to phahin, to le it phah khalin thla na cam thei.

5. Ziangtikah Thla Kan Cam ding?

Jesuh in ‘tlaitluan in’ thla kan cam thei a ti, cun Paul in ‘ziangtik lai khalah’ a ti. Sun asilole zan khalah kan thinlung ih a ra um dandan in kan cam thei. Jesuh in thlacam taimak dingin in sim ih Paul khalin taimaknak nasa bik thawn sungmuril ihsin dilnak le thlacam dang tintian thawn Thlarau ah thlacam dingin in fial.

6. Ziangtin Thla Kan Cam Ding?

Luke 11:2-4 ah Jesuh in HIHI ziangtin thla na cam dan ding a si. Hi thlacam `ongfangpawl hi kohhran tamtakih an tuah bangih ruat thuk lo le taimak suah lo ih sal nawn leuhleuh ding thu a zirh duh mi a si lo, asinan thinlung le ngaihtuahnak thawn thlacam sawn ding a si.

Kan Pai hnenih Simnak in Thawk aw

Kan lei palepawl vek si lo, van ih kan Pa cu famkim ih mi ngaihsaktu le duhdawttu Pa a si ti theih hngilh hlah.

A Hmin Tithianglim Sisehla Sunlawih siseh

Ziang thu hman na sim hlanah amah lungawiter ding le biak dingah tikcu la aw. Ziangtlukin na duhdawt ti Pathian sim awla na ram le na innsang le nangmah hrangih a duhdawtnak ruangah lungawi thu sim aw, John 4.23.

A Lalram Ra Thleng dingin Dil aw

Lalram timi cu siangpahrang ih uknak hmun a si, cuiruangah na ram, na innsang le nangmah ih a `ul mi hmun, a ra thleng ding mi Pathian ih uknak lalram hrangah dil aw.

A Duhnak A Kim Theinak Dingah Dil aw

Pawlkomnak ih dil lonak can pawl cu do aw.

Nitin Rawl Hrangah Dil aw

Pa Pathian cu in bawm dingah a duh ringring.

Na Sualnakpawl Ngaidam dingah Pathian Dil aw

Jesuh`i thisen in sual hmuahhmuah cu khawlhfa hram seh.

Cun Tu ah Ngaidam Na si zo

Midang mawhnak ngaidam hi kanmah ngaidamnak kan ngah theinak ding hmun a si.

Thlemnak sungah in Hruai aw hlah - Asinan Khuitawkah In Hruai Ding?

Na nunnak hrangah Pathian kaihhruainak dil aw.

Thil`ha lo Lak ihsin Lo Run Dingin Pathian Dil aw

Rit theih thil le raldonakpawl in na innsang ah, nangmah ah a lo bawhthup ringring.

A Lalram le Sunlawinak hrangah Thang`hat aw

Rinnak thu ah, thang`hatnak ah, biaknak tam sinsin dingah duhnungza tikcu sunglawi a si. Cuvekih thlacamnak cu ziangvek a si ti tep hngal aw.

A neta bikah hitawkah hmualnei zet thlacamnak thuthup a um. Luke 11:13 ah ziangtin Pa in Thlarau Thianglim in pe dingah a duh ti simnak in Jesuh in thlacam thu a zirh mi a center. Cuiruangah thla na cam tinten Thlarau Thianglim cu sawm ringring awla, ziangtin na thinlung le na hmur ihsi thlacamnak a cohlang ti zoh aw. Tikcu cu minute tinten a liam vivo, Luke 11.5-8; Eph 6.18.

A House of Prayer for All Nations

Pray for Guatemala

Operation World page 253

Praise God for huge Christian growth

Up to 45% believers in the cities, Many rural unreached peoples.

6. Pathian Thu

Bible hi Pathian ih a Nungmi Thu a si

Na Bible Siar aw

Sam 119.9-11 le cang 105; Hebrai 4.12; Mark 4.21-29.

Zoh lo siar ding

Cathianghlim hmuahhmuah hi Pathian ih thawtkhum mi a si ih, zirhawknak ah siseh, kawkawknak ah siseh, rem `hatawknak ah siseh, dingfelnak ih zirhawknak ah siseh, hlawknak a si: Cuticun Pathian mi cu mi famkim, hna`uan `ha hmuahhmuah `uan dingih kimcang zetih thawm mi a si theinak dingah, 2 Tim 3.16,17.

Cuthluhin Hihi Sim aw

Nunnak hrangah Pathian thu hi thuneihnak pumhlum in a nei tiah na zum maw?

Tuah Hmaisat Ding Thil

Pathian thu daitei na ngaihtuah thei tikcu can tinten nitin in tikcu la awla, a `ha bikin tuah aw. Nitin Bible na siar dan ding pitlinter tum aw. Hminsinnak tuah awla, cutin lehnu ih na siar sal tikah awlten na siar zawm thei sal ding.

Diploma Hna`uan Ngan aw

2 Siangpahrang 22.8-13 ihsin 23.1-32 tiang ngan awla rem `ha aw Siangpahrang Josiah cun Pathian thu a theih hnu ah a tuah.

Hi Thu hi Ngaihtuah aw

Matthai 7.24-27.

1. Bible hi Pathian Thu a si

Zumtu pohpoh hrangah Pathian thu hi a `ha bik le sunglawi bik a si. Taktak ahcun minung tamtak in kan siar ding hrangah Pathian thu thutak kilveng dingah kum zabi tamtak an nunnak an hmangliam zo. Cuiruangah sunglawi bik Pathian thu Mark 4:21 ihsin thu ka lo sut thei kei maw, - na nunnak ah khui ah saw Bible teh a um ve?

Thuhhloh in a um maw?

Asilole na nunnak tinah lo ciahnehtu le lo khaisangtu a si maw?

2. Pathian Thu ih Malsawmnakpawl

A thu cu a nung ih thil a tithei, cucun na hnenah thu a lo sim ih nangmah ah hna a `uan. Heb 4.12-13.

A thu cu na siar vekin nangmah hmu aw thei dingah thlalang vek a si. A thu cun ziangtik hmanah a lo bum dah lo dingih, thutak khal a thup dah fawn lo ding, James 1.22-24; Mark 4.22.

1. Pathian in a lo fial mi pohpoh tuah dingah cipciar takin a thu thawm a lo bawm ding.

Khrih Jesuh rinnak zarah rundamnak ngah thei khawpilh lo ti fim theitu, cathianghlim cu na nauhak lai ihsin na rak thei zo ti theiin. Cathianghlim hmuahhmuah hi Pathian ih thawtkhum mi a si ih, zirhawknak ah siseh, kawkawknak ah siseh, rem `hatawknak ah siseh, dingfelnak ih zirhawknak ah siseh, hlawknak a si: Cuticun Pathian mi cu mi famkim, hna`uan `ha hmuahhmuah `uan dingih kimcang zetih thawm mi a si theinak dingah, 2 Timote 3.15-17.

A cangah Bible hi siar theih Pathian Fapa tiah ti a si `heu, ziangah tile Jesuh cu Thu tiah le Thutak a si ruangah a si, John 1.1.

Nehtu si le Hlawhtlin Si Na Duh Maw?

Cuti asile Joshua ih tuah ding a sim mi hi tuah aw. Joshua 1.8. Cun thil ziangkim ah hlawhtlin na duh asile Sam 1.1-3 vekin nung aw.

3. Na Siar Tikah A Aw Na Thei Maw?

Pathian thu na siar tikah na hna in si lo na sunglam sawnin a 'thei' `heu ding. Cucu Pathian aw a si. Kan theih mi cu kan ruah ding a si, ziangah tile kan tah dan ih zirin tah kan si ve ding, Mark 4.24.

4. Ziangtin Pathian Thu Na Hmang Ding?

Na thinlung tithar dingah Pathian thu hmang aw, Rom 10.17.

Na ngaihtuahnak tithar dingah Pathian thu hmang aw, Rom 12.2.

Na `ongkam tithar dingah Pathian thu hmang aw, Rom 10.10; Thufim 18.2.

Na cangvainak tithar dingah Pathian thu hmang aw, John 14.15.

Na nehnak ticak dingah Pathian thu hmang aw. Hitin ngan a si, tiih Jesuh'i a sim tikah Satan in sannak ding a nei lo Matthai 4.1-11, a hleice in cang 4, 7 le 10.

Na thlacamnak tithar dingah Pathian thu hmang aw

Zumtu hmaisapawl in a cangah an thlacamnak kaihruai dingah Bible an hmang `heu ih Pathian cun rang takin a sang `heu hai, Tirhmi 4.23-31. Pathian thu hmangin thla na cam asile ra cangsuak dingih hramthawhnak a si-

A hmaisai bikah, Pathian thu ci na tuh

Cuthluhin Pathian thu ih thlacamnak ah thinsau tak le taimak na suah, cutin a kung a hung `o.

Pathian le a thu ah na rinnak na kilkhawi, cutikah a vui a rak suak.

Cutin rah in a khatih, a neta bikah rawlkhawm can a ra thleng.

Mark 4.14; 4.26-29, Isa 55.10-11, Gen 8.22.

Pathian Thu Semdarh Ding hi a Thupi

Ziangah tile Pathian thu a neitu hmuah cu rundam an co thei ih cu ai ih tam - damnak, zalennak, kaihruainak, malsawm, le thil le ri cu Pathian thu zumnak ihsin pek belh an si ding. Asinan zum dingah le nunpi dingah Pathian thu a nei lotu cun a neih mi hmuahhmuah le a nunnak tiang hman catuan in a hloh phah thei, Mark 4.25.

5. Cuti Asile Pathian Thu Na Ngai kei maw?

Pathian in a aw ngai thei dingah awlten a tuah. Amah thawi um ih na Bible siar kha a si mai. Na cah lonak phuan awla, Thlarau Thianghlim ih bawmnak thawn na cah lonak hmu suah dingin dil aw. Na siar mi le na theih mi cu na nun ih la lut dingah tikcu la aw ziangah tile Pathian thu ngaihtuahnak in Pathian in ziangtin thu a lo sim ih na thusuh mi a sang ti mangbangza in na hmu ding.

Zumtu thar hrangah hipawl hi thil cang thei hrih lo a si ti ka thei. Thlacam khawmnak ah ka feh ih ka hna`uan, ka nupi le ka fatepawl hrangah thla ka cam ziangah tile thubuai kan nei cio. A rei

hlahah ka Bible kau dingah cawkthotu ka nei ih ka Bible cu amahte Sam 128 a rak kau aw. Ka siar thawkih Pathian in ka mang i bang tir hngal ih hi thu thawn ka hna i ngamter:

“LALPA a`ihzahu pohpoh cu mi thlawsuak an si;
a lamzinpawl a zawhtu cu.

Ziangahtile na kut ih`uan mi na ei ding: mi lungawi na si ding ih, na lam a tluang ding.

Na nupi cu na inn sir ih rah tampi a rah mi kerep hri vek a si ding:

na fatepawl cu na cabuai kimvel ah olif kungpawl vek an si ding.”

Pathian thu ka zum ih kum tamtak a ra her hnu ah tui ni ah ka hna`uannak ah le ka innsang ah Pathian in a thutiam a kilkhawi ih mal in sawm ti ka hmu.

6. Bible Siar Hi Ziangtlukih Lungawiza a si

Mi tamtakin Semtirnak ihsin an siar thawkih an tawp leh mai, ziangahtile Thuthlung Hlun sanlai ih theihthiam har thil tamtak a um ruangah a si. Thlarau lam rawl khal hi lei lam rawl ni tin bang aw lo celcel kan ei vek hi a si. Kumkhat sung hrangah hi kaihhruai dan thlun ding cu ni tinin rawl ci dangdang na ei ding. Nitin in Pathian biaknak ding hrangah Sam siar awla, fimnak hrangah Thufim siar aw.

Tlawngkai Nikhat

Bible thuanthu ihsin mi hminthangpawl ih thu. Semtirnak in thawk awla Esther tiang siar aw.

Tlawngkai Nihnih

Mipi in amah thu a`ha bikih Jesuh thu an theihnak ihsin siar aw. Mathai in thawk awla Luke tiang siar aw.

Tlawngkai Nithum

Biazai ih thuk le sannak ah feh aw. Job ihsin thawk awla Solomon ih Hla tiang siar aw.

Tlawngkai Nili

John ih duhdawtnak cakuatpawl. A thuthang`ha bu, a cakuat le a neta bikah Thupuan siar aw.

Tlawngkai Ninga

Bible thuphuan lawk. Isaiah in thawk awla Malachi tiang siar aw. Na mang a bang rori ding.

Zarhte (Inrin)

Pathian mi ropipawl ih cakuatpawl. Rom ihsin siar awla Peter le Jude tiang siar aw.

Zarhpi

A nung kohhran hnenah feh awla, Tirhmi bu siarnak in mission suak aw.

A House of Prayer for All Nations

Pray for Germany

Operation World page 237

80,000,000 people, 75% Christian

Poor East and Rich West newly united

Traditional churches losing people

Renewal urgently needed.

7. Ngaihtuah

Ruah dingah le thlacam dingah tikcu rei lo te hmang aw

Na Bible Siar aw

Sam 91.

Zoh lo Siar Ding

Hi dân bu hin na kê a suahtan lo ding a si: a sungih ngan mi hmuahhmuah vekih tuah dingin na fimkhur theinak dingah, a sun a zanin na ngaihtuah sawn ding a si: cuticun na lam na tluangter ding ih, hlawh- tlinnak `ha na co ding. Joshua 1.8.

Cuthluh in Hihih Sim aw

A sun a zan in Pathian thu cu na thinlung le ngaihtuahnak ih rettupawl hrangah ziangvek thutiam kan hmu?

Tuah Hmaisat Ding Thil

Thil pakhat hman na ngah lo asile, Cungnung bik hrangah hmun thup nei dingin hawl aw. Cutawkah na hmin cu ret awla, cumi hrangah tikcu remcang ruat aw, cun cutawk ahcun ni tin Pathian thawi tong aw dingin khuakhang aw.

Ziangtin na ngah ti sim dingah tiar cia aw.

Diploma Hna`uan Ngan aw

Tui zarh ih Bible bung cang na siar mi thuk zia lo hmuh dingah Lalpa dil awla, cuti a lo sim mi na theih mipawl hrilhfhah dingah cahmai hmai hnih khat in ngan aw.

Hi Bungcang ihsin Fang khat hnu Fang khat Ngaihtuah aw

Thufim 24.3-4.

Mi tamtakin cuvek nun ih la lut dingih ngaihtuah hi `ha an ti ih ni suahtan lam sakhuapawl cun cucu an tuah ringring. Asinan fimkhur aw - tisa takih nun ih lak lut tumnak cun ngaihtuahnak ih um cia a hlawnhlo ih cuti na tuah asile Satan in amai thu a khattir ngeingei ding. Raldonak ah ralkappawl lakih zawi leiram hmanah raldonak in hmun a la dah lo ti na thei dah aw? Na him theinak dingah na thluak kha Pathian lam na `an ringring a `ul.

Bible vekih nun ih la luh dingih ngaihtuahnak cun Pathian thu thawn na thluak a lo khatter dingih kan `antir ihsi thawkin Pathian thawi kan feh tlangnak lamzin a si ringring ding.

1. Pathian Thu Ngaihtuahnak ih Hlawknak

Pathian thu cu Pathian thinlung ih lutnak sangkapi a si ih Pathian thu ngaihtuahnak cu ro thil a khat ih umnak hmun sungih thuhla a si. Pathian ngaihtuahnak cu Pathian thurel khawmnak a si ih thuphuan, `hanlennak, thazang laknak, huham le thlarau lam le theihpitu sinak hrangih sunglam nun pawl beiseinak a si.

Pathian Thu cu Sun le Zan in Ruat aw

Na hlawhtling dingih nehnak na co ding.

A tikcu te ah a rah na rah ding.

Na `hanlen dan thar cu a vuai dah lo ding.

Ziang na tuah khalle na hlawhtling ding.

Pathian na naih deuhdeuh ding.

Ziang na buah khalle malsawm na si ding.

Nangmah ah thil `ha khawlkhawm a si ding.

Joshua 1.8; Sam 1.2,3; 119.99; James 1.25; Mathai 12.35.

2. Pathian Thu Ngaihtuahnak ih Tumtak mi Thuahhni

A hmaisai in Pathian Sunlawih Dingah

Lalpa lungawiter dingah David in a kaa ih Pathian thu le a thinlung ih Pathian thu ngaihtuahnak cu a hiarhal, Sam 19.14.

A Pahnihnak ah Lo ~hanglianter Dingin

Paul in "Khrih thu cu fimnak hmuahhmuah thawn nanmah ah tam zetin um hram seh..." Cutikah fimnak hmuahhmuah thawn midangpawl nun sim in thu na zirh thei ve ding, Col 3.16.

3. Pathian Thu Na Ngaihtuah Tikah Ziang Thu na Ngaihtuah ~heu?

Pathian thu ngaihtuah cu a lo duhdawttui duhdan hmu dingih tikcu laknak a si, ziang a duh ih, a fimnak le a kaihhruai danpawl hmu suak dingih tikcu hman a si. Thinhna ngamtei na um tikah Lalpa in ziangtlukin thu a run lo sim ti na mang a bang rori ding. Sam ngantupawl in Pathian thu ngaihtuahnak in hruai an si `heu thu an ngan. Ziangtinsaw an sim?

A cem thei lo duhdawtnak cu ka ruat.

Na hna`uan hmuahhmuah ka ngaihtuah ding.

Na thil ropi buahmi pawl ka ruat.

Na zirhtirnak ka ngaihtuah.

Na lamzinpawl ka ngaihtuah.

Sunvu in na dan ka ngaihtuah.

Na thutiampawl ka ngaihtuah.

Sam 48.9; 77.12; 119.15, 97, 148.

4. Ziangtin Pathian Thu Na Ngaihtuah ~heu?

Ngaihtuah timi cu ruat, `hial, nun ih lakluh, suangtuah, zir, phunzai, pawlkom, le mawhthluk khal a si. Hitawkah Pathian thu ngaihtuahnak tikcu nei thei ringring dingih lo bawm dingin lamzin `henkhat kan zum hnik ding. Hi thil `ha buah hi na taimak asile na zumnak hnaki hamsawm in na Khristian nun na hlawhtling ding.

Cungnung Bik Tong Dingin Hmun Thup Na Neih a ~ul

Sam 91 siar aw. A kelkawm, pindan, A kelkawm, inn par, le inn hnuai tivekah Pathian cu na duhdahnak hmun ah na tong thei. Nunau in a lu cu puante thawn a pawng tikah a innsang in a ti buai nawn lo! Isak hrangah Pathian thawi an ton awknak hmun thup cu loram ah a si, Semtirnak 24:63 siar aw.

Hnangamtei Na Um Thei a ~ul

TV, fone, le rure tuk lonak hmun ih a hlahnak, innsang le midangpawl thawi biak awk thei lonak hmun khuitaw khalah buah aw. Nangmai duhnak hmun ah, zianglam nazi 5 ah teh ziang a bang? Hihi kei ka hrang ahcun ka hmun thianghlim a si.

Na hrangah Dan Na Tuah a ~ul

Na hmun thianghlim ih feh thei ringring dingin le na thluak lo hnaihnowktupawl, thlemnakpawl le pumpi hrang lam tiang telin a tuah fel a `ul.

Na nun hrangih a `angkai dingih na siar ngah mi hmingsinnak ah cabu ret aw. Cucu thluak lungkimtertu a si. Thinlung lam hnangam tei um dingah tikcu la aw. Ka hrang ahcun minutes 20 vel lak a `ul. Lalpa cu na hnenih thu lo sim dingin le lo kaihruai dingin thlacam aw.

Na Thlun Ding Lamzinpi Na ~ul

Thil pakhat khatin a lo hiptu ding, na ngaihtuahnak a lo lemsiahtu ding asilole Bible bungcang pahnih pakhat cu Pathian in a lo pe ding. Pathian in a lo sim tikah amai duhdan ah na lut thei thlang ding. Jeremiah cun Na thu a ra thlen tikah ka ei hai; annih cu ka lungawinak le ka lungmuinak an si,” a ti, Jeremiah 15.16.

Na Tikcu Hmang aw

Cang khat hnu cang khat zohfel aw, na ngaihtuahnak thianghlim hmangin ruah aw, zoh aw, ngaithla aw, a rim hnim aw, cuihleiah Pathian thu cu a teh khal tep aw. Thlarau Thianghlim ihsin simfiangnak `ha bik le hrilhfhiah thei dingin a thu ngai aw.

Tu ah Nangmahte Na Feh a ~ul

Job 23.10-12 cu nuam teten siar aw.

Anih cun ... ka fehnak... lamzin a thei.

I hniksak tikah - sui bangin ka ra cang.

Ziangruangah? Ziangahatile ka ke cun a dung a thlun.

Tu ah feh suak zel aw, ruat aw, `hial aw, na nun ah la lut aw, suanguah aw, zir aw, faksel aw, pawlkom aw, sawisel hman sawisel aw, asinan Jesuh thawn be aw uh.

Asilole Pathian hminpawl cu thupi ah hmangin ni tin a hmin pakhat hmangin ruah aw

Jehovah Tsidekenu - Lalpa cu ka Dingfelnak a si.

Jehovah M'Kaddesh - Lalpa cu i tithianghlimtu a si.

Jehovah Shalom - Lalpa cu Remnak a si.

Jehovah Shammah - Lalpa cu Khitawkah a um.

Jehovah Rophe - Lalpa cu Tidamtu a si.

Jehovah Jireh - Lalpa cu i Bawmtu a si.

Jehovah Nissi - Lalpa cu ka Thantar a si.

Jehovah Rohi - Lalpa cu ka Tuukhal a si.

Na hmunthup ah zirlai tinin semdarh dingah bung cang duh um a lo pe maw?

A House of Prayer for All Nations

Pray for Canada

Operation World page 150

28,000,000 North Americans

Living together in many cultures
85% 'Christian', 20% attend
Former great missionary vision.

8. Pathian Aw Thei

Matin Luther cun Pathian aw a thei ih Reformation a thawk

Na Bible Siar aw

John 10.1-16, Sam 29, Mathai 4.4.

Zoh Lo Siar Ding

Na thinlung zaten LALPA rinsan awla, nangmai theihthiamnak kha hngauhsan aw hlah. Na lamzin hmuahhmuah ah amah thei awla, anih in na lamzin a lo khihhmuh ding, Thufim 3.5-6.

Cuthluhin Hih Sim aw

Ziang ka tuah ding tiih thu bawhcahnak an neih hlanah minungpawl in kaihruaitu ziangtin an hawl`heu?

A`ha bik lamzin hmu dingah na zir suah mi thawn khaikhin aw

Tuah Hmaisat Ding Thil

Pathian in a lo sim mi hmuahhmuah ngan dingah cabu thawn thawk aw. Bible bung le cang, thil cangmi, dinhmunpawl cu Pathian thupuan hmuahhmuah hmu suak dingah ngan in zohfel aw.

Diploma Hna`uan Ngan aw

Na cohlan mi kaihruainak ih lamzin maksakpawl zohfel aw, cun Bible ah cuvek thil ziangzat a cang ti hawl awla, cahmai ah ngan aw,

Hi Bungcang hi fang khat hnu fang khat Ruat aw

Thupuan 19.9-10.

1. Pathian In I Kaihruai Maw?

Mi tamtakin kaihruainak hrangah atthlak takin thlaraupawl biaknak lamah an feh, Isaiah 8.20, asinan Pathian ai ih`ha midang zohman an um lo. Thup. 3.3-5, Rom 12.1,2 le Sam 25.9; 32.8-9; 37.23-24; 48.14.

Ziang Lamzin?

Jesuh cu Lamzin, le Thutak le Nunnak a si. Anih in "I thlun uh," a ti John 14.6; Luke 1.79 le Thupuan 7.17. Pathian lamzin hmuahhmuah na theih duh asile Jesuh zoh aw, ziangahatile Jesuh le Pa cu Pumkhat an si, John 6.38, 10.30, Hebrai 1.3.

Abraham ih siahhlawh in ziang a sim? Semtirnak 24.27.

Thlarau hlo minungpawl in ziangruangah an lungawi? Sam 107.7.

Ziangruangah siangpahrangpawl nasa takin an lung a awi? Mathai 2.9-12.

Tirhmi 10.9-19 ah Peter cu zo in feh a fial?

Tirhmi 13.1-3 ah zo in thlah ding a fial?

Tirhmi 16.6-17 ah Paul cu zo in a kaihruai?

Ni Tinih Na Thubuai Lakah Zo saw lo Kaihruai ih Lo Sim ding?

“France ih khualtlawnnak lamzin ah palik in lamzin hmuahhmuah an kham ih motorpawl khal an tang thluh. Mi pakhat a ra ih Spanish `ongin in ra bia, motor thawi Spain thlen thei dan ding le feh dan ding cipciar in in ra sim. Cucu ka ngan ih, amah ka zoh sal tikah cupa cu a rak feh zo. Cui ni ahcun kanmai motor lawng ramri lan thei ding umsun a si. Cupa cu zo saw a si? Spanish `ong ka thiam ti ziangtin saw a theih?”

Pathian cu a To Men Lo

Taktak ahcun a tir ihsin anih cun thu a sim rero. Pathian aw theih cu Pathian kaihhruainak a hmaisai bik theihnak a si, Semtirnak 1.3, Hebrai 1.1,2.

2. Pathian in Kan Hnenah Ziangtin Thu a Sim?

Pathian in Amai Thu Hmangin Thu In Sim

Na mit thawi na siar vekin na thinlung in ziangtluk in na thei ti na mang a bang rori ding, Sam 119,105, Hebrai 4.12. Thuphuan lo petu Pathian cu a hrilhfiahnak le a lakluh dan khal na dil a awm ti hi theihngilh hlah.

Pathian in A Thlarau Hmangin Thu a Sim

Na sungah a nung, John 14.17.

Nunnak dingah Thlarau Thianghlim in Pathian thu a run keng, Semtirnak 1.2-3; Zechariah 4.6.

Kan sunglam ah Thlarau Thianghlim in thu in sim, Rom 8.16.

Thlarau in Ziang a Tuah Bet?

Pathian ih falepawl cu Thlarau Thiang in a hruai, Rom 8.14.

Khawmnak ih biaknak ah thu A sim, Tirhmi 13.2.

Profet thupuan, `ong dangdang, hrilhfiahnak, theihthiamnak, fimnak, thu`hennak pawl hmangin thu in sim, Luke 2.25-38.

Anih in sangka a ong ih amah lala in a khar sal, Tirhmi 16.10.

Na Thinlung in A Aw Ngai aw

Khristian sumtuahtu `henkhat pawl in manager pai hmuhtawn mi hliakhlainak an nei. An zatei an thlarau ih an theih mi cu manager pa hi mibum hmang a si ti an thei nan, zohmanin mibumtu a si tiin a sim ngam lo. Thla tamtak a liam hnu ah manager pa cun siatralnak a run thlen. Cui Khristianpawl cu midang thawi an ton awk sal tikah Pathian aw in ralrinnak a rak pe thluh hai nan, zohmanin a thu an rak ngai lo ti an phuang aw thluh!

Thlacam Can Pathian in Thu A Sim

Pathian na ko asile na theih dah lo mi thil ropipawl a lo sim ding, Jeremiah 33.3.

David cun ziang ka tuah ding tiih Pathian suh hi a zawngsang, 2 Samuel 5.19.

Danglam Takih Pathian ih Kaihhruainak ah A Thlarau in Thu a Sim

Pathian in zanmang, larnak, `ong, ralrin peknak le riahsiatnak pawl a thlah `heu. Mero zual asilole Meisa zualpi, hrambur kang, arsi le thlipi pawl hmangin hmainsinnak a pe, Job 3.14-28; Suahlannak 13.21, 3.2; Mathai 2.2. Jonah 1.12.

Juanita cu West Africa ah Senegal lan in mission a feh zik. Zan khat cu Lalpan cunui mang ah thu a sim, “Senegal hrangah visa na `ul,” tiin. Airline a hi phone ih “cuvék na tuah a `ul lo,” tiin an rak ti. Cun embassy a hi phone sal ih “na tuah a `ul,” an rak ti. Mission feh ding cu Lalpan mang hmangin a run hai.

Pathian in Mi Ra Vektu Vancungmi Hmangin Thu a Sim

Gabriel le vancungmipawl ih an tuah ringring bangin Pathian hnen ihsin kan hnenah thu an run keng ringring lai. Daniel 10.4-21, Luke 1.11-20; 1.26-28, 2.10-15, Hebrai 13.2, Thupuan 19.9-10.

Pathian in Minungpawl Hmangin Thu A Sim

A hleice in pitling zumtu unaupawl, mipa siseh, nunau siseh, upa siseh, rawngbawltu pawlin thusimnak, zirhnak, thapeknak, le Thlarau thilpekpawl hmangin Pathian thu kan hnenah an run keng `heu, Tirhmi 15.28.

Pathian in Nemhngetnak Hmangin Thu A Sim

A lo kaihruiatu bulhram na theih lo asile, na hrangih a fimnak nemhnget dingah Pathian sut ding cu hreh aw hlah, James 1.5-7, I John 4.1. Na thluak le thinlung ah Pathian ih remnak thilpek, Pathian ih dik zet thu`hennak ih nemhngetnak tel loin ziangtik hmanah cangvai aw hlah, Col 3.15.

Pathian in A Sawmdawlnak Hmangin Thu a Sim

Pro-vision timi `ongkam ih ‘pro’ timi cu ‘hrangah’ a siih, ‘vision’ timi cu ‘larnak’ ti a si, cuiruangah provision ti cu larnak hrangah ti a si. Pathian in sangka lo on saknak, minungpawl, paisa asilole thilripawl hmangin tha a lo pe. Ezra 1.5-7.

3. Ziangtin Pathian ih Kaihruainak Kan Co Ding?

Hihi vanzam in a `umnak ding a hawl vek a si. Hmun hla tak ihsin ridar hmangin a `umnak ding hmun a hawl. Cun lamzin ih mei tleu cu a mawngtu in a hmuh lai hlan lo a fehnak ding cu radio hmingsinnakpawl cun a hmuh. Meisa tleu dik cun `umnak ding a hmuh ih a neta bikah cui meisa tleu cun a cawlhnak ding hmun a sim. A dangih kan sim asile kaihruainak hi zin tamtak in a ra thei, cupawl cu vawi leh khatah an ra lo, asinan kaihruiatu a tam deuhdeuh ih rinnak `hanlennak lamzin ah cipciar in a ngah aw deuhdeuh, Thufim 16.9.

A cangah Pathian in a tikcu te ih a sunlawinak lang dingih a duh ruangah a duhdan cu lo hmuh dingin a tlai tla a si mai thei. Thinsau takin hngak aw, Lazarus ih unau nui hngah hnak hmanih tikcu reisawn na hngah can a um thei! John 11.5-44. Pathian thuphuan thlun dingah na ris ngam maw? Thlaphang hlah aw, ziangah tile Pathian cu beunak ropi a si. A duhdan na ngah duh asile Pathian ih aw in a kaihrui, asilole kan tumtah hlawhtling lo ding khalin a nemhnget ringring ding, Isaiah 30.21.

A House of Prayer for All Nations

Pray for Tibet

Operation World page 167

2,200,000 loyal to the Dalai Lama

Invaded by China, maybe 1 m dead

Strongly Buddhists, few believers.

9. Biaknak

Thianghlimnak ih Mawinak ah Lalpa cu Bia uh

Na Bible Siar aw

Thupuan bung 4 le 5.

Zoh Lo Siar Ding

Cun LALPA nan Pathian nan rian ding ih, anih in na sang le na tidai cu mal a sawm ding; cule kei in na lak ihsin natnak ka la hlo ding. Na ram sungah nau siat le micing zohman an um lo ding: na damsung *kum* ka lo kimter ding. Exodus 23.25-26.

Cuthlukin Hih Sim aw

Pathian thikse ding le thinheng dingih tuahtu tui ni ih mipipawl an rian mi milem le pathian dik lo `henkhatpawl cu ziangpawl saw an si?

Tuah Hmaisat Ding Thil

Pathian cu thinlung takih be dingin a cang thei tawkin kaihhruai dan dangdang hmangin tlai lam ah timlam aw. Hriakthih mipawl hawl in hril awla biaknak le thang`hatnak zaihla thawn Pathian lungawiter uh.

Deploma Hna`uan Ngan aw

Pathian thang`hatnak lam cu a cang thei tawkih tamin Sam sungih ta hawl aw.

Hi Bungcang hi Fangkhat hnu Fangkhat in Ruah aw

Ephesa 5.19-20.

Minung in a hleice in sersiam mi bepawl an si. Cucu anmai nunphung `henkhat a si. Thusuh ding um mi cu zosaw an biak ding? Ziangvek pathian kan biak khal le a tawp ahcun a rian `uan a `ul. Thil pakhat asilole mi pakhat khat kan be deuhdeuh ih kan pek awknak khal a tam deuhdeuh tikah kan biak mi thawn kan bang aw deuhdeuh.

1. Pathian Biak timi in Ziangsaw a Hmuh Duh?

Hebrai `ong 'shachah' timi in bia, kun, thungai, upat asilole hlan aw, timi pawl a hmuh. Thuthlung Thar `ongkam "proskuneo" khalin mi kut va hman asilole khukbil le lu in leilung dai khawpih upatnak pek thu a hmuh. Hi `ongfang pahnih hin taksa ih rian`uan thianghlim takih rawngbawl le Pathian hnenih thilpek pek a hmuh.

2. Ka Mipawl cu Feh Hai seh, Cutin Keimah In Be Thei Ding

Hih Pathian ih Pharaoh Izip ihsin Pathian mipawl suak dingah a sim leuhleuh mi a si. Cumi ihsin thikthusia Pathian cun a mipawl thawn a nung Pathian dik be lo ih pathian dang le milempawl betu pohpoh cu a do hai.

Biak timi cu Pathian sunlawih le kumkhua in amah thawi lungawi a si. Pathian cun amah a betu taktak a hawlih amah biak hi in kawhna ih thupi bik a si, John 4:23 siar aw. Biaknak dik cu kan thlarau asilole thinlung, ihsin duhdawtnak la dingah Thlarau Thianghlim umtir a siih thlarau le thutakih kan biak theinak dingah in hruai dingih sawm a si. Phil 3.3 zoh aw.

Biaknak hi man siar caw lo le a `ha bik thang`hat tlak Pathian le a Fapa Jesuh Khrih hnenih um a si. Van ih biaknak dokalhtu Lucifer cun amah biak ding a duh ruangah namthlak a si, Isaiah 14, Ezekiel 28. Jesuh hman Satan in amah a biak a si le khawvel lalram pek a tum, asinan Lalpan a hnawl, Mathai 4:8-10.

3. Biaknak cun Pathian thawn Pindan a Khahter

Bible san lai ah mi tamtak mipa siseh nunau siseh Pathian in hriak a thih ih tui ni ih kan khawm ih hla saknak thawi kan hruai awk dan vek si lo in hmuhnak thawi biaknak ah hlanlai ni pawl ih Pathian ih minungpawl hruai dingah hruaitupawl in an nem hnget. 1 Sansiarnak 25.1; 6-8.

Biaknak cun Pathian hrangah le na nun ih rundamnak famkim dingah lamzin a timlam, Sam 22.3; 50.23. Nauhakpawl ih biaknak hmanin ral a daiter, Sam 8:2.

4. Ziangtik Lai Khalah Lalpa Ka Thang`hat ding

Ziangtikah Pathian ka be ding? Ziangtik lai khalah. Ziangah tile biaknak tikcu thu ah Sam 100 in ziangtin kan thawk ding ti in sim, asinan thil dang hmuahhmuah hnakin kan bulpak nun hin ziangtik hmanah biaknak a tawptir ding a si lo. Thaw kan thawt tinten, thil kan ngaihtuah tinten, kan `ong tinten, le kan cangvaih tinten kumkhua in kan rian mi Pathian be ringring ding kan si, Sam 145.1,2.

5. Biaknak, A Hlan ah, Tu ah, Lehnu khalah A Si

Minung thuanthu a ra thawh hlan ah minungpawl in Lalpa an rak ko thawk zo. Abram cu Thutiam Ram ih a feh tikah a fehnak hmun tinih a tuah hmaisai bik mi cu biaknak biak`heng a si. Semtirnak Gen 4.26; 12.6.

A liam zo mi can ah Pathian mipawl in Temple ah siseh, synagogue ah siseh Pathian an bia, asinan tui ni ah kan taksa hi Pathian ih temple a si, 1 Cor. 6:19. Sim duh mi cu khuitawk ih kan um khalah, ziangvek hmun khalah hngah rero `ul lo in Pathian kan be thei ti a si. Paul le Silas cun thawng-inn hmanah Pathian an bia, Tirhmi 16.25.

Asinan leitlun ih kan biaknak cu van ih biaknak ra eng suak mi a si. Thupuan bung 4, 5 le 19.1-10 siar awla, van ih biaknak ah ziangtlukin rawng phunphun, tleu, aw, umdan , le cangvaihna in a khat ti na hmu ding. Kan biaknak khal cuvek thotho si dingih beisei a si.

6. Ziangtin Kan Be Ding?

Bible ih in simmi cu ziangtin minungpawl in an thinlung, thluak, ban, kut, ke le hmur cu hlasak ah an hmang ti a si. Annih cu khuk bilin, lam phahin, thang`hat phahin, sunlawih phahin le lungawi thu sim phahin lungawinak hrangah an au.

Sam ih `ongfang `halal` asilole `hallelujah` timi cu thang`hat dingah, Lalpa ah sunlawih aw dingah le Lalpa ah lungawi dingah ti a si. `Yadah` timi cu kut hawi, ti a si ih, `barak` timi cu Pathian sunlawih dingah biaknak ah khuk bil ti a si.

Pathian le minung hrangih rawngbawlnak ah kan taksa kan hlan khal hi biaknak thotho a si, Rom 12.1. Pathian mipawl cun an thiamnak, sinak, calai, lemcanak, music le thil tuah thiamnak pawl thawn an thang`hat thei thotho ih thuthang`ha hrangih paisa an hlu nak khalin an thang`hat thei.

7. Biakinn ih Pathian Biak

Biakinn ih kan tonkhawm awknak cu tui kan `ong hman mi `ong tharpawl thawn Thlarau ih in hruai theinak Sam hla, hla bupi, le thlarau lam hla thawn a khat ding a si. Tui lai santhar khawmnak tamtak cu Khristian hlimhlawpnak thawn hruai aw an tamtukih cucu stage show thawn a bang aw. Mipipawl in an rak zoh ih cucu biaknak kan ti thei kei maw? Kan biaknak ih Pathian umnak ah le a Thlarau ih phuanlang awknak ah zum lotupawl khal khuk bil ih Pathian betir ding kan si, Col 3.16, 1 Cor 14.15-16, 25, 26, Eph 5.19, Tirhmi 2.4.

Thang`hatnak hi Biaknak Thawn a Bang aw Maw?

A sinak le a tuah mi hmuahhmuah ruangah Pathian kan thang`hat a `ul, asinan Pathian in be maimai si loin betu taktak a `ul ih a hawl.

Thang`hatnak hi vantlang thil ah a cang thei, asinan biaknak cu nginat awknak a si ringring.

Thang`hatnak hi hmuh le theih a si ringring, biaknak cu a thupte le daiziar a si.

Thang`hatnak hi cem a tam ih a nung, hmual a nei, asinan biaknak cu Pathian umpinak ah `ihzahnak a si `heu.

8. Biaknak Dik cu a Man a Khung

Bible in thang`hatnak thawi thawinak a sim. David cun a cahnak zaten Lalpai hmai ah a lam ih a hrangih hmual nei lo thawinak hlan ding cu a hnawng, 2 Samuel 6.14, 24.24. Nisuahnak lam mifimpawl in thilpek mankhung zet thawn Jesuh be dingah a hlan, Mathai 2:9-12, cun rimhmuui mankhung ngaingai thawn nunau nu cun Jesuh hriak a culh ih a mitthli thawn a ke a khawlh sak, cun a sam thawn a hnul sak, Luke 7.36-50.

A House of Prayer for All Nations

Pray for Albania

Operation World page 85

Just 3,500,000 Europeans

Once the world's first atheist state

Now devastated by anarchy and refugees

Now it's the gospel or Islam that is dominant.

10. Rinnak Nun

Rinnak timi cu Pathian Zum le Amah ih Nun a Si

Na Bible Siar aw

Hebrai 11.

Zoh Lo Siar Ding

Cun Jesuh in a sang ih, an hnenah, Pathian ah rinnak nei uh. Cun Jesuh in a sang ih, an hnenah, Pathian ah rinnak nei uh. Ziangatile thungaiin ka lo sim, Zokhalin hi tlâng hnenah, Va `hawn awla, tiffinriat sungah va tla aw, *tiin*; a thinlung sungah rinhlelnak um loin, a `ong mi pawl cu a ra cang tengteng ding tiih a zum *ahcun*; a `ong vekin tuah sak a si ding. Ziangatile thungaiin ka lo sim, Zokhalin hi tlâng hnenah, Va `hawn awla, tiffinriat sungah va tla aw, *tiin*; a thinlung sungah rinhlelnak um loin, a `ong mi pawl cu a ra cang tengteng ding tiih a zum *ahcun*; a `ong vekin tuah sak a si ding, Mark 11.22-23.

Cuthluhin Hi Thlacamnak Hi Hmang aw

Na pitlinnak lo cawltentu, nangmah lo dokalh ih tlangsangpawl cu hmnsin aw.

Thlacamnak ah cupawl cu sal suak aw. ~hawn dingin thu pe hai aw.

Tuah Hmaisat Ding Thil

Pathian ih a lo pek mi thutiam hmuahhmuah cu hmnsin aw. Kiangkap dokalhtu asilole thil harsa lak hmanah Pathian na rinsan thotho maw ti thei dingah na thinlung zohfel aw. A `ul asile sir aw awla, amah cu zum hnget sal aw, na thlacam a lo san ruangah rinnak thawn Pathian hnenah lungawi thu sim aw.

Diploma Hna`uan Ngan aw

Bible ih na hmuh mi rinnak ci dangdang cu cahmai hmai hnih khat in ngan aw.

Himi Bungcang Hi Ngaihtuah aw

Philemon cang 6.

1. Rinnak Timi cu Ziangsaw a Si?

Cumi sannak cu Hebrai 11.6 ah hmuh a si, cumi ih a sim mi cu Pathian cu a um taktak ih anih cu takmak suahih a hawltupawl lawmman petu a si.

Africa ah phuk lakih piang mi pakhat ka tong, culai ahcun a farah ti lo bak rel ding a um lo, asinan tu ahcun cetzung, inn `ha tak le mawtor tiang a nei. Cui a rak farah vansang lamnak ah tu ahcun cetzung hotu le kohhran upa a siih, cui a mawhphurh thawn Pathian ih a pek mi hlawhtlinnak ah a lung a awi ringring.

Cucu Ziangtin a Ra Cang?

Cupa ih simmi cu "kum reipi zo ni khat ah missionary pa pakhat in ka khua, Muslim khua ah Pathian thu a sim. Nauhakte zum vekin Pathian ka zum ih, Jesuh cu ka zum, cun tlawngkai dingah, college kai dingah thil dangdang hrangah Pathian ih bawmna dil in thla ka cam thawk. Ka rinnak cu Pathian ih thutiam ah ka ret hnget."

2. Rinnak In. . .

Hebrai 11.1-39 ihsin.

Kan ra piannak hi khawvel cu kan theithiam, 3.

Abel ih a tuah bangin Pathian kan be thei, 4.

Enoch bangin Pathian kan lungawiter thei, 5.

Noah ih a tuah bangin siatralnak kan hrial thei ih, cutin kan innsang kan runhim thei, 7.

Abram ih a tuah bangin Pathian kawhna co in a thu kan ngai thei, 8.

Sarah bangin tisa hrangih thil cang thei lo cu kan tuah thei, 11.

Santawpna cu a nai ih cumi ah kan um ti kan thei, 13-16.

Abraham ih a tuah bangin Pathian cu a rin-um ti kan theihnak `ha bik cu thawinak ah kan hlan thei, 17.

Moses ih a tuah bangin, sual kan hrial thei ih, hmuh theih lo cu kan hmu thei, 25, 27.

Bible cun “Hipawl hmuahhmuah hi rinnak neiin an thi.” cun, “Cun hipawl hmuahhmuah hin, rinnak ruangah simfak an hlauh nan thutiam an co lo” a ti Heb. 11.13, 39.

Ziangruangah?

“Pathian in thil `ha sawn pakhat kan hrangah in ngaihtuah sak mi cu an hrang khalah hlawnak a si, ziangah tile tlanzuam awknak ih kan `heh lai hlan lo tlanzuam awknak tawpna ah lawmman an ngah thei lo ruangah a si.”

3. Asile Hi Thupi emem Rinnak cu Ziangvek saw a Si?

Rinnak timi cu Pathian a um taktak ti zum ih a thu cu aman a kilkhawi ti zum hi a si, Mipumsiarnak 23.19. Unau nu pakhat cu a sibawipa in a simmi cu nau nei thei dingah beiseinak malte lawng a um a ti. Anih cun hmuhtawn mi ih simmi cu lung lo in Suahlannak 23.25 ih Pathian thutiam sawn cu a rinsan. Kum tam nawn a liam hnu cun vawi tamtak `ap in a rinnak khal a `awn `ai vivo. Nasa takih thla a cam hnu thlakhat a rei tikah nau a pai thei thlang. Nau na nei thei nawn lo ding titu cui a sibawi thotho in Pathian in a thutiam a kilkhawi ti ih san nei Elisabeth timi cunui naute a sar.

Rinnak timi cu Pathian Kawhsuak a Si

Nun sungih hloral minungpawl hnenah ziang a cang ding? Sam 107.4-9.

Cun sual ih hloral minungpawl hnenah teh? 10-16.

Cun dam lonak ih hloral minungpawl hnenah teh? 17-22.

Cun khualtlawnnak lamzin boruak `ha lo ih hloral minungpawl hnenah teh ziang a cang ding? 23-31.

4. Khuitawkin Rinnak a Ra?

Hitawkah:

Rundam rinnak cu Pathian thilpek a si, Eph 2.8, cun

Rawngbawlnak rinnak, Rom 12.3, 2 Tim 1.6.

Ngaithiamnak rinnak, Luke 17.5.

Rinnak cu Pathian in Bible, thusimnak, tape, cabu pawl thawi a simmi ih si “theihnak” in a ra, Romans 10.17.

Hinah rinnak thilpek a um, 1 Cor 12.9.

5. Rinnak timi cu Na Thinlung ih Zum a Si

Kannih cu taksa, nunnak, le thlarau ih nung kan si, 1 Thess 5.23, asinan Pathian cu Thlarau a si ruangah, John 4.24, kan thinlung hrangih Bible `ongkam ihsin kan thlarau in kan zum. Thinlung cu rinnak nung ih cennak inn nuam a siih, cuvek cu minung kan theihnak le zirnak thapi a si mi kan thluak hrangah Pathian ih hram`ohnak a si, Mark 11.23-24; Rom 10.10, Thufim 23.23 ih in simmi cu thutak cu lei awla, zuar aw hlah, sim duhmi cu thutak cu a man a siih, cu a man cu kiangkap thubuai hmuahhmuah neh ih Pathian thutiampawl zum a si. A cangah thlarau mi si lo zirthiamnak thluak cun Pathian thutak a zuar `heu ih minung duhdan a kaihngat sawn, taktak ahcun cui milai duhdan cu Pathian thu zumnak dungih ret ding a si sawn. Paul, amai san lai ih mifim pa cun, hmuh theihin kan feh lo, rinnakin kan feh sawn a si, a ti 2 Cor 5.7.

Kum tamtak sung unau pa pakhat in mawtor a sang, asinan mawtor neitupa a harsa ih malsawm dawn mi khal a cem. Danpeksalnak 28.31 a siar mi ah lak pakhat lawn sak a siih peksal nawn lo cu dan ih camsiat a si ti a siar. Anih cun “Jesuh hminin mal ka sawm,” a ti hnu ah camsiat ding cu a hnawng, cun lak thar nei dingah Pathian hnenah a dil. Zarh tamtak sung hmuntin ah a vakih “lak” thar hrangah Pathian hnenah lungawi thu a sim ringring. Minung lam hmuh danah beisei ding a um lo lai ah cui thlacam nun neitu pai hnenah phone in an rak ko thutthi ih a hrangah Pathian in a timlam sak mi mawtor `ha zet cu pek a si.

6. Rinnak timi cu Tu Tikcu hi a Si

Hebrai 11.1 ah “Tu ah” rinnak ti na hmu ding. Rinnak cun Pathian in a tuah thei, asilole a tuah leh ding ti zum si lo in a tuah zo mi zum hi a si. Rinnak dik cu hmuh hlan le a langsuak hlan hmanah Pathian ah “tu rori ah” a um timi le, malsawm cu “tu ah” ka ta a si ti zum a si. Tehkhinnak ah Pathian in i rundam thei asilole i rundam ding ti a si lo. I rundam taktak ti a si sawn!

Thutak sawn cu:

Jesuh cun Kross parah I rak rundam zo.

Hihi thuphuan suaknak ihsin ka hmu suak,

Anih cu ka co, lungawi thu ka sim,

Cun a rundamnak cu ka ta a si.

Tidamnak, tlennak, malsawmnak le hlawhtlinnak cu an bang aw ih, Jesuh in a tuah thei leh ding, asilole na `ulnak a lo bawm leh ding ti ih lehnu thu zum a si lo. “Tu ah” rinnak cun a hlan kum 2000 luan zo mi ah ka `ul mi hmuahhmuah a rak tuah thluhnak hmun Kross ihsin a rak ngah zo! Zum aw, amah thang`hat aw, lungawi thu sim aw, le rinnak in hngak aw.

7. Rinnak cun Thutak le Thurin a Tong

Ami dungthluntupawl hmuahhmuah hrangih rinnak ih kan pa Abraham ih zoh`him dingih a rak tuah bangin tuah ding kan si. Rom 4.19-21 ih thu hi siar aw.

Thomas in “Ka zum lo” ti ih a sim thluh hnu ah Jesuh cu a ra ih hitin a sim, “Thomas, rinhlehnak cu tawptir awla, zum thawk thlang aw,” a ti. Thomas cu a sualsir in a phuang aw ih “Ka Lalpa le ka Pathian,” a ti, cun khuahlan India ram ah feh in thu a sim.

Zo si na duh deuh, Abraham maw Thomas? John 20.24-29.

A House of Prayer for All Nations

Pray for Japan

Operation World page 322

126,000,000 wealthy, lost people

Mainly ancestor worshippers

250,000 evangelical believers.

11. Hmuhnak

Handel in Pathian sunlawinak a hmu ih “Messiah” thu a ngan.

Na Bible Siar aw

Isaiah 43.18, Thuphuan 1.9-18, 1 Sansiarnak 28.11-12.

Zoh Lo Siar Ding

Hmuhnak a um lonak hmunah mipi an hloral: asinan dân a thluntu cu mi lungawi a si., Thufim 29.18 (AV).

Cuthluhin Hih Sim aw

Asile ziangsaw kan hmuh ding? Na hmuh mi, na tuarnakpawl le na hlawhsamnakpawl kha sim aw asilole hmuh mi na neih thu khal midang hnenah sim aw

Tuah Hmaisat Ding Thil

Na thinlung zohfel awla, Pathian in hmuhnak a lo pe thawk ti hliakhlai aw.

Vansia, van`ha timi kha zum hlah aw, asinan nangmah, na innsang, na rawngbawlnak, na kohhran, le na hmailam thupawl ah Pathian in a rak remruat cia mi hmuh tum sawn aw. Cabu ah hmingsin hai awla, lehnun kum a ra her liam ding can ih siar leh dingah ret `ha aw.

Diploma Hna`uan Ngan aw

Ca ngannak ah na hawlsuah mi thupi kha pitlingtir vivo aw. Ziangtlukin cupawl in hmuhnak thar ah a takin hmual a nei? Ziang a cang ding?

Hi Bungang Hi Ngaihtuah aw

Suahlannak 25.8.

Jeremiah cu a tleirawl lai ihsin Lalpa thawn an feh tlang, temple ah rawng a bawl. Nikhat cu Lalpa a ra lar ih a hnenah a pian hlan ihsin theih a si thu a ra sim, anih cu tleirawlte ngaingai a si ih, profet si dingah Pathian ih ret hran mi a si. Jeremiah cun a nauhak tuk ruangah a el nan Lalpan a hnenah, cun thenkhat thutiam ropi takpawl a pe. Cuthluh in Lalpan thu a sut, Jeremiah 1.4-12.

Jeremiah, Ziang Na Hmu?

Jeremiah cun dik zetin a sang. A neih mi ram hrangah nun thar ih hmingsinnak hmaisai bik a hmu.

Lalpan in “A dik, kei cun ka thu tuah pitling dingah ka kilkhawi!” a ti.

1. Lalpai Hnen Ihsin Ziang Na Hmu?

Zosaw meisa alh larnak hmutu?

Zumtu pohpoh in amai hrangah siseh, a rawngbawlnak ah siseh, lehnun hrangah siseh larnak an hmu.

Hruaitu pohpoh le local kohhran hrangah Tirhmi 2.42-47 Pathian in mai local le mai hmun cio mal a sawm.

Kohhran tinin khawvel hrangah.

Bible cun hmuhnak a um lonak hmun minungpawl an hloral a ti, Thufim 29:18. Cun a hmaisai bikih hlortalu ding cu nangmah na si, na Khristian nunnak ah khawvel thil ih thlaphannak ihsin na hloral ding. Hmuhnak neih timi cu hlimsangpawl khawmnak ih larnak hmuh vek a si lo. Taktak ahcun hi hmuhnak timi cu ziangruangah tu ah ka piang ti sung muril lam fimkhurnak le

cu ai thupi sawn, ziangruangah midang si lo nangmah rori cu Pathian kut ihsin na piangthar ti hi a si.

2. Hmuhnak timi cu Pathian Hnen Ihsin Profet Nun ih Nun Thar Nun Neih A Si

Pathian thu kan ngainak dinhmun parah - timi hi kanmai hmailam thil ra cang ding khaikhawmtu a si, asinan fimkhur aw - Satan cun nun thar nun ih thutiam cu a hua. Pathian ih ram mipi runsuaktu ding naute Moses cu Satan in thah a tum. Khawvel pumpi runsuaktu ding naute Jesuh khal thah a tum. Tui ni khal pum sungih um naute a do lai. Mi piangthar pekte a do ih cuvek thotho in hmuhnak thar khal a do thotho ding!

Hmuhnak le Siatsuahtu

Kum rei zo ah West Africa nelrawn ah Bible tlawng va zoh dingin kan feh rero lai ah hlatak ih kan hmuh mi cu siatsuahtupawl in an kulh vialvial mi kan hmu, cuvek cu cowboy film tamtak kan rak zoh dah mi an thi zik asilole an thi zo vek a si. Cucu ziangsaw a si? Rei lo te sungah cutawk kan va thleng.

Siatsuahtupawl

Kan va thlen tikah ramsa pasarih kan va hmu, kel fate hringtu kelpi khal cu cupawl dawi tlan dingih a cak lo tuk lai. Kel fate a cah ngah tiang cui ramsapawl kan hringhro ih kan dawitlan. Cui siatsuahtu ramsa (mideh hmang) pawl ih in hmuhtir mi cu thim thuneihnak le hmuhnak thar le tumtah tharpawl siahsuah dingih dotu a si. Bible cun cucu thim thuneihnak, 'boruak ih vatepawl' a ti. Hi siatsuahtupawl cun tumtah thar le hmuhnak thar na neih veten a lo do ringring ding. Na hmuhnak kha do dingin an tumtah ih a hram na thawh zik tikah tikcu harsa lo pe in lo tibuai ringring an tum.

3. Boruak ih Vatepawl

Siatsuahtu Pakhatnak cu Zum Lonak tiih Kawh mi a si

Cucun cu na liang parah a to ih "Pathian in hihi a sim taktak maw si" tiin a lo sut leuhleuh.

Siatsuahtu Pahnihnak cu Rinhlelhnak tiih Kawh mi a si

Cucun "Pathian, minung asilole nangmah kha rinsan aw hlah," tiin a sim ringring. Moses cun cuti simtui thu a ngai ih Pathian hnenah hitin a ti, "Kei cu zosaw ka si, Annih in in zum lo! Ka `ong a hak! midang thlah sawn aw,!" tiin a ti.

Siatsuahtu Pathumnak cu ~ihnak tiih Khawh mi a si

Cucun "a tuahsual, tumtak thlak asilole na hlawhsam tikah midang in ziang an sim ding" tiin a ti. Cucun thil ris in tuah aw hlah a ti.

Siatsuahtu Palinak cu Beidawngnak tiih Khawh mi a si

Joshua cu hi siatsuahtupawl fimkhur dingin Pathian in ralrinnak a pe. Joshua 1, Deut 31.6.

Siatsuahtu Pangatnak cu Zangzelnak tiih Kawh mi a si

Haggai cun a kimvel minungpawl hnenah ticak aw uhla, hna'uan uh, a ti. Haggai 2.4.

Siatsuahtu Paruknak cu Thlaphannak ti mi a si

Cucu siatsuahtu caktak a si ih na liang parah to in tu rori ih kan tuah ding mi thil dang hmuahhmuah thu ah a phunzai, Luke 8.14.

Siatsuahtu Pasarihnaq cu Thintawinak tiqh Kawh mi a si

Anih cu hrawkhrawl siatsuahtu 'ihnung a si. Cucun 'ihnak thawn in hmanhmawhtir thei lo asile Pathian ih an ngai lo ih tlansuak dingah in tul suak. Rinnak cu thlaphannak sungih a luttir asile Thlarau Thianghlim ih kaihhruai mi hmuhnak cu tisa hna'uan a cang ih, cutin hlawhsamnak ah a siatral! Hihi fimkhur aw, anih cu a hrawkhrawl tukih na thintawi dingin a lo tuah thei ringring.

Ziangruangah Cuvek Donak cu Satan Hnenin a Ra?

Cucu Thufim 29.18 ah a um. Nauhak hmuhnak hman um lo timi a sim duh mi cu minung mal deuh an hloral ding tinak a si.Mathai 25 ah mifim fala himpawl in hmuhnak thawi an ralrinnak le siahhlawh fim in thilpek an dawn mi hmuhnak dik thawi an hman mi le tuu fim in hmuhnak nasa tak thawi midang rian an 'uan thu na hmu ding.

4. Cutikah Ziang Na Hmu Ding?

Hmuhnak Na Nei Lo Tla a Si Thei?

Cuti asile, John ih a tuah bangin tuah awla, Thlarau Thianghlim sungah ngah tum in Jesuh hmuh tum aw! Revelation 1.10.

Malte Lawng Na Hmuhnak Na Nei Tla a Si Thei?

Na hmuhnak na hlawhsam tikah thawhsalnak 'ha sawn beiseinak dik le fel ah cucu phum aw. Acts 16.6-10.

Hmuhnak Tuah Lo In Na Tlansan Dah Maw?

Lalpai thu Jonah hnenih a vawihnihnak a rung thlen thu kha cing ringring aw, cun John Mark hnenih a rung thleng dan khal, 2 Timothy 4.11.

Hmuhnak hrangah Na Tuar Harsa Maw?

Joseph cun hmuhnak dik a ngah nan taksa thlarau in cui hmuhnak hrangah a tuar, Sam 105.19, cun Habbakuk khal thinlung thlarau in a tuar, Hab. 2:3. Daniel 10.7-8 ih Daniel ih sim mi hi ruat hnih. ~uansuak dingin Pathian in a ticak kha. Daniel 10.14 vekin tikcu dik le thupi hrangah fimkhur aw.

Cun Hmuhnak Neitu Mi Tamtak Hrangah -

Abraham ih a tuah bangin tuah aw Gen 15.5-10:

Hmuhnak hrangah bulpak pek awknak bet aw.

Boruak ih vatepawl dawi tlan aw, 11.

Na hmuhnak lo pitlingtir dingin Pathian beisei aw, 13.

A House of Prayer for All Nations

Pray for Mexico

Operation World page 379

98,000,000 mainly poor people

Dynamic growing nation, Many social & political problems,

88% Catholic, 5% evangelicals, Long history of persecution.

12. Nuntam Nun

Nehtu Zoe cu Tong aw

Na Bible Siar aw

1 John 2.12-14 le Galatia 5.16-26.

Zoh Lo Siar ding

Jesuh in “Rukru cu ru ding, le that ding, le siatsuah ding siar lo ahcun a ra lo: kei cu nunnak an neih theinak dingah, le tam sinsinih an neih theinak dingah ka ra a si..” John 10.10.

Cuthluhin Hihhi Sim aw

Ephesa 4.18 cun minung cu tluksiatnak ruangah Pathian ih nunnak ihsin ‘hen hnan mi ah a cang. Adam vek hrangah nunnak hi ziang a si?

Tuah Hmaisat Ding Thil

Rom 6.1-6 ih thupuan suak pek mi hi ruat hnik, cun ni tinin thutak cu phuang awla, rinnak le thlacamnak in cucu cohlang aw.

Nangmah ihsin thutak cu a tak le hmuhtawn mi ih ra cang dingah Pathian dil aw

Cui thutakpawl cu a dangdang ih a ra lang tikah hmingsin aw.

Diploma Hna‘uan Ngan aw

Gal 2.20, Col 1.29, Eph 3.20, Phil 2.13 zir awla, rawngbawlnak ah le nunnak ah cahmai hmaikhat in Paul ih rinnak ih hmai a nawr dan ngan aw.

Hihhi Ngaihtuah Hnik

Galatia 2.20.

1. Nehtui Nun cu Ziangsaw

John 10.10 ah Jesuh in ‘zoe’ tiin nunnak hrangah `ongkam a hmang. Minung in a cangah an ruah `heu mi cu thil le ri ziangtluk kan nei timi hi tahfung ah an hmang `heu, asinan Jesuh a pawmpi lo nasa, Luke 12.15. Zoe cu Jesuh nun ih nun; Pathian amai nunnak, catuan nunnak, nuntam nun, thi thei lo le nun taktak, cangvai thei le huham nei, Pathian ngaihsaknak nun, hualvan`ha nun, le kumkhua nunnak a si.

Pathian ih Na Hrangah ‘Zoe’ cu a Timlam

Rom 8.29-30 cun -

Anih cun thil ziangkim hi na ‘hatnak hrangah A tumtah mi le timlam mi pitlinter dingah a tuah.

Anih cun tikcu a thawhhlan ihsin A lo thei zo.

Anih cun a lo ko.

Anih cun thiam a lo canter ih na sualpawl a lo hlawnhlo sak.

Anih cu Jesuh vek si dingah hna tampi a ‘uan.

Anih cun a lo sunlawih zo, rinnak ruangah sunlawinak cu na nun pumhlum a si.

2. Jesuh Vekin timi in Ziang a Sim Duh?

Pathian in a Fapa pianzia kengin in sersiam tiih a sim tikah kan mithmai le taksa lam a sim duh mi si loin, thlarau lam nun le thinlung lam nun a sim duh mi a si. Pathian in tuahtar salnak lamzin

ah a falepawl a hruai hai, Semtirnak 1.26, cutin A Fapa Jesuh bang dingin in tuah sinsin, a thianhlimnak, a duhdan, a mizia le thinlung lam nun tlamtingpawl nei ve dingah.

Jesuh vekih nun neih kan duh asinan mi'ha si dingih taimaknak in asilole biaknak danpawl thlunnak ihsin Pathian bawmtum in thil kan ti soal 'heu. Minung taimaknak lawng ih kan tuah tikah kan hlawhsam ih cutin kan bei a dawng. A rei hlanah kan sungah thil pahnih do aw an um, cucu kan nun hlun mizia le Pathian ih duhdawtnak thar mizia an si. Cuiruangah kan thinlung in Pathian ih lungawi zawng tuah a duh nan cumi ralsan zawngin kan rak tuah 'heu, Galatia 5.17-21, Rom 7.15-25

3. Pathian ih Nunnak Ziangtin Kan Darhzai Ding?

a. Thlarau Thianghlim ih Nung Dingin Hril aw

Ni tinih na nunnak cu dan bu ih lo kaihhruainak hnakin Thlarau 'Thianghlim' ih lo kaihhruai ding kha remti sawn aw, Gal 5.1; 16; 18. Thlarau Thianghlim in na nunthar nun ah duhdawtnak, lungawinak, daihnak, mi zawitheinak, zaidamnak, `hatnak, rinnak, Nunnemnak, sùpawk theinak rahpawl run rah hram seh, Galatia 5.22,23.

Pathian ih Thuro ih Thla Pahnih

Minungpawl in Thlarau thilpek an hawl asinan Thlarau rah khal hi a thu ngaingai, zianghatile hihi Jesuh ih mizia langnak a si. Thlarau rah na hmuh tikah Jesuh'i hmuimel keng deuhdeuh dingin Pathian in na nunnak ah hna a 'uan ti na fiang. Nun thleng awknak rah khal hi simfak ding nun a si. Thlarau Thianghlim in kan thinlung ah ci a tuh ih mi hmuahhmuah hmuh theih dingin Khrih hmullmel kengnak nasa sinsin ih 'hanglian dingin kan nun a 'ul.

Zianghatile zumtu in huham nei Thlarau thilpekawl hi nuncan 'ha le thianghlim nun lam hrangah amkhamnak a si lo ti a zirsuak a 'ul. Rah rah suak dingih taimak sawn a si.

b. Na Nunhlum Thah Tum aw

Minung amai hrang lawngih a nun tikah a si dan ra cang ding hrangah Galatia 5.19 hi siar aw. Nunhlun duhnung lo zet cu Pathian thungai lo ih Satan bumnak thluntu Adam hmaisai hnen ih si ra a si.

Pathian in amahte a tan ta ih Adam ih Pathian a theihnak amai thlarau cu amai sung lala ah a thi; cun a hnenah a taksa le nunnak lawng tanta in a um. Cumi ih si thawkin minung cun amai nun uk ding lawng a duh. Pathian lamzin si lo amai lamzin lawngih feh a duh. Hi nunhlun duhnung lo zet cu thihnak ih thlen ih khenbet ding tiih Paul ih a rak sim mi cu, Galatia 5.24.

Ziangtin Na Khenbet aw ding?

Zuam ve hnik! Ding awla, kross le kut le ke hrangah sobul le tlawngkhen nei bangin hun cangvai hnik. Asinan na tuah thei lo ti cu a dik! Na nunhlun that dingin na zuam deuhdeuh na tuah thei lo deuh deuh. Asinan hinah thuthang'ha a um.

Na Hrangah Jesuh in a Tuah Zo

Na tuah ding umsun cu thah in ka um ih rinnak zarah nunthar ka nei timi hi a si. Ziangtin na ruat? Rom bung 1-5 ah Pathian in a kerkawm ah minung cu a dawihlo. Minung cun a hrangah Khrih a thi ti a hmuhfiang lai hlan lo bawmtu nei lo misual le rundam aw thei lo misual a si. Hi

thu hin Pathian thawi rualremnak a run keng, Rom 5-7.25. Minung in amah le mah rualremnak a hmuh thu run kengtu bung cang sannak hawl aw.

Cumi Sannak cu Ziangha?

Zumnak ihsin hmuh a si Romans 6.1-14.

Kan nunhlun cu Jesuh thawn Kross ah kumkhua hrangah a thi zo, 6.6.

Tu ih kan nunhlun thi zo cu Jesuh thawn phum in a um, 6.4-5.

A thawhsalnak, a nunthar nun, kanmai 'zoe' ah Jesuh thawn pumkhat kan si zo. Asinan fimkhur aw, kan nunhlun cun mi hnaihnaawk lo in thlan sungah a um lo. Nehnak famkim ngah dingah hi thutak hi taimak suah ih na tuah a `ul, Romans 6.4,5,8,10.

Ni tinin sual ah ka thi zo tiin theihtir aw aw

Ni tinin Pathian hnenah ka nung ti thei awla, na taksa a hmanrua si dingah hlan aw, 6.11.

Rinnak ihsin Khrih nun cu cohlang awla Paul ih a tuah vekin na nun kaihruaiter aw. Paul ih Galatia 2.20; Colossa 1.29; Ephesa 3.20; Philippi 2.13 and Rom 5.17 a hmuhtawn mi pawl hi siar aw.

Rom 8 cu Thlarau ih kaihruainak nun thu ah bungcang sunglawi tak a si. Thiam lo canternak sual ih dan le thihnak cu zumtu in ziangtin a hlawnhlo ti siar awla, nunnak Thlarau ih dan ah tlanlut aw, cucu 'zoe' tim nehtui nun a si.

c. A Neta bikah Thlarau thawn Feh tlang aw

Gal 5.25 ah Paul in Thlarau zarah nunnak dik le thudik kan nei zo a ti, hlawhtling zetin le thil ziangkim hi 'ha takih ra cangsuak ti hmuhnak in ralkap bangin amah thawn hmainawr uhsi. Asinan fimkhur aw, Paul khalin hi huham nei Thlarau khat nun ah thlemnak 'henkhat thu ah ralrinnak in pe. 5.26 - 6.2.

A House of Prayer for All Nations

Pray for Liberia

Operation World page 352

3,000,000 people, 37% Christian

An African nation destroyed by war

Many believers have fled or died

It will be a long hard struggle to rebuild.

13. Jesuh Hmulhmel Kengin

Thlarau rah cu Pathian Fapa ih pianphung a si

Na Bible Siar aw

1 John 3.1-3; Philippi 2.1-11.

Zoh Lo Siar Ding

Asinan Thlarau rah cu duhdawtnak, lungawinak, daihnak, *mi* zawitheinak, zaidamnak, 'hatnak, rinnak, Nunnemnak, sūpawk theinak tla a si:

cumi kalh zawngin dân hrimhrim a um lo, Galatia 5.22-23.

Cuthluhin Hih Sim aw

Khrih ih si dan tlamtling nunnak bangih nunnak neitu na theih mi mipakhat ih thu asilole thuanthu ihsin asilole thuthangca ihsin an theih mi an um na ring maw.

Tuah Hmaisat Ding Thil

Duhdawtnak, lungawinak, daihnak, *mi* zawitheinak, zaidamnak, 'hatnak, rinnak, Nunnemnak, sūpawk theinak timi Bible ih simduh mi cu ngaihtuah aw.

Na dinhmun cu zohfel awla ziangtin Pathian bawmna thawn dinhmun sang sawn ah thleng thei ding in zuam aw.

Diploma Hna'uan Ngan aw

Thuthang'ha bu 4 sungih Jesuh ih a hmuh mi Thlarau rah pakua cu catlang tawite pakua in ngan aw.

Hi Thu Hi Ngaihtuah aw

2 Peter 1.3-4.

Jesuh ih mizia mawi ngaingai a si mi Thlarau Thianghlim ih rah cu kan hnenah thlah dingah Pathian in hna a 'uan. Cuiruangah ziangvek rah saw kan nunnak ah a hmuh duh mi cu?

1. Duhdawtnak, Cucu Ziangveksaw a si?

Duhdawtnak ci tamtak a um, a 'hen cu ropi tak ansi. Tehkhinnak ah Bible sungah innsang asilole rualpi duhdawtnak, duhdawtnak hmais a bik, unau duhdawtnak, paisa duhdawtnak, nunau in a innsang a duhdawtnak, pianphung duhdawtnak le nuam duhnak pawl tla an si. Hi duhdawtnak hmuahhmuah hi 'phileo' timi minung ih duhdawtnak hli an si, asinan Pathian ih duhdawtnak maksak cu 'ongfang dang 'agape' ti a si. Ruangah ti um loin anih cun a lo duhdawt, hlawhsam ruangah a mal dah cuang lo ih neh ruangah a tam cuang fawn lo. A lo duhdawt ta rori a si mai.

Pathian amah rori hi 'agape' a si! 1 John 4.8.

Anih cun Jesuh a 'duhdawt' (agape), John 17.26.

Pathian minungpawl cu 'agape' duhdawtnak in a duhdawt ih cuvek thocho in cumi pitlin dingah a Fapa peknak ih a run tuah. John 3.16, 1 John 4.9-10.

Jesuh a duhdawttu pohpoh hnenah Pa khalin 'agape' duhdawtnak thawn a duhdawt hai, John 14.21.

Cangvainak ah Agape Duhdawtnak

Misual kan si laiah Khrih cu kan hrangah a thi. Cucu 'agape' duhdawtnak a si, Rom 5.8.

Jesuh in ziangtlukin amai 'agape' duhdawtnak John 13.1-34 ah a hmuh ti zoh aw.

Jesuh in kannih pakhat le pakhat 'agape' duhdawtnak thawi duhdawt aw dingin le mi tin va duhdawt dingin thu in pe, John 13.34,35; 1 Thess 3.12; 1 Cor 13.1-8.

Asile Na Duhdawtnak Nun cu Ziang a Bang?

Feh suah dingin agape in a lo fial maw?

2 Corin 5.14-20.

Agape thawn ziang na tuah ding, 1 John 3.16-18.

Agape tamsin in khui ah na hmu ding, Romans 5.5.

2. Lalpai - Lungawinak

Jesuh cu lungawinak hriak thawi hriakthih a si, Heb. 1.9. Jesuh in 'hit-umnak ah le pawlkomnak ah mipipawl a lungawiter. Luke 10.21 ih 'ongfang ahcun lungawi ruangih khir, le a thleng lai ding mi lungawinak hmuh cia nak cun Kross phur dingah Jesuh cu a bawm, Hebrai 12.2.

Jesuh Dungalunak ih Lungawinak a Hring

Luke 10.17; Tirthmi 13.52 siar aw.

Khawpipawl in lungawinak an hmu thei, Tirthmi 8.8.

Lungawinak cu rawngbawlnak hmuitin mi pakhat a si.

Philippi 1.25 le 2 Cor 1.24 zoh aw.

Jesuh in na lungawinak luangliam a duh. John 15.1-11 ihsin ziangtinsaw ti na hmu thei.

3. Tiva Bangih Daihnak

Bible 'ongkam 'eirene' le 'shalom' timi in a sim duhmi cu rampi huap ih daihnak, bulpak karlak khalih ral um lo nak, humhinnak, hlawhtlinnak, lungawinak tla an si. Pathian hnen ihsi rundam mi nunnak ih daihnak cun zianghman a 'ih lo, hi nun ah a lung a kim cun catuan nunnak a nei ti a fiang. Jesuh cu daihnak Siangpahrang a si ih, anih cun buainak neipawl daihnak a pek. Paul cun a cakuat tinten 'eirene' hrangih thlacamnak thawn cakuat hram a thawh ringring mi hi mangbang hlah aw, Isa 9.6; 2 Thess 3.16; Luke 7.50, 8.48.

Pathian ih Daihnak Ziangtin Kan Hmu Thei Ding

Philippi 4.1-7 sungih thutiamnak ihsin.

Pehtlaih awknak 'ha nei ringring aw.

Ziangvek dinhmun khalah Pathian thang'hat thei nun nei aw.

Lalpa cu lo tong dingah na kiangnai ah a um ti thei aw.

Na thlaphang hlah aw, cu ai in Pathian hnenah thlacam in dil aw.

Amai daihnak in na thinlung le na thluak a lo kil ding.

4. Mizawi Theinak Tu ah in Pe aw!

'Makrothumia' timi ih san cu tuarfai, zawi thei, le hmuhsuamnak lak khalih tikcu reitak thinlungnak sup thei ti a si. Hi `ongfang ah Pathian amah rori hman amah kan theih theinak dingah thinsau takih in rak hngah bangin Khrih hnenih ra dingah thinlung hakpawl tikcu rei tak kan hngah tikih harsatnak tla a tel, Rom 2.4, 9.22.

Rinnak in le Zawitheinak in

Pathian thutiam kan co. Heb 6.12.

5. Ngilneihnak le ~hatnak

Hitawkah ‘ongfang bang aw zikte an um. Pakhat cu ‘chretotes,’ a siih cucu zawnruahnak ih ngilneihnak asilole ‘hatnak ti a siih, ‘agathosune’ ti cu cangvaihna ah a takram ih tuahsuaknak a si.

Jesuh cu Ngilnei le ~ha a si

Anih cu sualsir misualpawl hnenih ‘chretotes,’ ngilnei le zaidam a si hlei ah temple a thenhlim `um khalah tuahnak in `hatnak agathosune hmuhtu a si, Luke 7.37-50, Matthai 21.12-13. thil pahnih hrangah Jesuh cu hriakthih a si ti Tirhmi 10.30 ah zoh aw.

6. Rin-umnak

Jesuh in Galilee ah an hmai ih rak feh dingin thu a tiam. Himi in a ‘ongkam a rin-um ‘pistis’ zia a hmuh, ziangah tile a thu kilkhawi dingah Jesuh cun Gethsemane, Kross, thlanmual, hell, vanram le thawhsalnak ah a feh, Mat 26.32.

Pathian ih Tumtah mi cu Rin-um ding lo Tuah Ding hi a si

‘A Si’ na timi kha na hrangah a si taktak maw? Matthai 5.37.

Na thutiampawl ah na rin-um maw? Psa 15.5.

Siangpahrang in mi’ha le rin-um siahhlahw tiah a lo ko thei kei maw? Matthai 25.21.

7. Zaidamnak

‘Praotes’ timi Khrih bangih Pathian lamih hnuaidawrnak le nunnemnak cun anmai duhdan a si lo hmanah `ha a ti dan bangih Pathian ih kaihhruainak hmuahhmuah cu a cohlang. Jesuh Judah ih Kiosa, asinan Pai hnenih nunhlan awtu Pathian ih Tufano nunnem khal a si. Hihi a si mi nunnem cu hualvan`ha an si a ti mi cu, Mathai 5.5. Jesuh hnenin zir ding kan nei, Mat 11.29.

8. Nangmahte Na Sup aw Thei Maw?

Na sup awk thei lo asile ‘egkrateia’ timi cakhiar le lungmui tumnak ih si sup awk na `ul.

Ka Duh Lo tiih sim Thei Dan Jesuh a Thei!

Luke 4.1-14 ah Jesuh in a cauh lai tikcu ah amah le mah ziangtin a sup aw ti na hmu ding.

Jesuh a ril a rawng tikah khawse lal cun amai bulpak ‘ulmi rawl hrangah a huham hmang sual dingin a sim nan KA DUH LO a ti!

Satan in Jesuh cu kross hrial dingah a thlem nan KA DUH LO a ti!

Temple luanglu ah mipi ih hmuhtluh dingin a hminthannak langter dingah a thlem nan KA DUH LO a ti!

Sup aw Thei Dingin Pathian Bawmnak kan ~ul

Ngiahtuahnak kaitang dingin, 2 Cor 10.5.

Lei hrem dingah, James 3.8, Acts 2.4.

Kan taksa control dingah, 1 Thess 4.4.

A House of Prayer for All Nations

Pray for Austria

Operation World page 103

8,000,000 European people

83% Roman Catholic

Much occultism, alcoholism and suicide.

14. Thianhlimnak

Calcutta ih Nu Teresa cun thianhlimnak lamzinpi a hril

Na Bible Siar aw

1 Peter 1.3-25; Sam 15.

Zoh Lo Siar Ding

Maw Pathian, ka sungah thinlung thiang sersiam awla, ka sungah thlarau dik tuah thar sal hram aw. Na umnak ihsin i dawi hlo hram aw hlahla, na thlarau thianghlim cu ka hnen ihsin la hram aw hlah; Na rundamnak lungawinak cu i pe sal hram awla, na zalennak thlarau in i kai hnget hram aw., Sam 51.10-12.

Cuthluhin Hihi Sim aw

Nangmai tuahmi asilole midang ih tuahmi dan in na nunnak kha khuitawk hmunah a lo zangfah in na thei?

Tuah Hmaisat Ding Thil

Pathian cun a tuah mi ihsin le midang hrangih nungih a duhdawt ihsin a thianhlim bangin thianghlim uh.

Micak lo 'henkhat hrangih thil pakhat khat zalen takih tuahnak ihsin mi thianghlim va si aw.

Diploma Hna'uan Ngan aw

Dan le zangfahnak ra suah dan zohfel aw. 'Dan' thu cahmai hmai khat in ngan aw zangfahnak dinhmun 'ha hril dan na hmu ding.

Hi Thu Hi Fangkhat hnu Fangkhat in Ngaihtuah aw

2 Corin 6.17-7.1.

1. Thianghlimnak cu Ziang a si?

A sannak cu awlte a si, thianghlim timi cu kan Pa Pathian hnenih tuhltut awk, a hrangih nun, a lungawi zawng tuah a si. Thianghlimnak cun Jesuh ih mizia famkim a langtir, cun famkimnak lam panih 'hangliantu Khristian ih nuntlan dan a hmuh. Hihi Pathian in mithianghlim, thianghlim u le naupawl tiih kawh a duhmipawl an si.

2. Thianghlim, Thianghlim, Thianghlim, A Cak Lalpa Pathian.

Pathian cu a thianhlim men lawng si lo in, thumkawm Pathian pakhat cu a letthum in a thianghlim ti na thei dah maw. Vanram le leitlun ah anih cu ziangti thang'hat a si, Isaiah 6.3; Thupuan 4.8.

Jesuh in "Thianghlim ka Pa" a ti, John 17.11.

Jesuh cu thianghlim le dingfel a si, Tirhmi 3.14.

Pathian ih Thlarau cu thianhlimnak Thlarau a si, Rom 1.4.

3. Ka Thianhlim Ruangah Thianghlim ve uh

Pathian ih innsang ah mi tin Pathian ih kawhdan Pa le fa tiih kawh a si. Minung hihi an theih ding aw a si, cucu kan Pa Pathian hi in kilvennak ah a dingfel a si tihi, 1 Peter 1.15, 16. Kannih cu-

Thianghlim dingih hril kan si, Ephesa 1.4.

Thianghlim pa le nu si dingih kawh kan si, 1 Thessalonians 4.7.

Kohhran thianghlim si dingih kawh kan si, 1 Cor 1.2

Thianghlim dingih zangfahnak pek kan si, 2 Tim 1.9.

4. Thianhlimnak Ci Hnih

A hmaisai bik cu, Pathian ih cohlan tlak le thianghlim si dingih in tuah theitu um sun kan sual ngaidamnak le thianhlimnak ah Kross parih Khrih ih hna'uan 'heh mi a si. Hi thianhlimnak cu kan tuah le tuah lo nak ih ra a si lo. Kannih cu thianghlim tuah kan si zo zianghah tile Jesuh in a zangfahnak ah kan thianhlim lonak hmuahhmuah cu amai parah 'hum in amai thianghlimnak in pek, cuti lo siseh la cu ziangtik hmanah Pathian ih umnak ah kan lut thei dah lo ding, Hebrai 2.11, 13.12, 10.10.

~hanlen hi Famkimnak a si lo

Pathian hmai ah tithianhlim zo sihmansehla ni tin nun tithianhlim rero kan si hrih lai. Sual, tisa le Satan ih 'awn'emnak thawi harsa tuar in kan nun sung hmuahhmuah hrangah Thlarau Thianghlim kaihhruainak in a famkim thianghlim nun ih nung ding lamzin ah kan feh rero. Cui lamzin ah tluknak le hlawhsamnak tamtak a um ding, Hebrai 10.14.

5. Thianhlim cu Kan Duh, Asinan Ziangvekin?

Hihi kan thubuai cu a si, ngaihtuahnak 'ha sawn neih tum, 'ongkam nemte ih 'ong le thil 'ha tamtak tuah tumnak in kanmah le kanmah thutluknak neih tumnak cu. Mi tamsawn ih an theih bangin cuvek dan le duh cu hlawhsam dingih siatsuah in a um.

Tuahnak ih Rundam (Legalism) le Zangfahnak ih Do awknak

Lungthlitum thianghlim le fel si dingah zumtui falepawl cun ziangtin Khristian nun danin a nung ding timi thu ah thil 'ha tuahtu a si a 'ul, cun dan thlun sinsin dingin anmah ah siseh midang hnenah siseh an tuhlut awk a 'ul. Cun na pahbal asile na hlawhsam ding.

Dan

Thil'ha tuahnak ih rundam ngah zumtu cun ziang ka tuah dingih ziang ka tuah lo ding tiin amah le mah sut aw in a ruah 'heu, thil pakhat, lam, wine, paisa, thuamhnaw, cinema le cei awknak vekpawl hi Khristian nunphung thawn a mil aw lo tiin a ruat. Cutin amai duhnak in a tuahfel aw tumih midang khal amai dan thar thlun dingin a fawrh hai. Cuvekih tawpna ahcun mi lakih cangvaihnak ah cite le tleu si dingah an hlawhsam 'heu ih zum lotupawl cu cuvekih amai duhdan ih nung dingin an tanta 'heu.

Zangfahnak

Zangfahnak cun hipawl hmuahhmuah hi anmah ah zianghman thil 'ha lo a um lo a ti, asilole Khristian sinak thawi khalin a a kalh awknak a um lo a ti, hipawl thawn ziang kan tuah ding timi sawn hi a thupi bik a si. Tehkhinnak ah, zangfahnak cun zu ah sual a um lo ih zu ngawlvei tui hnenah a si sawn, paisa ah sual a um lo ih paisa a duhtui hnen sawn ah a si, lam timi ah sual a um lo ih a lamtui um dan sawn ah a si.

Fehlagnak Zin Pakhat: Thlarau Thianghlim Tamsinin

Nuntlan dan hrangah dan si maw, zangfahnak si maw na hril tikah thianghlimnak cu mi pakhat hnen ihsin a ra, cucu Thlarau Thianghlim a si. A pianphung khal a hmin vek ciah in a Thianghlim.

Ni tinin Thlarau Thianghlim ih khat timi cu zumtui taksa, nunnak le thlarau cun Pathian dan ih thu tinten thlun dingih nun sunglam ihsi a nung mi thianghlimnak hring suak dingih ngaihtuahnak, 'ongkam, le cangvainak tintei cat bang loih tuhlut awk a si, asinan cu minung thiltitheinak ah a 'hum aw lo. Na 'ongkam siseh na fehdan siseh a dik lo tikah a rei hlanah a umpinak cu a theihter ding, cucu na thinlung sungih um theihpitu a si.

6. Thianhlimnak Lamzinpi

Kan duhnak le thu bawhcatnak pawl hi thianhlimnak lamzinpi ah an thupi ngaingai. Ca Thianghlim in in kaihruai ding. Hitawkah Danpeksalnak 22.9-11 ih in sawm mi a um -

Na grape hmuan thingkung rawlci ci hnih phun aw hlah; na phun asile, na phun mi rawl lawng si loin na hmuanih um thingrah khal a bawrhhlawh ve ding.

Cawcang le lak hnawngkol barh tlangin lei let hlah aw.

Tuuhmul kawr le patzai nem hruh tlang aw hlah.

Rawlci Thianghlim Lo Thawn Cawhpawlh Hlah

Rawlci cu tuh ih ti kan tawih asile amah vek lala rawl kan khum. Cuiruangah Pathian tu, thutak lawng tuh aw, Pathian thutak le khawvel fimnak kha ziangtik hmanah rawi hlah aw, cutiasilole a rah a cawhpawlh aw dingih rawl khum ding na nei lo ding.

Mi Thianghlim Lopawl Thawn Cawhpawlh Hlah

Pathian duhdawttu le ca thianghlim zumtu veve lawngin 'hit umnak asilole hna'uannak ah an um tlang thei. 2 Corin 6.14-17 ih Paul ih a sim mi hi siar aw.

Thuamhnaw Bawrhhlawh Hruh Hlah

Kan Pathian ih pek mi thuamhnaw cu dingfelnak thuamhnaw le tlunsang ih rung huham ih thuam awk hi a si. Tui ni ah Pathian ih thuamhnaw hruk ih ni dangah khawvel thuamhnaw kan hruk asile ziangtik hmanah kan thianghlim dah lo ding, asilole Pathian ih duhdan vekin kan si thei dah lo ding, Isaiah 61.10, Luke 24.49. Thlarau 'Thianghlim' kan hnenah rung khat in in bawm hram aw.

A House of Prayer for All Nations

Pray for Palestinians

Operation World page 314

Nearly 2,000,000 Muslim Arabs

Tragic history of loss and war

Christians have ancient roots of faith.

15. Tuarnak

Hihi Khristian hrangah hmanah thil harsa a si

Bible Siar Ding

1 Peter 4.12 ihsin 5.11 tiang.

Zoh Lo Siar Ding

Nan ralpawl va duhdawt uh, a lo camtupawl cu mal va sawm uh, a lo huatupawl hnenah thil 'ha va buah uhla, hmuhsuam zetih a lo dekcawktu le a lo hremtu pawl cu thla cam sak uh; Cuticun van ih um nan Pa ih fate nan si theinak dingah. Matthew 5.44-45, KJV.

Cuthluhin Hihi Sim aw

Nangmai tuarnakpawl hrangah le midang hrangah thlacam aw, hnem hai aw.

Tuah Hmaisat Ding Thil

Farahnak, hnawnmi, AIDS vekih dam lopawl asilole thawngtlapawl hnem ding le tha pe dingin hawl aw. A mal bikah pakhat te tal rualpi 'hat tum aw.

Diploma Hna'uan Ngan aw

Tuarnak timi hrangah thuhla fiangfel tak pathum in simfiang awla cupawl cu na hmnsin thei dingin hliakhlai aw.

Hihi Ngaihtuah aw

Luke 6.20-23.

Tuarnak hi kan zaten in ka tuar thluh ih hrekkhat hrang ahcun natnak, accident, riahsiatnak ruangih thinlung lam tuarnak ruangah kum tamtak an tuar. ~hit awknak ah, innsang ah asilole kohhran thihnak, hna'uan lo, phatsan awknakpawl cu tuarnatnak ngaingai an si. Ei le in, tidai le sii tlaksamnakpawl cun farahnak hin tuarnak a hring. Politic asilole biaknak lamih hmuhsuamnak, dik lo zetih tuahnak, thlei dan awknak pawl ih siatsuahnak khal hin tuarnak a run thlen.

1. Pathian, Khui ah Na Um?

Tuarnak cu a um taktak, ziangahtile Pathian cu Pathian si dingah duhdawtnak ih Pathian vekin amah le amah phuanglang aw dingah huham hmuahhmuah a nei. Minung cun sersiamtir ihsin amai thubuai thawi talbuai ding a nei ringring.

Ca Ngantu Steven Chalke cun Hihi a Ngan

“Pathian in thil pakhat khat a buah tla a si thei nan, a buah lo. Khawvel ih harsat tuarnak hi rettir dingah hna a tum tuk tla a bang. Hi thu ah, Pathian cu huham a nei famkim tawk lo. Asilole Pathian cu huham thawn a khat nan minungpawl ih tuarnak hi a ngaihsak tawk lo tla a bang. Hi thu ah, Pathian cu duhdawttu Pathian a si lo tla a bang. Asinan Pathian in in ngaihsak ih huham khal a nei famkim nan kum tapi hrangah kannih ih hmuh vekin tuarnak le thil `ha lo pawl hi a hmu ve lo. Hi tuarnak le harsatnak hmuahhmuah hi `hanglian dingih zirnak ropi tak a si sawn. Cuiruangah tuarnak le thil `ha lo hi hnawn le um lo bangih ruah a si.”

Tuannak hi Cemter a Theih Lo Maw?

A 'henin tuarnak hi thil 'ha lo hrlir a si lo, zir dingih bawmtu ropi asilole minung sualnak ih rah, asilole thlarau raldonak ah khawse lal ih sualnak tiin an sim 'heu. A 'hen a zar cu hrilhfiyah awk a si 'heu nan, famkim takih theih ding cun Jesuh ih vamram ih in sim fiang lai hlan lo zohman in kan thei thei lo ding..

2. Tuarnak Thu ah Thuhla Pathum Kan Thei

Thuse Khawvel

A hmaisai bikah, thuse khawvel ah kan um, First, we live in a fallen world, deeply affected by sin from galactic levels down to global, microscopic and atomic levels which explains the climatic calamities, the natural disasters and internal catastrophes in our bodies.

Minung ih Duhthlannak

A pahnihnak ah, a dik le dik lo thlang thei dingih Pathian ih a pekmi minung duhthlannak cun tuarnak a suahtir thei tiih ngai theih a si, cun Pathian in minung duhthlannak ngaisang dingah amah le mah a turhnawh aw lo.

Huat Umza Khawse Lal

Huat umza khawse lal a um ih thil 'ha lo hrangih a tuah mi cu mi'hapawl zianghman an tuah lonak ding hrangah a si. Luther King cun "Kum zabi 20 cernak ahcun mi tamsawn in thil kan tuahsual mi tamsawn cu sir awk kan tum nawn lo, asinan kan tlaksamnak nasa sawn cu thil 'ha tuahnak ihsin kan cawl thluh."

3. Jesuh cun a Tuar ih Hrem a si

A mipawl in an cohlang lo, an hmuhsuam, amah dokalh in khua an khang, an hrem ih ngilneihnak nei lo, venghimtu um lo, thu'hentu dik um lo, theihpitu dik lo, le hniksagnak a phunphun thawn, a neta bikah thah a tuar. Sam 69.20; Isaiah 50.6; 53.5; Zec 13.6; Mark 15.34; Luke 22.44; Heb 2.10; 5.8; 13.12; 1 Pet 1.11; 2.21; 3.18.

4. Paul cun a Tuar ih Hrem a si

Hlanlai ih Jesuh dungthluntu le Pathian mi tamtak pawl bangin a tuar ve.

Tirhmi 9.29; 13.50; 14.5; 19; 16.22; 18.12; 21.36; 22.22; 23.10; 1 Cor 4.12; 2 Cor 4.9; 11.24; 2 Tim 2.9; 3.11.

Cuvek cu Kan Tong Thei

Jesuh in "Siahhlawh cu a pu hnakin a tum sawn lo tiih ka lo sim mi thu kha cing *ringring* uh. Keimah in hrem ahcun, nannih khal an lo hrem ding. Siahhlawh cu a pu hnakin a tum sawn lo tiih ka lo sim mi thu kha cing *ringring* uh. Keimah in hrem ahcun, nannih khal an lo hrem ding; ka thu sim mi an thlun ahcun, nan *thu sim mi* khal an thlun ve ding a si. Hi leitlun ah thubuai nan tong ding. Asinan leitlun ka neh zo ti hi cin ringring uh! John 15.20; 16.33. Paul cun "A si, zokhal Khrih Jesuh ah Pathian ngaihsak ih nun a duhtu pohpoh cun hremnak an tuar ve ding," a ti 2 Tim 3.12. San hmuahhmuah ih zumtupawl in an tuar a `ul ih Khrih dungthlun ruangah tuar in thihnak hman ton a `ul, 1997 ih Rwanda le Iran ih thil cang vek khan. Tu ni khalah Khrih hrangah tuar thei dingah zumtupawl hrangah hniksagnak a um.

Tuarnak, Tirhmi 9.16.

Hremnak le huatnak, Mat 5.11, 10.22.

Nun ralnak, Mat 10.39;

Neihmi hlohnak, Mat 19.29.

Hminthannak hlohnak 1 Cor 4.10, 2 Cor 4.5.

Thihnak, 2 Cor 4.11, 12.10, Phil 1.29.

Pathian hnenah maw Minung hnenah Kan Tuhlut aw ding?

Himi thusuhnak cu hremtuartu kohhran ih a sannak um sun cu a hmaisai bikah Pathian thu kan ngai a 'ul. A 'ul asile cuvek tuah ruangah minung ih hremnak khalah kan tuhluat awk a 'ul, Tirhmi 5.29, 4.19.

5. Tuarnak ah Ziangtin Kan Neh Thei Ding

Ziangvek dinhmun khalah lungawi thu sim aw.

Ziangvek dinhmun khalah Lalpa thang'hat aw, 1 Peter 4.12-19.

Thla cam ringring aw, dinnak hrangih thu'hennak sang bik vanlam thu'hennak cu dil aw.

Ngaithiam hai aw, midang in ziang an tuah ti an thei lo.

Thlarau lam raldonak ah tel ve aw, ziangah tile kan raldonak hi tisa le thisen a si lo, Ephesa 6.12.

Philippi khua ih Paul le Silas thawng-inn ih si suah dingah ling a hnin bangin le Peter thawng-inn ih sin suah dingah vancungmi ih a tuah bangin Pathian in kan hrangah a run thlah thei, asilole nangmah thawn meisa lakah feh dingin a hril sawn thei, Tirhmi 16.25-30; 12.1-12; Daniel 3.35.

Bible ih si ~uan Suak dingih Fial mi

Kan ralpawl duhdawt ding kan si.

A lo camsetu kha malsawm aw.

A lo hua tu hnenah thil 'ha tuah aw.

A lo hremtui hrangah thlacam aw.

Thil 'ha lo cu thil 'ha lo thawn thungrul hlah.

Tuar harsapawl ih rian 'uan sak aw.

Mathai 5.43-48; Suahlannak 23.4-5, Job 31.29, Thufim 24.17, 25.21, 22, 20.22, 24.29; Mat 5.39-44; Rom 12.14-21; Luke 6.27,35, 23.34; 1 Thess 5.15, Tirhmi 7.60. Lev 19.18; 1 Peter 3.9, 1 Peter 5.9-11.

A House of Prayer for All Nations

Pray for Libya

Operation World page 355

5,500,000 Arabs and Berbers

97% Muslim, 3% foreign Christians

No open evangelism possible.

16. Kohhran sungih Thuneihnak

Africa ram ahcun hotu hin thuhneihnak maksak a nei

Na Bibe sungah hihi rak siar aw

Mathai 8:5-13, 1 Peter 5:1-11.

Hihi na byheart ding mi Bible cang a si

“Cun u le nau tla, nan lakih hna a `uantu, le Lalpa ih nan hotu le nun a lo simtupawl kha thei dingah le; An hna `uannak ruangah, duhdawtnak ah nasa zetin ngaisang hai dingin kan lo ngen. Remaw ten um uh.” 1 Thessalonika 5.12,13.

Cuihnu ah Hihi Ruat aw

Thuneihnak le tuhlut awknak timi hi ziangtin na ruat?

Cucu na ruah dan cekci a si maw?

Thil dang na tuah hlan ih na tuah ta ding mi

Thuneitu sangbik na ton thei kha Palik Sakhan Hmu, khaw lal, le pastorpawl tivekpawl kha City Hall ah maw hmun khat khat ah tla na cam sak theinak dingah tong hai aw. Ziangtivekin an lo sang timi parah na mang a bang zet men thei.

Written Diploma Work

Nan ram uktupawl cu tla na cam sak theinak dingah a lubik ihsin khawte uktu tiangin ngan awla. Na thlacam saknak cu ngan awla, sim hai aw.

Hi bungcang ih `ongfang ih pakhat teten ruat aw

Suahlannak 20.12.

Tuilai ah kohhran ahhin thuneihnak timi hi theih sual le hman sual ih um bik mi a si. Ruahnak hi sangpi ah a thleng so thei! Pastor Rick Godwin in kan hrangih a `ha mi thuneihnak phun sarih a um tiin a zirh -

Pathian ih Thuneihnak

Thusuh ding um loih kan pumpek awknak, Isaiah 9.7; Efe 1.22; Fil. 2.9-11.

Pathian Thu ih Thuneihnak

Pathian thawi bangrep ih thuneihnak neitu a si, Johan 17:17. Bible thutak sungah Pathian ih a thleng aw dah lo mi thu kan hmu, Johan 1:1, 14:6, 2 Timote 3:16. Pathian ih thu cu catuan ih thleng aw dah lo ding mi an si. Profet ti aw pawlih thuphuan mi hi an dik tla a si men thei, asinan Pathian ih thu ngan mi vekin minung pawl hrangah `hathnemnak a nei dah lo ding.

Sia le `ha Theihnak ih Thuneihnak

Sia le `ha theihnak hi Pathian ih pek mi a si ih `haten ngai aw. Bible ih zirh lo mi thlarau ramih ra lut `heu nuphung, asilole duh hleice mi thil, tehkhinnak ah: phunhnam, nuclear `ihnungza, tivek pawl ah ralring aw. Rom 2.12-16, bung14.

Pathian in Minung parih Thuhneihnak a Pek mi

Tu ah Pathian ih thuneihnak cu minung ih aw in a rung lang, tehkhinnakah: Efe 4:11, Hebru 13:7,17.

A Dikmi Lungkimnak Thuneihnak

A si, kan timi cu a si ringring ding ih, a si lo kan timi cu a si lo ringring ding a si, tehkhinnakah: Semtirnak 29:18-30.

Phunhnam ih Thuneihnak

Hnam dang pawl cun nangmai phunhnam ih tidan vekin thil a ti lo men ding, asinan nangmai tuah dan vekih tuah na tum tikah `haten ralring aw, Semtirnak 29:26, 1 Kor 11:16.

Thil Pakhat khat ih Thuneihnak

Thiltitheinak ih thuneihnak, tehkhinnakah doctor cun tracffic accident ah hriamhma pupawl a bawm thei, mechanic cun maw`aw siat a tuah sak thei, palik cun trafic buai a remh `ha thei, asinan thuneihnak ropi zet neitu cu hitivek canah thurawn hman a hlawh lo thei, ziangatile hitivek tuah thiam mi a nei lo! Efe. 5:21.

1. Van ihsin Leilung parah

Pathian ih thuneihnak cu van ihsin naute par tiangah a um. Pathian ih thuneihnak a langsuahtnak hmun pohpoh ah Satan ih lalram cu a dungtawlh `heu ih, minungpawl ih nunnak ah Pathian ih duhdawtnak dân in hmun a la `heu.

Pathian cu a hramthawk ihsin , Suahlannak 1:1; Sâm 90:2; Jam 4:7; Heb 12:9.

Thuneihnak hmuahhmuah cu Jesuh hnenah pek a si, Mat 28:18; Sâm 2:2; Heb 5:9; Jon 13:13.

Jesuh cun a dungthluntupawl cu a tûrual kiltu, kaihruaitu, uktu, le cawmtu dingah a tuah hai. Eph 4:11; Heb 13:17.

Hipawl hnenih Tuhlut awk ding khal kan si:

Acozah, asilole Uktu; Rom 13:1-7; Titus 3:1.

Pasalpawl, Col 3:18, Efe. 5:24.

Nu le pa, Efe 6:1-4, Kol 3:20.

Hna`uantupawl, Kol 3:22.

Zumtu pitling, 1 Kor 16:16.

Pitar Putar, 1 Peter 5:5.

Pakhat le pakhat, Efe 5:21.

Himi vanlam rikham leng ih feh suak cu hlawhtlin lonak le mahte lawng peunak lamih feh thawn a bang aw. Ralring aw!

2. Hruaitu Dik lo Thiehthiam Dan

Hruaitu dik lo timi cun sal ah a lo tuah tum ding ih, na hnen ihsin hlawknak a ngah tum ding, cuisin amah le mah hmaiah a ret aw ding ih na hmai ah a lo beng ding. 2 Korin 11:7-11.

Pathian `ihzahtu hruaitu cu hnuai a dawr ih, nangmah sawn a lo cawisang ding, man nei loin thuthang `ha a sim ding ih, a lo rian ding, zawi hrang hmanah phurrit ah a tuah aw lo ding, a lo duhdawt fawn ding a si. 1 Peter 5:2-4.

3. Thuneihnak timi cu ~uanvo tinak a si

Pathian ih thuneihnak thawi mirinum timi cu Pathian ih tuah mi tuah le `uanvo phurh hi a si. Kohhran ih `uanvo nei lo mi vaktawi thusimtu cun kohhran ah thuneihnak a nei lo. Nupi hmuhsuam hmang cun a nupi parah `uan vo a lak lo bangin cunui parah thuneihnak khal a nei ve lo. Khawpi cu kan duhdawtnak `uanvo kan lak hmaisat lo ahcun cui “Khrih ih khawpi ih thuneihnak” cu kan la thei lo ding a si.

4. Pumpekaww timi cu ziang a si?

Bible hin `ongfang dangdang a hmang, tehkhinnakah: ‘hupotasso’ ralkap `ongkam ih a tlar ih din tinak, asilole ‘hupeiko’ dungsip, `uan suak, pem pe tinak a si, ‘hupakouo’ cu ngaithla, ngaihven le thu awih tinak a si. ~ongfang thupibik cu ‘peitho’, a si ih, a tican cu thlem nah, asilole neh mi tiih Hebru 13:7 le James 3:3 ih hman mi a si.

Bible sungih Pumpekaww thu ih Zoh`him ding mi

Khrih cun lungawi zetin Pathian hnenah a pum pe aw, Johan 6:38, 4:34, 5:30, 12:49.

Huham nei Ralrawi cu hnuaidawr zetin Jesuh hnenah a pum pe aw, Matthew 8:8.

David Saul hnenah a pum pe aw, a ât hluahhlo lai hmanah, 1 Sam 24:6.

Kohhran hruaitupawl cu pakhat le pakhat an pum pe aw ih a upat aw cio, Tirhmi 15:2-6,22.

Tirhmi Paul cu kohhran hruaitupawl hnenah a pum pe aw, Tirhmi 11:1-4, 18:22.

5. Thuneitu Upat hi Ziangruangah a Harsa?

1) Minung a rak tluksiat ihsi thawkin thuneihnak hnuai ih um duh lonak cu mitin thinlung sungah a rak um.

2) Thuneih le mi kon`hawl duhnak cu minung tin hnenah a um ih, cucun a tuam neh.

3) Tuar harsa le mi hrekkhawng hmang nu le pa cun kan thin an ti na.

4) Mumal lo pa cun nu ih thuneihnak a sian ruangah zoh`him ding `ha lo in pe.

5) Thihnak asilole `henawknak ruangah ih pa sinak um lo, asilole ‘pa tampi’ cun upatnak le zahnak an tisiat.

6) Tlawnginn ah siseh, ralkap hmun ah siseh, kohhran tiang khalah siseh, dik lo takih thuneihnak asilole luar tukih thuneihnak hmanna cun thuneihnak ngaihsak lo ko in tuah.

Dik lo zawng ih thuneihnak thu ih tuah ding mi ah “ka hrangah thuneihnak cu zianghman a si lo” tiin kan ti ding a si lo. Thil `ha sawn cu na rinsan ih, na upat le na `ihzah thei mi thuneitu mipa

asilole nunau Pathian `ihzahtu hawl hi a si. A lo duhdawttu ding, le khawkulh siat din sal theitu, na rinsannak ngah sal theitu mi pakhat kha a si.

A House of Prayer for All Nations

Pray for Afghans

Operation World page 83

23,000,000 people, 41 peoples

99% Muslim, maybe 1,000 Christians

Devastated by war and invasions.

17. Duhdawtnak

Duhdawtnak timi cu thil pakhat khat tuah khi a si

Na Bible ah hihi rak siar aw

Efesa 5:21-6:9.

Hihi na byheart ding mi bungcang a si

Pakhat le pakhat nan duhdaw aw asile, himi ihsin mi hmuahhmuah in ka dungthluntu nan si ti an lo thei ding a si, a ti. **John 13.35.**

Cumi Hnuah hihi Ruat aw

Ziangtivatek duhdawtnak `ongkam saw na theihthiam bik? A taktakin mitin an bang aw lo cio!

Lehnu ih Tuah ding mi

Na theihthiam mi minung pawl hin an nupi/pasal, an rualpi, an nu le pa hnenah ziangtivatek duhdawtnak `ongkam thawn an bia ti kha na mit, na hna le thusuhnak thawn theih tum aw. An theihthiam bik mi duhdawtnak vek kha tuah aw, asilole ziangsimaw tal `ong aw!

Diploma Hnatuan Ngan aw

Nangmah hi pastor pakhat si bang awla, na mipipawl hnenah duhdawtnak `ongkam panga hi na mipipawl lakah hman taktak a si ti ziangtin ha na theihthei ding. An hnen ah ziangtivatekin ha na ‘`ong’ ding? cahmai 2 in ngan aw.

Hi Bungcang ih ~ongfang pakhat teten ruat aw

Efesa 4.26.

Nangmai duhthusam kha dungtun aw, cutin thinsau le Pathian `ihzahtu ah na cang thei ding, nangmah ah Pathian in a duhdaw tuah theinak lungawiten hmun kian aw. Hihin hmainawrnak karbak pakhat a lo thlengter ding, cucu midang thawi lungawi tlang le anmah thawi rualremnak a si ih, a tawp ahcun thuk zetih anmah duhdawt dingah na `hanglian ding a si, 2 Peter 1:6-8, The Living Bible.

1 Korin 13:1-13 ah Paul in duhdawtnak diktak cu famkim zetin a tarlang, tui ni ih kan hmuh `heu mi video sungih lungawi siamsi vek men si lo, Pathain sunlawinak hrangih duhdawtnak ih rahsuak cangvainak sawn a si.

1. Mihleice ih in Cantu Duhdawtnak a si!

Pathian hin duhdawtnak a nei asilole duhdawtnak a pe menmen a si lo, a pianphung, a mizia, le a nuntudan hmuahhmuah hi duhdawtnak hrimhrim ih khat a si. Anmah le mah le anmah thawi naibik le an ngaihven mi bik thaw lawngih duhdawtnak hi leitlun mipi lakah amai innsang vekih in umpinak ihsin le kanmah ihsi a duhdawtnak pianphung cu leiltun mipipawl hnenih phuansauh a sinak hin midang hmuahhmuah hnakih midanglam ah in canter.

Hihi Duhdawtnak asilole Zianghman lo men a si

Milai `ongle vancungmipawl `ongin `onghman ningla, duhdawtnak ka neih lo ahcun, dar awn ruri asilole darsumsel awn ruri *vek men* ka si ding. Cun thuphuan *theinak thilpek* neiin, thuthup hmuahhmuah le theihnak hmuahhmuah thei thluh hman ningla; cun tlâng `hawn thei khawpin rinnak hmuahhmuah nei hman ningla, duhdawtnak ka neih lo ahcun, zianghman lo men ka si ding. 1 Korin 13:1-2.

Zo Ha Kan Duhdawt Ding?

Pa Pathian, Fapa, le Thlarau Thianghlim.

Kanmah vekin kan innhnen pawl.

Kanmah le mah.

Kan nupi/pasal.

Kohhran ih kan u le nau.

Kan nu le pa, Efe 6:2, 1 Tim 5:4.

Kan rawngbawltupawl, 1 Thess 5:13.

Kan ram mipi, Rom 9:3, 10:1.

Mikhual. Puithiamnak 19:34; Danpeksalnak10:19.

Kan doral rori khal, Mathai 5:44.

Minung hmuahhmuah, Kal 6:10.

Hi Mipipawl Zaten Ziangtin kan Duhdawt thei ding?

Kan hnenih in pek mi Thlarau Thianghlim hmangin Pathian in a duhdawtnak cu kan thinlung sungah a burh tiin Paul in in sim ruangah kan `ul tlaksam mi bawmtu kan nei ih lungawi ding kan si. Amai duhdawtnak thaw lawngin hitivekin kan duhdawt thei ding a si, kanmahte cun kan duhdawtnak a sanbik hmanah a famkim thei dah lo ding a si. Rom 5:5.

3. Kan Zaten Pathian Duhdawt cu Kan Duh Thluh

Mark 12:30 ah Jesuh in a thupibik mi thupek cu kan Lalpa Pathian duhdawt ding hi a si tiin a ti ih, ziangtivekin timi cu hih a si.

Kan Thinlung asilole Thlarau Hmuahhmuah Thawn

Cucu kan nunnak ih bulhrampi a si.

Kan Nunnak Hmuahhmuah Thawn

Kan duhthusam le kan ruahnak a si.

Kan Ruahnak Hmuahhmuah Thawn

Kan sia le `ha theihnak le suangtuahnak a si.

Kan Cahnak Hmuahhmuah Thawn

Kan thil titheinak, cahnak le thazang a si.

4. Pathian Duhdawt timi cu Innhnenpawl Duhdawt hi a si

Thupek pahnihnak cu hitivek hi a si. “Nangmah na duhdawt awk vekin na innhnen duhdaw aw” Mark 12:31. Kanmah le mah kan zoh` hat awk le kan ngaihsak awk vekin kan innhnen khal kan ngaihven a `ul a si.

Na Innhnen timi cu Na Umnak Kiang Inn ih Um hi a si maw?

Jesuh ih hman mi `ongkam ih tican cu phunhnam le ram asilole sakhua biaknak tel loin kan umpi mi siseh, kan ton mi pohpoh kha kan innhnen an si. Luke 10.25-37 sungah Jerikho lamzin ah ziangtivatek thil a rak cang timi kha siar aw.

5. Pathian Duhdawt timi cu Mah le Mah Duhdawtaw a si

Jesuh cun in sim nan, mi` hen khat hrang ahcun nauhak vekih duhdawt mi an si dah lo tiih ruattupawl hrangah cun thil harsa zet a si. Thu ngaingai ih duhdawt mi an rak si men thei, asinan cutivekin an rak ruat lo a si thei. Nangmah le mah na ruat aw dah tuk lo asile tlun lam ihsi Pathian ih hmuh dan vekin nangmah le mah kha zoh aw sal aw. A Fapa tiang rori hman run thlah ding khawp in a Pathian in a lo duhdawt a si, cutin kumkhua in a duhdawtnak ih pawm bet na si theinak dingah.

Mal a lo sawm.

A lo hril.

A lo duhdawt.

A lo cohlang ih a fa ah a lo can.

Nan hrangah man khung ngaingai a pe zo.

A lo ngaithiam.

A zangfahnak, fimnak, theihthiamnak le theihnak, le a Thlarau tiangin a lo pe zo a si. Efesa 1:3-14. Si ee, mitling na si lo, asinan Pathian ih mithmuh ahcun mitling ropi tak na si. Pathian in cutluk a lo duhdawt ti na theihnak cun nangmah le mah duhdawt aw dingin a lo bawm ding a si. Nang cu cutluk ih mi thupi na si.

6. Kan Nupi/Pasal

Pasal cun a nupi cu a duhdawt ngeingei ding ih, nupi khal a pasal duhdawt dingih zirh ding a si. Efesa 5:25, Titus 2:4.

Ziang Duhdawtnak ‘~ongkam’ ha na Hman?

Pasal le nupi hin duhdawtnak an `ul mi hi a bang aw lo ih, duhdawtnak ‘`ongkam’ dangdangin an sang aw `heu ti na thei maw? Nupi in amai `ongkam a thei lo asile cutak fang cu a si a pasal in a duhdawt lo tiih a ruah awknak cu, thubuai cu a si lo tla a si men thei. Mipa khal cutivek thocho cu an si. Na nupi/pasal ih a theihthiam bik mi `ongkam na theih ahcun cucu hman leuhleuh aw.

Hih Duhdawtnak ‘~ongkam’ Panga an si:

Thu ngai thlak `ongkam - `ong leuhleuh mi.

Tikcu hleice - mi tam takih hngakhlap `heu mi.

Laksawng cohlang - thil ziangmaw parah nasa zetih ih `ong.

Cangvaihna - na duhdawtnak langter aw.
Taksa ih dai awk - mi`hen in an mamawh leuhleuh.

7. Unau Duhdawt

Huham nei na Bible Johan 13:35 kha siar aw, na byheart ding mi bungcang , Hebru 13:1, 1 Johan 4:7.

Satan kha Kepalna Pe Aw Hlah

Thuruah hmang mipawl hnenah duhthusam a dangdang a ra suak`heu, asinan khawsia kha tikcu`ha later aw hlah. Ni a tlak hlanah rualremnak tuah ta ringring aw, Efe 4:26. Pathian cun mualphonak tel loih thubuai le sualmawhna remh`hat thei dan in pe a si. Mathai 18:15-18 sungih rualremnak tuahna ahlin Pathian ih tumtah mi cu sual karhzai lo dingin, na unau na neh ding hi a si, na unaupe hrem lam ding kha a si lo.

A House of Prayer for All Nations

Pray for Hungary

Operation World page 268

11,000,000 Eastern Europeans

Past revivals needed again

62% RC, 25% Protestants.

18. Jesuh ih Ratsalnak

Na Bible ah hihi rak siar aw

Jeremiah 8:20; Mathai 13.

Hihi na Byheart ding mi a si

Cun vancungmi pasarihna in a hun phaw; cule, Hi leithlun ih lalrampawl cu kan Lalpa le a Khrih ih *labram* ah an cang zo; cutin amah in kumkhua ih kumkhua in a uk ding, tiin, van ah aw maksakpawl an thang, Thupuan 11:15.

Cumi Hnuah Hihi Rel aw

Leitlun ah ziangtvek tikcu hmuhsaknak ha na hmuh thei? Bible sungih a rak phuan cia mi cu thuthangah ah le aTV thuthang ah ziangtvek cekci a si ti na hmu thei maw?

Lehnu Hlanih Tuah Ding Mi

Hithu zirnak ihsin hlawnak na ngah ve maw? Na ngah asile, kohhran ah thusim dil awla, mipi hnenah a cang thei mi kha sim aw. Pumkhawm awknak thar ah sawm hai awla, a burbur in tuah aw, asilole anmahte mibur ih tuah awk dan sim hai aw.

Diploma Hnatuan Ngan aw

2 Peter 3:10-17 hi ruat `ha awla, kan Lal Jesuh ih ratnak ding a nai zia thawi pehparin “Ziangtvek minung si awm ha kan si” timi thusuhnak parah sannak pahra tuah aw.

Hi Bungcang ih ~ Ongkam hi Fang Khat teten Ruat Aw

Thupuan 22:20.

Kan Siangpahrang Jesuh cu tu ah hin diknak thawi leitlun rung uk dingih Pathian ih tikcu a hngak rero lai a si. Mitin in ziangtikah timi an thei duh. Tirhmi 1:7 sungah Jesuh in, “Pa in a thuneihnak sungih a ret mi, cui cân, lole cui tikcu cu nannih ih theih ding a si lo.” a ti, asinan a ratsalnak kan beisei theinak dingah thil tampi in pe ta a si.

1. Leitlun ah Hmuhsaknak Tampi An Um

Ahmaisabikah Siangpahrangih thupuan mi cu a famkim ding a si. Jesuh cun a ratsalnak thu ah leitlun ih umtudan thu in sim, cutivekin ‘ni neta’ ahhin tikcu tawpna hmuhsaknakpawl hi hi leitlun rori ah a si ding timi cu thupi ngaingai ih kan ruah a `ul a si. Mathai 24:3-51; Mark 13:1-37; Luke 21:5-36 hi rak zoh aw.

Ram le Ram an Do Aw Ding

Ram timi `ongfang cu ‘ethnos’ ihsi ra a si, a tican cu minung purpi tinak a si. Leitlun ralpi cu cem zo khal sehla, hnam tete do awknak a suak vivo, tehkhinnakah: Bosnia, Chechenya, Afghanistan le Rwanda tivekpawl ah.

Harsatnak a Pung Vivo Ding

Pâmnak, natsia, linghnin, le thlesia pawl hi tikcu tawpna hmuhsaktu an si.

~ihnungza le Hhmuhsaknak Ropi

harstanak a phunphun cu thli bal ruangah siseh, minung karhzai tamtuk ruangah siseh, hramlak siatsuhnak ruangah siseh, nuclear tisial pang ruangah siseh, asilole milian le mifarah karlak a tan awk tuk ruangah siseh, harsatnak cu a ra thleng ngeingei ding a si. Profet `henkhat cun Nitlaknak lam ih lennak hi Josef ih cawthau kum cemnak a si ding, Semtirnak 41:17-40, ih caw`awl pawl ih kum a thawk thlang tiin an ruat. Caw`awlpawl cun cawthaupawl cu an eiral thluh, asinan an `awl thotho, cawthau timi cun ram ih lennak hi a khiihmuh a si. Josef san lai bangin, minungpawl cu sumpai, lei ding le zuar ding ih khawlkhawm mi hrangah salah an tang thluh ding ih, Rundamtu, Josef vek kha a rat ngeingei a `ul a si.

Thlarau Lamih Thil Ropi

Jesuh hrangih leitlun rawl lakkhawm dingih Pathian Thlarau cangvaihna cu thlarau sual in rak zuam ve a tum bangin thil`ha le `ha lo `hangphawknak cun hmun a la ve a si.

Israel hi a Fiangfel mi Leitlunih Hmuhsaknak a si

Kum 1,900 hnu cun leitlun ih rak vakdarh, inn nei lo le duh mi si lo, Pathian ih khuahlan laiih a mi Judah pawl cu Profet ih rak phuan cia vek cekciin anmai ramah an kir sal, tehkhinnakah: Amos 9.8-15.

Tacik, Tawtawrawt, Natsia, le Khengkum

Thupuan bung 6 - 16 tiangah hipawl hi pasarih ciarin hmuh an si, hipawl hi leitlun ih a rung thleng lai ding mi thuhla pawl an si. Asinan na thla phang aw hlah, zoh aw! Hipawl hmuahhmuah hin hmun an la ngeingei ding. Hipawl hin thubuai zaten le leitlun pumpi ih million tel minung ih thlacamnak sang dingih Jesuh a ratsalnak ding an khiihmuh a si. Luke 21:25-26 hi rak zoh aw.

2. Lalram ah Hmuhsaknakpawl an Um

Lalram timi cu Siangpahrangih uknak ram khi a si. "Na Uknak thleng hram seh," tiin Pathian hnenah thla kan cam, tehkhinnak ah Mathai bung 13 sungih Lalram thu`himnak cun ziangtin a rung thleng ding timi in sim. Kross parih rualpi malte ruangah, tui ni ah million tel in Jesuh cu rinum zetin le lungawi zetin an Siangpahrangah an nei ngah a si.

Lalram a Ra Thleng Cing Ding

- Thlaici vawrhthu in Lalram cu hitawkah tu ah a um tiin in sim, dodal theih si khal sehla, lungtopawl, hlingpawl le vatepawl hnaki ram`ha sawn ngaingai a um a si.
- Hrampi cun Pathian ih lo ram cu leitlun hi a si ti in sim ih, sur cun thuthang`ha cun nga sia le `ha ziangtin a awk ti in sim, cutivek cun Judas cun Jesuh cu a rak thlun ve. A tawpah `hen hnih awknak a um.
- An`am ci le cawlh nu cun Pathian ih Lalram cu hitawkah a um ti in sim, asinan ruah ban lo khawp ih fatakte ih si thawk ding a si. Cawlh nu fatakte in kheng tumpi a khah thluh bangin Pathian ih Lalram cu leitlun pumpi a khat thluh ve ding a si.
- Hlawnthil le keplung cun mi pakhat in Lalram a sar ngah a si ahcun ziangtivatek khalin a co ngah ding a si ti in sim.

· Mark 4:26 sungih thlai ci `hanglian cun Pathian ih Lalram cu minung ih bawmna tel lo khalin amahte a `hanglian vivo a si ti in sim. Ni khatkhat ahcun Pathian ih favah cun rawl a khawm thluh leh ding a si.

Kohhran cu Din in a Um Zo

Jesuh cun thungai thlak zetin “Ka kohhran ka din ding a si,” tiin Mat 16:18 ah thu a tiam, Efe 5:27, hihi a si tui ni ih a tuah rero mi cu. Rundam rak si dah lo mi lak ihsin 50% leng lo cu kum 1900 hnu ah rundam an si ih, mi tam sawn cu kum 1950 hnu ah an si. Minung 70,000 in nitin Jesuh hnenah an nunnak an pe. ~hangphawknak ropi taktak pawl cun Thlanglam America, Saharan Africa, le Russia hmun`hen khat ah, China le Thlanglam Korea pawlah hmun a la.

Ram Pumpi ih Sirawknak a Thleng

An ram ih sualna hrangah mipipawl in an sir awk tikah Siangpahrangih rat salnak ding hrangah an manhlap `heu. Hihi ziangruangah saw a si? Tirhmi 3:13 ah Peter in a miphunpawl kha Jesuh an thah ruangah nasa zetin a hek hai. A taktak ahcun hihi bulpak ih an rak tuah mi a si lo, an hruaitupawl sawnih tuah mi a si. Peter cun kan ram ih sualna hi kan theih fiang ih, an aiih kan siraw in, an hrangah Pathian hnenih kan her a si ahcun, Pathian in hihi a run tuah ding, Tirhmi 3:19-20:

- Sualnakpawl cu `hawn hloh an si ding.
- Harhtharnak a rung thleng ding.
- Pathian in thil ziangkim tuah`ha sal dingah kan hnenah Jesuh a run thlah ding.
- Leitlun pumpi ih tui ni ih kohhran pawl cun hruaitu le mipipawl cun bangrepin an ram ih sualna cu an phuang ih, Pathian hnenah zangfahnak le ngaidamnak an dil a si.

Thupek Ropi cu a Thleng Rero

Mathai 24:14 ah Jesuh in ram hmuahhmuah ah hi Lalram thuthang`ha sim thluh a si lai hlan lo cu tawpna a thelng lo ding tiah a ti. Ram timi `ongfan, ‘ethnos’, hin India, Burma tivek a sim mi a si lo, phunhnam tete pehtlah aw mi pawl hi a sim sawn mi a si. Tuihlan kum 200 lai ahkhan minung a thawng teltel in thuthang`ha an rak thei hrih lo, kum 1900 hrawng hmanah mi malte lawng an rak si lai. Tui ni ah, mithiampawl in mibur 7000 hrawng an tang lai ti an thei. An hmin an thei ih, an umnak khal an thei. An zaten hnen thleng dingin tumtahnak le thlacamnak cu tuah rero a si.

2 Peter 3:10-18 cun Lalpai ratsal ni hrangah thianghlim, bawrhhlawh kai lo, sawihnom kai lo, a ratsalnak hrangih hmanhmawh, ralring, thiarhloh mi si lo ih, zangfahnak le Jesuh theihnak sungih `hanglian ding kan si thu in sim.

Ziangtin Saw Kan ‘Hmanhmawh Dan Ding’?

Thlacamnak le a ra thleng ding mi Lalram hrangih `uannak in, kan ram ih sualna phuang in, le Thupek ropi tuah `hehnak in kan hmanhmawh ding a si.

**Ram Hmuahhmuah hrangih Thlacamnak Inn
Zaire Hrangah Thlacam Uh**
Operation World page 591
Minung 42,000,000 an um ih, hnam 450 an um
Facing massive change and conflict after Mobutu
Evangelicals 21%, RC's 42%.

**Mahte Tlawng Phuan Dan
Paisa tampi hman `ul loin**

Hitawkih zir ding mi tarlang mipawl na hmuh ngah ahcun na kohhran ah mibur tete in asilole mission tiin training tlawng phuan a theihzia cu phur zetin na hmuhsuak kan beisei. Hihi ziangtik hmanih na sir awk lo ding mi thu sihcatnak a si. Ziang na tuah peh ding? Hihi sannak `henkhat an si, asinan Pathian ih thutiam cu na lamzin hmuahhmuah Amah na theihter asile na lam A lo hruai ding a si tihi cing ringring aw.
Thufim 3:5-6 rak zoh aw.

2 Timote 2:2 ih in zirh vekin training center na thawh theinak dingah lo bawm dingin kan ralring a si, ziangah tile hitivek training hin ziangtluk hmual a nei ti kan thei fiang a si. Na tumtah dan le ruahnak pek na duh mi thu ah in email thei a si.

Suh Leuhleuh ~heu mi Thusuh mi pawl

Bible Tlawnginn kan ~ul Maw?

Minung tamtak cun Bible Tlawng cu special innpi a si dingih a zim ah kross a um ding tiin an ruat `heu. Hi zirlai cabu pianhmang hin cutivek sumpai nasa zet hmang lo dingin a lo bawm ding, ziangah tile hihi cu inn ah siseh, hall ah siseh, asilole zanthing hnuaiah siseh, sumpai malte thawn na tuah thei mi a si. Ahleice in hihi Khristian hrem an sinak ram le mifarah ram hrangah a thupi hleice. Jesuh a thih ih a thawh sal ihsin kum 400 sung kha zumtupawl in biakinn siseh, Bible tlawnginn siseh an nei lo nan kohhran cu an pung`hang zutzo thocho a si.

2 Timote 2:2 vekih tidan hin hmual a nei zet

Minung pakhat in inn pakhat ah mibur fate, minung 10, hrang a zirh thei a si.

Cuiruangah minung 11 in Lalpai thu an thei tinak a si.

Minung pakhat ciar in mai inn cio ah minung 10 ciar an zirh.

Tu ah minung 111 in Lalpai thu an thei.

Minung 100 in minung 10 vivo anmai inn ah an zirh cio.

Tu ah minung 1,111 cun paisa `ul lo deuh thaw in Pathian thu an zir ngah a si.

Hihi Pungzai Training tiih kawh mi a si, tuah dan bang aw lo khal sehla, hitivek tidan hin leitlun pumpi ah hna a `uan ih a hlawhtling zet a si. Zirlai 66 khalah rak zoh aw: Duhthluntu Kohhran

Zo si ra ih ra zirtu ding?

Zirhtu-pastor na si bangin thla na cam dan ih zirin Pathian in a lo kaihruai ding, asinan miphur zet, kum upa nauta ti loin mi piangthar verver nunau le mipa, le Pathian in amah rian ding in a ko a si ti thei awtupawl kha hawl aw. Mirinum hi fimthiamnak le lennak hnakin nasa zet in a sunglawi ih, Pathian hnenah na rualpi ih rang cang ding pawl kha dil aw. Na hnenah ra in na ruahnak le na tuarnak lo `awmpitu, hna `uannak ih lo bawmtu, na kaihhruainak hnuai ih rian `uantu ding hrangah thla cam aw. Thla na cam ngah hnu ih na fiangfai lo mipawl hnenah, si hrih hlah, asilole hmai kum ah aw, tiin ti aw. Na thlarau theihpitu Pathian ih Thlarau kha rinsan aw, A tuah sual dah lo a si.

Jesuh in minung 12 lawng hi a dungthluntu dingah a hril ti cing ringring aw

Mi tampi na neih kherkher a `ul lo. A hramthawknak ah minung dik mimalte hril awla cucu a `ha tawk emem a si. Pathian thu cu thehdarh a si tikah minung tam sawn an ra lai ding ih, anmah zirh theinak le ngaihsak theinak an lo pe vivo ding, cutin neta zir ding mi hrangah na tlawngta hmaisapawl kha nangmah lo bawmtu ah na dinso thei ding a si.

Ziangtin ka Thawk Ding?

Hi zirlai bu hi famkimten zirfel ta awla na thinlung ih na theihfiang zet tiang. Jesuh le Paul in hlanlai kohhran pungzai ih an rak `hanlenter dan an lo zir vivo ding a si.

Hramthawknak tikcu can `ha hrangah thla cam aw.

Culai khalah zirlai bu hi zir rero aw.

Cutin Jesuh bangin thlacamnak nasa zet na tuah hnu ah.

Na dungthluntu ding kha hril awla sawm hai aw.

Tikcu `habik kha tonkhawm awknak ah tuah aw.

Hipawl hmuahhmuah hi ram tampi ah tuah a rak si zo ih an hlawhtling zet a si:

Kum hnih sung **Cawlhkar khat ah vawi khat.**

Asilole **cawlhkar khat ah zirlai bu 2** in kum 1 sung. Asilole **thla 2 zir, thla 2 inn ah tlung tiin.**

Na hrangah ziang a `ha bik ti kha ruat aw.

Class ziangtin ka tuah ding?

Na zirlai bu kha rak tuah cia aw. Na rak tuah cia lo asile an lo thei thluh ding!

Zir tikcu pakhat ah **nahzi pahnih in tuah aw.**

Na zirlai bu kha copy rak tuah cia aw, asilole tlawngta pawl in an ngan thei a si ahcun anmahte an rak hmonsin a `ul ding, asilole an rak ngan ngah thei lo a si ahcun na zirh mi hmonsin dingah an `uan rethei tuk ding.

Leitlun Pumpi hrnagih Thlacamnak Inn si aw. Biakkhawmnak, thang`hatnak le thlacamnak thawn thawk ringirn gaw, Sâm 100.

Biakkhawmnak le training ah zirlai bu ih bung tin ih tel mi ram aiawh ih thurelnak tikcu tuah ringring aw. Ziangtik lai khalah tlawng dangdangin thlacamnak hruai ding in le cui ram ih dinhmun sim ding in an rak timlam ding.

Cuisin **Bible bungcang byheart** ding tuah tlang ringring uh. Hihi thil `ha ngaingai a si.

Bible bungcang aw suak ih siarternak nei ringring aw.

Zirlai bu kha nanmai `ong rori in zirh awla, cutawk ih a pek mi Bible bungcang siar ngah dingin tikcu la ringrin gaw.

Cuihnu ah tlawngtapawl in an zir ngah mi kha **relkhawm** hai seh. An thurel mi ah uk tum loin kaihruainak lawng tuah dingah raling aw. Relkhawm ding mi ruahnak pek mi cu bung tin ah a um cia a si.

A taktakih tuah phut mi kha tlawngtapawl hnenah simfel aw. Himi zirnak ih Graduation cu thiamnak asilole zirh mi cinken theinak ruangah a si lo, hlawhtlinnak ruang sawn ah a si.

A taktak ih tuah phut mi kha tlawngta in a tuah ngah lai hlan lo cu, zirlai bu dang zir peh siang aw hlah, dam lonak ruangih tlawlh an si lo ahcun. Tlawngta pohpoh in an tuah mi, ni thla, `uansuak mi ih rah, ngan khum ter awla, cawlh kar tin cupawl na hmuh tikah nangmah in a hram thawk ringrin gaw.

Pathian thu ih hlawnthilpawl cu kharkhum an si men lonak dingah **hlanawknak** cu inn ah tuahter ringring ding a si.

Diploma ngah duhtu tlawngtapawl hrangah inn ih an rak ngan ding mi phut mi sim fiang ringring aw. Cui an ngan mi ah hmainsinnak na tuah ngah hnu ah lehnu ih hman dingah himten le feltei ret a si theinak dingah.

Cu hmuahhmuah tlunah **Lalpa ah lungawi uh**, pakhat le pakhat nan umtlangnak ah lungawi uhla, Pathian thu zirnak ah lungawi uh. Tilutuk le luar lutuk in um aw hlah. Hni phahphah in rualpi bangin ei le in tlang uh.

5. Tlawngta in ziangtluk hrang a pek a `ul?

Hi zirnak hi a lakin nan hnenah a ra thleng, Jesuh in, “A lak ih nan ngah mi cu a lakin pe uh,” a ti. Mathai 10:8. Si ee, tlawngtapawl cun anmai cahnah man le thildang hman mi hrangah pe hai seh, asinan Pathian Thu cu zuar aw hlah.

6. Hitivek training hi a `hahnem taktak ding maw?

1983 kum ah, Miguel Diez le a nupi cu thla an cam ih, anmai piannak khua Spain ramah lamzin parah mipipawl thuzirh an thawk. Rit theih hmangtu, taksa zuar le sualnak a phunphun tuahtu mi tampi cu rundam in an um ih, Miguel cun hitivek thothoin Dungthluntu sinak, Evangelism, Pathian Riandan, le Lalram ih umdan cu a zirh hai. Dungthluntu tharpawl cun sumpai ngah dingin hna an `uan ih an rak keng, sun le zan in thuthang`ha an phuang.

Tui ni ah Spanish kohhran tam tak cun member 50 hrawng lawng an neih laiah, Miguel cun 36,000 leng lo member a nei, missions ram 56 thawn. India ih John Joseph khal in a minopawl in hi zirlai bu hi khawte le hmun hla ih an ken suak tikah hitivek rah a hmu thawk ve a si.

Hihin ziangtin hna a `uan? Kum 1999 cinin minung 20,000,000 hrawngin hi website an siar tikah, leiltun hmun tamtak ah tlawng tampi a suak zo a si. An thu le hla cu tampi a si. Hihin hna `uan thei taktak, na hrang khalah a `uan ngeingei ding a si.

7. Ziangtivekin saw Mi Ka Zirh Ding?

Thil harsa zet cu mi hmaiah nazah pakhat sung dinih thusim hi a si

Zirlai bu sung ihta lawng mi pakhat in a thei asile malte lawng a hmainsin thei ding, 25% hrawng lawng a si men thei, cuhnakih mal khal a si thei. Asinan mi in an theih cak zawng zet thawn an rak

ngaithla a si ahcun 50% asilole cuhnakih tam sawn an cingkeng thei a si. Cu mi pakhat in amah rori ih tuahnak thawi a zir asile a zate deuh thaw in a cingkeng thei a si, a theih hngilh dah lo ding.

Himi ah na ruahnak pe aw!

Minung hin a tlangpi thu in minute 20 a rei hnu cun an ngaithlaknak a cem `heu, cuiruangah cawhlawknak tuah ta ringring aw. Pakhat le pakhat an zir ngah mi sim awter hai aw. An ngai thlak thei salnak dingah dingin thlacamer, dawk aw ter, le vakkualter aw. Thupol thiam hi a thupi zet.

Tikcu nuam takin hmang tlang uh

Zirhnak tikcu pakhat `heh tinten cawlder awla, `ongkhawmnak, khofee in, asilole lakphak in tivekin can hmang aw. Ca nan zir lai khalah thil ei `ha tete pe hai aw. Cutin rualpi ah na tuah ngah mai hai ding.

Zirh dan dangdang hmang aw

Thinhenak tivek hi hngilh theih lo mi a si. Tlawngtapawl kha a tam theitawp in cangvaiternak ah telter aw. Tlawngtapawl cun thuanthu cawnnak, hla saknak, asilole na zirh ih a tican lang koin tuahter `heu aw. Blackboard hmang awla, tumtah mi zuk, zuklem, le thil dangdang zuklem suahter aw. Na zirh mi theihthiam thei dingin zuk suai aw. Na ti thei asile Kheset, video, zuk piahnak asilole film thawn awnmawi hmang aw. Tlawngtapawl kha a burburte in asilole thu elawk ding thupi neiter aw.

Cu hmuahhmuah tlunah 2 Timote 2:2 ih in zirh mi vekin tuahter awla, na hnen ih si a zir zotupawl kha fehter in a dang mibur hnenah va zirhter aw, cui mibur cu midang hnenah va feh sawnin va zirh dingah sim hai aw. Hitivek hin Pathian thu cu kau zetin thehdarh a si dingih huham thawn a `hanglian ding a si.

Zo Ha Ka Si?

Dear Tlawngta le Siartu,

Kohhran ah dinhmun nei mi ka si lo ih, sinak le lakkha nei mi khal ka si lo. Kan ram ih kan khawm `heunak khawte biakinn ah a cangcang ah Jesuh ih thu ka sim `heu, asinan ka rualpipawl, le tlawngta hmaisapawl cun minung thawng telin `uanvo an la ih, leitlun ram tam takah an zate deuh thaw in an dinhmun cu mifarah hliir an si.

Ni tlaknak lamih suak ka si ih tu khalah nitlaknak lamah ka um, asinan hihi Pathian ih thil ti soal mi cu a si lo k a beisei, thil pakhat te hman a tuah soal dah lo. Ka sungkua hi cawlhkar hnih hnakih rei cu cu duh zet hman ningna ka tanta hai dah lo, cuticingin ka tikcu hmuahhmuah hi Latin America, Africa, India asilole zohman an feh duh lonak hmun ah feh in rawngbawl hi ka duh ringring. Internet, telephone, fax le mail khalin a cang thei mi hmuahhmuah in.

Tuihlan rei zet ahcun, kei cu sum dawng ka rak si ih inn tumpi le maw`aw tumpi thawn ka um, asinan tu ih ka rualpi thupibikpawl, ka nunnak hrangih ka rinsan mipawl, cu leitlun ih theih hngilh mi minungpawl lak ihsin an si. Tui hlanpi ahcun zu ka rak in nasa zet, midang hi ka rak

tawrel se thei zet, thilsual tam zet ka rak buah ih, zianghmanah ka rak rel lo. Cutin kum 1977 ah Jesuh in i tong; anih in i rundam, i tidamk, thisual siar cawk lo lak ihsin i luatter, a Thlarau in i tikhat ih a rawngbawl dingah i ko. Pathian ih zangfahnak liolio, le ka innsang ih bawmnak, le kohhran dangdang ihsi mibur malte ih bawmnak ihsin, hi kum sawmli le kum nga sung ka buah a si. Na duh asile thuhla tamsawn cu hitawk ihsin na hmu suak thei ding:

<http://www.dci.org.uk/main/findout.htm>

Himi cabu sungih zirlai pawl hi keimah rori ih ngan mi an si. Ka hrangah mawlsawmnak tumpi an si ih, na hrang khalah a si ve ka beisei. A sual pang a um asile keimah mawh liolio a si ding; in ngaithiam uh, zir rero lai mi ka si ih, remh` hat si ka duh ringring.

Ka nupi le ka fatepawl thawn thlacamnak in cibai kan lo buk, kan lo dil duh mi cu kan hrang khalah thla in cam sak ve uh, tihi a si.

Zo ha ka si? nangmai ta ka si, Jesuh i ruangah,

SUH LEUHLEUH MI THUPAWL

TLAWNGTAPAWL, ZIRLAI HOTUPAWL, LE PASTORPAWL HRANG KUTKEN BUTE

Mission zirlai tlawng hrang.

Theih mi thusuhnak pohpoh le kan sannakpawl

The DCI School of Mission Network

© 1985-2007 The DCI Foundation England

In association with churches and denominations worldwide

A sung thupawl

Post Cakuatnak ihsin Ziangtin Tlawngta Sinak Na Lut Asilole Na Thawk ih, Sumpai Thun in Zirlai Bu Na Ngah?

Diploma Na Ngah Thei Maw? Asilole Na Pe Thei Maw?

Pastorpawl, Hotupawl, le Kaihruaitupawl Hrang

Mission Tlawng hin Ziangtivekin a ~habik in Hna a ~uan Thei?

Nangmahte Tlawng Ziangtin Na Ong?

Tuah Mi Dangdang/ PC Thusuhnak, Zo Ha Kan Si, tvk

1. Tlawngta le bulpak teten inn ih zir ding dan

Ziangtin ka thawk ding? Hi zirlai hi ziangtluk a man a khung?

Zianghman pek a `ul lo. A lak a si, It is free, sumpai le thil pakhat khat a `ul lo. A lak rori a si. Mission tlawng zirlai bu le na thawk theinak dingih kan lo bawmnak tikcu can hi a lak liolio a si. Kanmai ta a si lo mi, hitivek zirnak cekci hi UK ahcun a si lo bikah £2,500 / \$4,000 hleiah riahnak le rawl man a bang aw thotho, cuiruangah hi a lak ih thilpek hi ziangtluk mankhung mi a si ti na thei ding. Leitlun ih DCI Khristian pohpoh cun hi thuzirnak hrangah ih pe dingih paisa, credit card number, cheques asilole fee an lo dil dah lo ding. An lo dil asile, DCI Leitlun Khristian timi ih minung an si lo a si ding, hi zirlai thilri hrangah zianghman na pek a `ul hrimhrim lo.

Post ihsin zirlai bu in kuat thei maw?

Hihi kan tuah thei lo ih kan lung a se zet, zianghatile printing le a thawng telin a tawmtawm ih post ih kuat man khung tuk thawn a lakin hihi kan tuah thei lo mi a si. Hi zirlai bu hmuahhmuah hi minute 10 sungah na la khawm thluh thei ih cucu na `ul dan ih zirin print suak mai aw.

Correspondence in hi zirnak hi ka tuah thei maw?

Leiltun pumpi ihsin a thawng teltelin zirlaipawl cu ziangtilam hmanin kan tuah neh thei lo a si. Kan lo sannak cu nangmai umnak hmunih kaihruaitu hawl sawn hi a si, a si hnuaiah zoh aw.

Tlawngih ka luh ve a `ul maw?

A `ul lo lawlaw. Tlawng luhnak application form khal a um lo, kan lo bawm ding ruangah kan tlawngta vekin kan lo cohlang ding. Hipawl hi England ram ih Mission tlawng ih zirlaipawl an si. Zirlaibupawl hi kum upa siseh, nunau/mipa siseh, farah le milian siseh, upa le nauhak siseh,

miphun zaten, phunhnam pohpoh le ziangvek dinhmun khal siseh an zate hrangah a lak a si. Hi zirlai bu hi leiltun ih kohhran za tel ah zirh rero zo mi an si.

Zirlai bung khat tinten ziang ha ka buah hmaisabik ding?

Tuah din gmipawl buah ngah an si hnuhnu cun khui mi bik na hril ding timi hi a thupi lo. Cahmai tinte ih thuhlapawl hi a tumtah mi na hawl ih na hmuhsuaknak ding hrangah an si. Zirlai bu hi Bible siar le relkhawm dingin kan uar. Catlang ngan ding tawite kan lo buah sak ih, na zir mi kha a taktak ih hmang suak thei dingah thil pakhat khat buah kan lo ngen.

Zirlai bungcang tin na hrangih a `habik na tidan in zir aw, asinan ruahnak ka lo pe duh ih cucu tisin hnik aw:

1. Bible na siar mi le cumi thawi a pehtlaih aw mi hawl.
2. A taktak ih zir.
3. Bible bungcang zoh lo ih siar zuam.
4. Pek mi bungcang kha thuk zet ih ngaihtuah.
5. Cangan lam ihsin hna`uan.
6. A taktak ih buah ding mi project neih.
7. Thu rel khawm.
8. Vawi hnih thlacam ding kha theih hngilh aw hlah, a thawknak le a cemnak ah.

Hi zirlai bu hi nangmahte na zir a si ahcun, thil `ha zet a si ih, ‘...hi relkawm uh’ tivek hi a taktak ih mibur ih relkhawm ding mi a si. Na innsang asilole na rualpipawl hi na hmuhsuak mi ngaithlak an rak duh zet tla a si thei a si. Thil ziangkim kha thawk le khat ih na buah thluh kher a `ul lo, mi`hen cun zarh khat sung tivekah an zirlai hi an `heh mai `heu.

Hi zirlai program ih `hen khatte lawng ka zir thei maw?

Na zir thei, nangmah le nangmah a tam theibik, asilole a mal thei bikin na duhdan in zir dingin timlam aw mai aw. Zirlai bu zate thu ah khui mi pohpoh khal na zir asile kan pawisa lo. Na duh asile a hmaisabik ihsin na thawk thei ih, asilole na paihna nak ihsin na thawk thei.

Tuah dingih fial mi le ngan dingih phut mi hi ka buah ngeingei a `ul maw?

Na buah ngeingei a `ul cuan glo, asinan na buah asile hlawknak ziangmaw cin cu na ngah ding. Mi`hen cun a thupitbiknak lawng hi anmahte hlanawknak hrangah an buah. Thu`hen khat ahcun mi`hen cun Mirang `ongin `haten an ngan ngah thei lo, culawng si loin, ram `hen khat ahcun zirlai bu ih a phut mi an buah taktak tikah thawnginn ah an thleng `heu. Cutivek thil thlen cu kan duh lo zet.

A taktak ih buah ding mi project thu ah na Pastor kha sim awla, zirlai bung khat ah nahzi pahnih in cumi kohhran cangvaihna ih lo hmang dingin dil aw. Certificate ngah dingih na zir a si ahcun buah ding mi hmuahhmuah kha na buah thluh a `ul a si. Hihi kan tlawng ahcun cohlan tlak ringring a si.

Cabu lei ka `ul maw, a man teh ziangzat ha a si ding?

Na `ul mi cabu umsun cu nangmai `ong ih ngan mi Bible lawng hi a si.

Hi Zirlai bu `heh dingin ziang can tiang a rei ding?

Zirlai zaten, tuah dingih phut mi hmuahhmuah hi a rei bikah kum hnih sungih `heh ding a si, cucu rei mawitawk tak a si. Mi `hen cu zirlai bung khat hi cawlhkar khat sungah an tuah thluh ih, cimi sungih tuah ding mi hmuahhmuah an tuah thluh. Mi `hen cun zirlai bung khat hi ni thum lole ni li sung an zir. Zirlai bung khat hi ni khat ih `heh ding cu thil `ul lo le hlawknak daih rei lo mi a si. Nangmah le nangmah tikcu can pe aw in, Bible siar ding mi pawl kha na ruahnak ah thun lut in na thinlung le na thlarau ah hram bun hai seh, cuihleiah tuah dingih phut mi na tuahnak tikcu khal na `ul lai a si. Zirnak nawt awk ciamam hi hlawknak a um lo ih, manhlapnak cun dungthluntu a lo siter lo ding.

Diploma ka ngah thei maw?

England ihsin ka hrangah diploma in suahsak ding maw?

Kan tuah thei lo a si, a thawk ahcun hihi rak tuah kan tum, asinan a rei hlanah leiltun pumpi ih mi a thawngtel tuahfel ding kha cu kan ti thei lo ti kan thei aw fiang sal. Nangmai umnak ah diploma ziangtin na ngah ding asilole ziangtiuh tuah ding ti kan lo sim ding. A hnuai ih diploma section kha rak zoh aw.

Diploma ziangtin ka ngah thei ding?

Hihi thil harsa a si lo. Tehkhinnakah, kohhran, missions le Bible tlawng, hi zirlai hmangtupawl in anmahte an tlawngta hlawhtling pawl hrangah diploma an tuah a si. Anmai umnak kiangkap ih kohhran ah siseh, thuneitupawl hnenah siseh, hna`uan neitupawl hnenah siseh, hipawl hi cohlan tlak ngaingai an si, ziangahatile felfaiten an zingzawi thei a si.

PAKHATNAK: Hi zirlai bu hi a bungcang tinten na zir ih zilai pakhat cem tinten exam tuah in diploma lak na duh asile, na zir thawk hlan ihsin na pastor asilole kohhran/mission/tlawng hruaitu kha nangmah lo zirh dingin na dil ih, amai kaihhruainak hnuai ih tluangtei na zir `heh tikah diploma a lo pek duh le duh lo kha sut cia ding na si. Hruaitu le rawngbawltu tam sawn cu Pathian thu theih duh in rilrawng mi member ton ih bawm ding hi cu an duh thei zet a si. Kohhran le Bible Tlawng pawl cun hi zirlai bu hi ziang a si ti an theih ngah hnu ahcun an zirh ve `heu a si.

PAHNIHNAK: Na ngan mi lo siar sak ih lo hmnsin saktu, a taktak ih na va tuah mi na report lo ngaithlatu, thu le hla nangmah thawi lo rel tlangpi ih na tuah mi kilkhawitu ding kaihruaitu diktak na hawl hmuh a `ul. Anih in pastor asilole hruaitui hnenah na thuhla a lo thlen bet ding a si.

PATHUMNAK: Na thuzir na `heh ngah tikah, na kohhran asilole mission hruaitu in na kaihruaitui ngankhum mi ihsin na hna`uan mi cu a lo zohfel sal ding a si. Cutin na hna`uan cu a pitling asile kohhran asilole pawlkom in Sunday service asilole mibur zirkhawmnak hminin diploma an lo tuahsak ding a si. Kohhran le Bible Tawng pawl hin an tlawngtapawl hrangah special Graduation Ceremony an nei `heu a si.

Zovek ha ka kaihruaitu si thei?

Na kaihruaitu si thei ding pawl cu, tehkhinnakah, pastor, elder, assistant pastor, missionary, kohhran lole mission hruaitu, nu le pa, kohhran a bur tete ih zirrhawmnak hotu le pinsin zo mi kohhran hruaitu pohpoh, Bible thei ih thu rel khawm le thlacamnak thawi tlawngta tikcu hmanpi theitu ding pohpoh an si thei a si. Kaihruaitu pakhat in minung 6, cuhnakih tam lole mal a kaihruai thei tiin kan ruat. A hnuai ihta hi kaihruaitu thu ah rak zoh aw.

Rualpi malte cu thu zir tlang dingin sawm in, kohhran hruaitu cu nan thuzirnak lo lungkimpitu na hmuh ih, a lo kaihruaitu ding mitling na hmu ngah asile, Mission tlawng thar na nei thei cu a si mai ih, nangmahte diploma na tuah thei a si. Hithu ah a hnuaiih ruahnak pek mi hi rak zoh aw.

2. PASTOR, HRUAITU LE KAIHRUAITU PAWL AHLEICE IN MISSION TLAWNG HRUAITUPAWL HRANG

Thusuhnak: Mission tlawng hin ziangtivekin ha hna a `uan `hat thei bik?

Sannak: EAPTC timi tidan in Nairobi khua, Kenya ram

Korean missionary Paul Lee cun Nairobi khawpi ah tuihlan kum ziang maw zat ah anmai hnam thawi mil aw in Bible tlawng a rak tuah, cucu a `ha zet nan, kohhran ram laknak le phunhnam dangdang thawi pehtlaih awk vivo nak lamah beisei mi hnakin a hlawhtling lo.

Tuihlan kum nga rei hrawng ahkhan Paul Lee cun DCI ih Mission tlawng a tidan la tahratin a Bible tlawng cu a thleng ih, cumi ihsin graduate tlawngtapawl cun kohhran thar 60 le mission tlawng cu Kenya ram ah an din, cuisin Uganda ram le Burkina Faso, Malawi le Sudan ah 40 lai an din ngah thei. Malawi Mission tlawng cun a graduation hmaisabik a tuah ngah fang lawng a si lai ih, tlawngta pakhat cun Botswana ah training tlawng a awng thawk a si.

Paul Lee ih tumtah mi cu kohhran le mission tlawng cu Africa le leitlun pumpi ah 10,000 tiang on thei ding hi a si. Tu khalah a tuah `ha zet lai a si.

Hih EAPTC timi Mission tlawng cun Nairobi khua ih a `uan suak dan cu a si:

1. Neta zir ding hrangah dilnak cahnah tuah a si.
2. Zir lai bu pakhat ah minung 15 ih hril a si.
3. Mission tlawng ca zirdan hi hmun remcang pohpoh ah part time in nitin thla ruk sung on a si ih, thilri mankhung zianghman a `ul lo. Tumtah bik mi cu Pathian thu thei hrih lo mi ram le mipun hnenih feh ih thu zirh, le beisei mi cu tlawngta tamtak cu hmin tinah feh in mission tlawng va thawk hai sehla, cumi kiangkap ah kohhran va dinin, asilole asi lo bikah anmai kohhran ah ra kirin Pathian thu an zir mi thawn an pastor hnenah `haten rawngbawl thei ding hi a si.
4. Graduation. Buah latu pohpoh kha hmun dangih training na tuah ve dingih fial an si. A taktak in tlawng kha saya ah an va cang mai a si. Tlawng ih zir ding mi pawl kha copy tuah ih cucu paisa man nei ih leiter an si. Hih `hansohnak a si.

5. Buah latupawl anmai kohhran ah an ra tlung. Mai kohhran cio kha buah latupawl cu mai ram sungah simaw, ram dangah simaw, Mission tlawng va buah ve dingih thlahtu kohhranpi ah a ra cang.

Tuah dan cu hitin a si. . .

1. A lakih kai theih Mission Tlawng thar cu hmurka ih than a si.
2. Diltu an rat tikah tlawngta rak hril a si.
3. Cui tlawng thar cun a cazir kum kha thla 6 ihsin thla 24 tiang buah a si.

Buah latu cu director/zirhtu/pastor ah a ra cang. Training a lakih buah mi cun thlacamnak, zum lotu hnenih feh ih thusimnak, biakkhawmnak le pawlkomnak a run hring suak ngeingei ding ih cucu a rak bawmtu kohhran thawi pehzawmter ding a si.

Graduation Ni. Buah latupawl kha hmun dangih training va buah ve dingih thupek an si.

Tlawngta `hen khat cu a feh ih zirhtu le pastor bawmtu ah an va cang taktak.

“Hitihin Lalpai thu cu phuan darh in a um ih huham thawn a `hanglian `heu a si” (Tirhmi 19:20) hihi England ramih 1987 ihsi rak hmuh thawk mi Mission Tlawng ih bulhrampi a si.

6. Kenya ram ih Nairobi khawpi ih Mission Tlawng ih EAPTC cun zirlai bu dang a nei. . . a pakhatnak rak zoh aw.

Evangelical Alliance for Preacher Training and Commission
c/o GMK, P.O. Box 3774, Nairobi 00506, Kenya. Internet: www.eaptc.org

Dr. Les Norman, Mission Tlawng sdintu ih network ihsin:

Mission tlawng ih hotu na si le, asilole buah tuawk na tum lole network na pehtlaih tum asile, Kenya tidan hi na lak ih na cawn ding ka lo fawrh duh, ziangah tile a rahsuak hi an `ha ngaingai ih, keimah rori in ka hmu ngah a si.

Mission tlawng hi ziangtin ka phuan thei ding?

Nan zirlaibupawl hmangin Training Tlawng thar ka buah thei maw?

Na thusuh mi pahnih in ka lo bawm thei. Zirnak lam le ruahnak pek ding lam hmuahhmuah cu man pek `ul loih kan lo bawm thei sun a si. Kan theitawkin kan lo bawm ding.

Lungkim tlak diploma cu ziangtin ka buah thei ding?

Hihi Bible Tlawng, Mission, le Kohhran hruaitu pawl, tlawngta asilole a kaihrhaitu in an zir ding mi zirlai course lungkimpitu dingih an naih niam mi, an `heh tikih exam an neih ngah hnu ah cui kohhran, mission, tlawng asilole pawlkom in diploma buah sak dingih an beisei mi cu a si.

An Zirlai mi an `heh tikah a hlawhtling mi tlawngta cun Diploma asilole Certificate ngah ding cu thil um dan hrilmhrim le beisei mi a si. Hruaitu `henkhat tla cun zirlai pakhat an `heh tinten lungkimpinak leh hnemnak hrangah temporary laksawng pek an duh ringring. Certificate diktak

cun tlawngtapawl kha tuartheinak le taimaknak a pe ih, hna`uan hotu, kohhran hruaitu, le sang sawn ih fimthiam zirnak college pawl hnenih bulpak thuhla (CV) hrangah thil `hahnem ngaingai a si.

Zumtlak Certificate si ding cun dik zetih suah mi a si a `ul. Hitawkih thu pawl hin hruaitupawl cu an tlawngtapawl mitling ih tuah thei ding a bawm ngah ding a si.

Tlawngta cu thil pahnih thawn langter ding a si:

Certificate.

Transcript, hihi hrilhfiah le cohlan tlak ih zohfel mi a si.

Certificate

Na certificate pawl kha internet ah tarlang aw hlah, mi hlothlau pawl in an rak print dingih lamzin kap ah an rak zuar men ding a si. Hitivek hin certificate diktak a sinak kha mumal lo takah a canter thei a si.

Nangmai certificate tuah mai cu thil awlaite a si. Na computer ah Microsoft Word, Microsoft Publisher, Corel, Serif tivek pawlah a tlangtluan ceimawi cia mi cahmai remh cia mi an um ih cucu na hmang thei a si. ~ongfang kha nangmah in bet mai awla, na duh dandan in tuah aw, cuisin na tlawngtapawl ih hmin na ngan ding ih print mai aw, a cang thei asile colour thawn print awla a `ha. Certificate hi hnawk celcel le mankhung zetih tuah a `ul cuang lo. Tuah cia mi blank certificate pawl kha cahnah lam zuarnak dawrah leitlun khawpi khuitawk khalah na lei thei mai a si.

Na duh a si ahcun award na pek mi kha Bible ca zirnak ih Certificate lole Diploma ah na tuah thei. Cui cahnah parah hitin ngan mai aw, thulu nei in, England, The DCI World Christians Network hrangih Dr. L H Norman ih timlam mi zirleibu cu <ni thla> insin <ni thla> tiang <na thlawngta hmin> in tluangten a `heh ngah ih, zirleibu exam cu (`hatzetin, lole honours) thawn a ong.

Cui Certificate cu minung pahnih in lethmat an `hu dingih, ni thla ngan in, tacik cu cahnah hmailam le dunglam ah an cuk ding, cui cahmai ah patzai sen asilole plas`ik tacikte na tuah thei ahcun a `ha sinsin. Cui certificate cu cahnah khoh ih kilh bet, asilole plastic ih tuam, asilole thil pakhat khat ih tuam in ret thianghlim thei sehla.

Mark Cazin (Transcript)

Hihi Certificate tifamkimtu a si ih, cahnah parah khawl thawn ngan in, cahmai tinah tacik cuk sehla, pastor asilole tlawng Sayakyi in lethmat `hu seh. Himi hnakhil thasam takih tuah mi pohpoh cu leh hnu ih a cikfeltu in an ringhlel ding a si. Cui cahnah tuah mi pakhat deuh tu cu Tlawng ih kilkhawi ding a si.

Cui mark cazin ahcun hipawl hi an tel ding:

1. Tlawngta ih hmin pumpi, umnak address, passport asilole hmatpung` in number le suah ni.

2. Tlawngta ih passport-size zuk, cahmai parah ben in, cahnah zum ah tacik cuk.
3. Zirlaibu ih thulu hmin le zir ni.
4. Zirnak hmun, le zirhtu asilole tlawng sayakyi ih hmin.
5. Tlawngta kaihruaitu saya ih umnak address kimcang.
6. A zir mi hmuahhmuah ih hmin. A hnuaiih tuah cia mi khi rak zoh aw.
7. Ca ngan fial mi tam le mal le a ngah mi mark.
8. Practical tuahter mi a tuah ngah mi tam le mal.
9. Exam tuah ni le a phi suah ni.
10. Zirlai bu timlamtu Dr. Les Norman, Th.D, M.Ph, DCI World Christians, PO Box 5091, Nottingham NG25 0DH, England.
11. Ca thiam le thiam lo zohfelnak.

Hihi College asilole Sangsawn Fimthiamnak asilole University in anmai tlawng ih an zirh mi sungah an tlawngih kai pehnak hrangih an cohlan le hlan lo ding an thusihcatnak ding a si. Tlawngta pohpoh hnenah hi Certificate asilole lenglam hmun khatkhat ih tlawng ihta hi University asilole College pakhat khat in automatic in an rak cohlang ding a si tiin amkhannak pek lo ding hi theih hngilh lo ding a si. Ziangkhal si aw sehla, college tam tak cun hi zirlai bu ih an rak cohlang ko ding, ahleicein mark cazin neitupawl hi.

“Dr. Les Norman, Th.D, M.Ph, UK ih DCI World Christians, ih a pawmpi dan cu Zirlai bu zir `hehnak hmun, le class room ngaingai ih zir in, le zir tikcu pawl cu a hnuailam vekin a si ding:

- 1.5 classroom ah zirlai bu 85 asilole zirlai bu tin cazir tikcu = 127.5 nahzi.
- Ca ngan fial mi 85, pakhat ah nahzi 3 ciar = 255 nahzi.
- Practical tuah fial mi 85, nahzi 2 ciar =170 nahzi.
- Classroom le inn ih tuah fial mi nahzi zaten = 552 nahzi.
- Nahzi 552 cu 34 credit nahzi thawn a bang aw.

Cuiruangah hi Certificate hi Bible zirnak fimthiamnak zohfelnak ah 34 semester credits nahzi tluk ih ruat a si.”

A netabik cu Bible Tlawng, Mission, le Kohhran hruaitu pawl, tlawngta asilole a kaihruaitu in an zir ding mi zirlai course lungkimpitu dingih an naih niam mi, an `heh tikih exam an neih ngah hnu ah cui kohhran, mission, tlawng asilole pawlkom in diploma tuah sak dingih an beisei mi cu a si.

Dr Les Norman hnenah ruahnak `ha le thil dangdang hrangah ca ngan aw: support@dcj.org.uk

Diploma hin fimthiamnak (academic) credit a nei maw?

Phunsang tlawng tamtak in lenglam ih certificate hi an rak cohlang mai ding tiih amkham awk cu thil cang thei lo a si, asinan College le university tamtakin na certificate kha cohlang dingih an lo ruah sak ko ding. Tehkhinnakah, hi zirlai bu ih si na ngah mi certificate cu USA ih New Covenant International University cun sang sawn fimthiamnak na zir pehnak hrangah an lo cohlan sak ko ding. NCIU cun Mirang `ong ih pehtlaihna website le e-mail a nei www.newcovenant.edu

Degree ngah pawl hi pastor ah an cang hngal maw?

Pastor timi cu Pathian ih thilpek pakhat a si ih, hihi minung ih pek mi sinak pakhat men a si lo.

Na tlawngtapawl in ca ngan ding le practical project na tuahter mi, le exam pawl an tuah ngah maw? Tlawngtapawl cun thu an ruat ih, thla camin, ca an ngan ih, Jesuh ih tuah mi an tuah a `ul a si. Zirlai bu an zir men ruangah pastor sinak pe aw hlah. Jesuh ih tuah mi an tuahnak ihsin kohhran hnen ihsin lungkimpinak ngah sawn hai seh.

UK ihsin Diploma kan ngah thei maw?

Mission tlawng pohpoh hin anmahte diploma cu anmai `ong in ngan hai sehla, hruaitu pakhat khat in lethmat `hu seh, cutin lehnno ah cui diploma thu ah rinhlelnak a um tikah cui lethmat `hutu an suh theinak dingah. Khawte ih pastor in UK ih diploma a kut ah a nei timi cu zohman in cahnah diktak a si tiin an zum lo ding, cuiruangah tual sung hruaitu ih lethmat kha a thupi zet a si.

Tlawngtapawl hin kaihhruai le kilkhawi ringring an `ul maw?

Aw, a `ul - na kohhran asilole Bible Tlawng in zirlai bu an `heh tikah cohlan tlak diploma pek a duh a si ahcun. Lehnnu ah cui tlawngta ih thuhla an zingzawi theinak dingah a thuhla kha `haten na record a `ul a si, tehkhinnakah, hna`uan petu, asilole University admission office ihsin.

A `ul lo, - tlawngtapawl cun kohhran ih cawlkar tin Bible zirkhawm vekih, anmai `hanlennak hrang men ih an zir a si ahcun a `ul lo.

Kaihhruaitu tlamtling kan kohhran in kan neih lo tikah ziangtin?

Aw, kohhran dang hnen ihsin bawm dil dingih na ruah a `ha lo maw, kohhran danglam pipi a va si hmanah. Kohhran dang thawi hna`uan tlang hi thil `ha zet a si ih, thufim ih a sim bangin thir le thir rawt hriam aw vek a si. Hna`uan cawl zo, pastor pinsin, le missionary pinsin pawl hi mi bawm paih zet minung an si `heu.

Kan tlawng asilole kohhran in amahte ziangtin saw cohlan tlak certificate a tuah thei ding?

Tlawng asilole Kohhran hruaitu na si ahcun cohlan tlak certificate tuahdan timi cahmai kha `haten rak zoh sal aw.

Ka tlawng thar hi DCI tlawng tiin ka ko thei maw?

Na rinsan awknak parah lungawi a um zet, asinan `ayawin a si theinak dingah nangmai `ong a si mi nangmahte hmin kawh mi thawn a `ha sawn deldel a si. Thuneihnak le siannak peknak um loin himi network na hmang a si ahcun thuneitupawl hnen ihsin thubuai le thil `ul lo buainak na tong sawn pang ding. England ram ih DCI bawmnakin an cabupawl hmangin hi zirnak hi na tuah timi cu a pawl lo.

Ahleicein Zirhtu le Kaihruaitu pawl hrang

Kaihruaitu in ziang a tuah a `ul?

Kaihruaitu cun tlawngtapawl ih tuah mi le ngan mi cu a siar ih a hmingsin a `ul, a hleicein tlawngta thawn phur zetih a um ringring a `ul a si.

Kaihruaitu cun zir lai bu a cem tinten pastor asilole hotu hnenah a report a `ul, cuiruangah a hnuailam veki an ngan khum ringring a `ul:

(1) Tlawngta ih a `heh ngah mi subject cu a ni thla thawn, hi tlawngta hin himi subject a `heh ngah a si ti lungkimpinak lethmat `hut mi cu a ret `ha ding.

(2) Himi cazirnak ih tel ve tlawngta ca ngan fial mi a ngan ngah mi cu a ni thla le cui a ngan mi fakselnak thawn a ngan khum ding. Tlawngta cun a ca ngan mi cu lehnhu ih a hai leh pangah `haten a ret ding a si.

Hitin zohfel ding a si:

Hi zir laibu hi leiltun pumpi ah, Mirang `ong cu an second lole third `ong ih hmangin an hman mi a si ruangah, zohfel dan cu awlsam zawngten kan tuah. Hitivek cekcin exam hrangah hman theih a si.

A = 80% -100% Cathiam ngaingai mi, mi tampi pek dah lem lo mi a si. Kaihruaitu hin A asilole A+ cu a hleihluat ih ca thiam ngaingai pawl lawng pek ding a si, cutilocun hmat `hat ngaingai pek awk hin san a nei lo ding a si.

B = 70% - 79% Thiam mawitawak tak, zir mi felfai zetih theithiamtu hrang a si.

C = 50% - 69% Awm-ang tawak ih thiam, zir thiam bet vivo thei pawl hrang a si.

D = 50% le cuhnakih mal. Zir lai asilole exam ih tican kha tlawngta in a theihthiam theinak dingih tuah sal leuhleuh `ul dinhmun a si.

Himi hmat pek mi tin in + lole - a nei thei, tehkhinnakah B- lole C+ tivekin.

(3) Tumtah mi le practical tuahter mi ih thulu le nithla le a ngah mi hmat ngankhum mi. Thil tuah mi hmuahhmuah ih hlawhtling theitu kan hawl lo, cuhnakin tuah mi hmuahhmuah hi hmuhton zirnak sawn hi kan hawl mi a si sawn.

Ziangtin saw ca nganter mi cu A, B, C tvk na pek dan?

A cangan mi ih tawi le sau na zoh ding, ka hrang ahcun cahmai khat ah `ongfang 350/400 a si. Cuisin tlangta hin thusuh mi a sang ngah taktak maw timi le thusuh mi zoh tahratin manhlap zetih a ngan maw timi ka zoh. Cuisin a sung thupawl cu ka zoh ih, thusuh mi thawi pehpar aw lawng tlawngta hin a sang maw timi keimahte ka sut aw aw, cuisin thutak sung muril, a diknak le a thurel dan, ca ngan fel le fel lo, siar har le har lo pawl ka zoh. Tualsung ih high school tlawng zirhtu hnenah zirnak lamih an zohfel dan ka sutrawn. Phunhnam `hen khat cun thil pakhat khat ah midang hnakin thupi zetah an ret mi a um `heu, cuiruangah ziangvek ha an si ti theih hi a thupi zet a si.

Exam cu khuitawkah saw a si?

A tawmpi ih download ding mi sungah a um ih, a `hen` hen te in simaw, a zate huap in simaw a tawkipih tuah ding mi a um thluh a si. Zohfel dan cu a tlun ah hmuh a si zo. Zirlai a cem tikah kaihruaitu in exam sannak ding file a dil ding. In e-mail tikah na hmin zaten, na address, na kum, na ID card asilole passort number, telephone number, na pastor ih hmin, na kohhran hmin le address, le na tlawngtapi pawl ih thuhla kimcang takin ngan tel thluh aw. Ka lung a awi.

Zirlai bu a cem tikah ziang a cang ding?

Zirlai bu a cam tikah, kaihruaitu in tlawngta hmin cazin, an thuhla ngan khum mi le an hna`uan mi pawl cu an zirnak nem hngetnak ih diploma tuah sak dingih rak lungkimpitu pastor asilole hruaitu hnenah a keng thluh ding. Pastor asilole hruaitu cun a hnuailam vekin a rak zohfel ding:

1. A tlunih sim mi ngan khum mi thil phun thum, le kaihruaitu ih ruahdan, le bulpak recommendation pawl.
2. Exam result pawl.
3. Ca zir sungih tlawngta ih umtudan le a zuam le zuam lo.

Cunu/cupa cun cui tlawngta cu thuhla suh a duh thei. A tlangpi thu in diploma cu Graduation Ceremony ah kohhran, sungkua, le rualpipawl sawm khawm in pek a si `heu. Tlawngta kha mipi hmai rori ah hmailam ih rawngbawl an tum dan thu an sim suah ding hi kan duh dan cu a si.

3. Thusuhnak dang le sannak dang pawl

DCI hi ziang tinak a si?

DCI timi cun DCI Foundation, Schools of Mission, the World Christians News Pages le hi web site telin ram dangdang ih a burbur ih cangvaihnak pawl hi a huap thluh a si. A hmin hi Bible sungih Rom 1.1 ih si ra a si ih, Paul in amah le mah 'Doulos Christou Iesou' - Jesuh Khrih ih siahhlawh tiih a rak ti awk mi `ongfang a si. 1986 ih si rak thawk mi hi hmin hin kan dinhmun le Pathian le leiltun minungpawl rian dingih kawh kan sinak in theihter ringring a si.

Zo ha na si ih, khuitawk mi ha na si?

Zo kan si ti cu www.dci.org.uk ah rak zoh aw. Hi zirlai bu Director cu Dr. Les Norman, Th.D, Ph.M a si ih, Khristian hna`uannak ah kum 30 lenglo hmuhton mi neitu a si. Kannih cu England ram ihsin kan si ih, sensoh a tam lonak ding hrangah inn ihsin hna kan `uan ih, khungkhai lo takin kan nung. Kan rualpi le tlawngtapawl cu leiltun pum puluk ihsin an ra.

Ziang kohhran ha nan si?

DCI cangvaihnak cun ziang kohhran hman a tumtah lo ih, hi mission net work ih hna`uantupawl khal hi ram dangdang ihsin kohhran dangdang ih si ra mi kan si. Fimthiamnak lamah, associate professor sinak thawi Dr. Les Norman ih hna`uannak USA ramih NCI University in in pawmpi. Hitawkih UK ahcun kan Director le a innsang cun Evangelical church mi an si ih kan rualpi dang pawl khal cutivek thotho ih kohhran tum deuh le fate deuh hmun dangdang ihsin an si.

Thurin ngan mi na nei maw?

Kannah cu 381 AD ih lungrualtei an rak tuah mi Nicene Creed asilole Apostles Creed a si mi hlanlai kohhran le tulai santhar kohhran hrangih `habik a si mi hi kan nei...

“Pathian pakhat, Pa, Ziangkim tithei, lei le van le a sung um hmuahhmuah, hmuh theih lo hmuh theih lo sersiamtu kan zum. Jesuh Khrih, Lal pakhat, Pathian ih fapa mal neihsun, catuan ih Pa ih neih mi, Pathian ihsin Pathian, Eng ihsin Eng, Pathian diktak hnen ihsi Pathian diktak, hrin mi, tuah mi si lo, Pa thawi sinak bangaw mi cu kan zum. Amah ihsin ziangkim sersiam a si. Kanmai hrangah le kan rundamnak hrangah van ihsin a rung: Thlarau Thianghlim ih huham ihsin falahim Mary ihsin a rung piang ih, minung ah tuah in a um. Kanmai hrangah anih cu Pontius Pilate kut hnuaijah khenbet in a um; thihnak a tuar ih phum in a um. Cathianghlim vekin a ni thumnak ah a thosal; van ah a kaiso sal ih Pa ih vawrhlan ah a to. Minung le mithi thu `hen dingin a sunlawinak thawn a ra sal ding ih a lalram cun cem ni a nei lo ding. Pa le Fapa hnen ihsi a ra suak mi nunnak petu, Lal, Thlarau Thianghlim kan zum. Pa le Fapa thawn anih cu biak le sunlawih in a um. Anih cun Profetpawl hmangin thu a sim. A thianghlim mi catholic le apostolic Kohhran a si mi kohhran pakhat lawng kan zum. Sual ngaithiamnak baptisma pakhat lawng a um tiin kan than. Mithi thawhsal ni, le a ra thleng ding mi leitlun kan hngak..”

(“catholic” timi `ongfang hin kan Lal Jesuh Khrih ih kohhran pumpi a sim duh mi a si.)

Ziangtin saw ka lo bawm ve thei ding?

Cuvek thu na ruah ruangah kan lung a awi. Internet ah sish, a taktak ih kan tuah mi tlawng ah siseh, fee kan lak lo ruangah na bawmnak ziangvek khal kan ngai thupi zet a si. Kannah khal punghmanten ram farah ram ih minung tampi le mission project tampi kan bawm ringring a si. Kohhran siseh, pawlkom siseh bawmbawihitu fumfe ngaingai kan nei lo ih, kan website khalah cutivek thehlar awknak kan tuah lo. Mission tlawng hi na hrangah malsawmnak ngaingai a si ahcun a hlu na pek mi hin hitivek zirnak ding paisa nei lo lawlaw ram harsa pawl a lakih tuah sak thei dingin kan bawm tinak a si ih, kan degree la cia pawl le hruaitupawl kha mission thar asilole project thar kan thawakter thei ding a si.

Ziang `ong dang pawl ha ngah?

Kan web site hmailam www.dci.org.uk ah rak zoh awla cutawkah English, Spanish, Portuguese, Cebuano, German, Arabic, Hindi, Indonesian, Mooré, Romanian, Russian, Kiswahili, Telegu le Chinese tipawl na hmu ding. Kanmah thawn `uan tlang dingin, le hi zirlaibu hi `ongdang ih let dingin kan lo hmuak a si.

~hangso rero lai rampawl hrangah hruaitu conference hi ziangtvek ha a `ha bik?

Tikcu wavi sarih hrawng lawng na nei ding asile a zirtupawl cun a bullhram thu an theithiam thei a si ruangah a hnuailam ih a bullhrampi a si mi zir dingpawl hi kan lo duhsak: 11.Leitlun Hrangih Pathian ih Tumtah Mi; 12.Thupek Ropi; 38.Siangpahrang Hruaikir; 63.Kohhran

~hanglian; 64.Kohhran Rawlkhawm; 65.Kohhran Siahhlawh; 66.Dungthluntu Kohhran

Midang hrangah nan zirlai bu hi ka copy thei maw?

Na tuah thei, kan hnen ihsi na ngah mi pohpoh cu nangmai hrangah siseh, midang hrangah siseh na pe thluh thei a si. Cumi hrangah kan lo hmuak a si. Kanmah in a lak ih kan lo pek vekin a lak

ih na rak pek ve ahcun zianghman kan lo cawh lo ding, asinan na copy nakih na cem mi cekcu na cawh thei a si.

© **The DCI Foundation, England**

Global Support for the world of mission from 1985

Internet: <http://ww.dci.org.uk> E-mail: support@dci.org.uk